

A photograph of a man in a field, aiming a bow. The man is shirtless, wearing a beaded necklace, and is holding a bow and arrow. The background is a field of tall grass. The text is overlaid on the image.

**WAKAIKANGIRA PAKATSVIRA DZIMWE**

**STORY WRITTEN BY**

**TINOH 🎓 MUTSINZE**

**+263772578111**

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

CHAPTER 1

KUNDAI

"Kundai , Kundai iwe Kundai. Ndati mambo vari kukudana kumuzinda." Ndakamunzwa Zvidzai achindidaidza. Ndakaramba ndakaomesa gotsi rangu kuti papata. Andina kana kudavira , asi ndakaramba ndakatarisa mudziva mandainge ndakaisa chirauro changu.

"Kundai wakakuwanepi kuzvikudza kwose uku kwawave kuita mazuva ano? Ndati mambo vari kukudana kumuzinda---"

"Vanondida wei ikoko?" Ndakadaro ndisingacheuki kana. Idzo hove dzaidyira zvekuti fee zuva iroro.

"Izvozvo unononzwa kana tasvika. Sara utevere tsoka ini ndaenda"

"Ndazvinzwa" ndakaona afuratira ave kufamba kuenda.

Ndakasara kwave kurongedza hove dzandainge ndabata. Ndakaisa chirauro changu pafudzi ndokwira makata okuenda kumuzinda. Ndisati ndanyanya kuenda kure ndakabva ndacheuka. Ndakaona hove dzichiita kutomuka tomuka mudziva ndikanzwa moyo. Ndakadzoka zvekare ndotanga kuraura hove. Nguva diki diki ndakanzwa kutaura kwevanhu vaiuya vachiratidza kuwanda. Ndakacheukira kuruboshwe kunova kwaiyenda mvura ndikaona murume ane ndebvu dzachena kuti mbuuu. Ainge akamira akanditarisa.

Akandipa chiratidzo chekuti huya kuno. Ndakaenda ikoko achibva anditi ndigare paseri pegwenzi. Iye andina kuzomboona mafambiro aakaita. Kuita kunge akanyangarika.

"Zvidzai tiratidze kuti wamuona papi Kundai?" "Akadaro Manyara jinda guru ramambo Zvanyadza.

"Ipapa ndipo pandamuona ari. Kuti angava ayenda kupi nhai?" Hana yangu yaiita kurova

ndichiona akabata miseve mumaoko ake.

"Hakuna munhu uku varume. Ngatidzokerei tinoudza mambo" vakabva vadzokera. Asi ndine munhu mumwe chete wandakaona akasara akamira. Munhu uyu ndakamuziva raitova jinda raMambo Zvanyadza.

Ndakabva ndatanga kunzwa izwi,

"Kana uchinge wotonga dunhu rako Kundai. Uyu ndiye waunoenda naye wonoita jinda rako guru" ndakaseka munoziva. Inini chaiye kuita mambo ndikatotongawo here? Ndainzwa kuzvishora zvakanyanya.

"Kwete , anova mambo ndiye Zvidza"

"Iwe unotadza nei kuva mambo?"

"Ndiri mutorwa ini mumusha wamambo Zvanyadza" ndisati ndanzwa mhinduro ndakabva ndati pepu--! "akomana zvariri dambudziko rehope kurota kwewakarambwa, ndaitorota zvangu.

Ndakanzwa jongwe kurira ndikaziva kuti kwakange kwave kuyedza. Mumuzinda mainge makanzi ziiii , munhu wese akange akarovera matama pasi. Ndakamuka ndikagara ndakaita zvekuzendama nemadziro semunhu apererwa zvekurevesa. Ndakabata shaya ndokutanga kufunga nezve hope dzandainge ndarota.

"Kana uchinge wotonga dunhu rako Kundai. Unotora munhu uyu woenda naye kunoita jinda rako guru---" mashoko aya akandinetsa. Akanga amataura ndiani? Ndekupi kwandaifanirwa kuzonoita mambo? Andina kuona chikonzero chandaizvinetsera ini nenyaya yandakange ndaita kunzwa kuhope, zvimwe aive mabasa emhandire dzandainge ndadya madeko.

Zvidzai aindinzwisa hashu nguva nenguva. Ndaifunga kuti inyaya yekuti ndiye aizova mambo

kana Zvanyadza afa. Aindiitira hutsinye nguva nenguva. Zvanyadza vaiva baba vake iye ari iye gotwe ravo. Ndiyezve aiva mwanakomana wamambo Zvanyadza ari oga muvanasikana vaviri Chenai naCheneso. Uyu ndiye aizova mambo kana Zvanyadza achinge afa. Ndiye ane izwi rakandidaidza ndiri kudziva randaivedza hove kuhope dzangu. Ndakangoti amheni ivo vari kumhepo. Semunhu aingoshoreka andina zvandaikwanisa kutambira----

"Kundai , Kundai hokoyo worohwa nemuseve waZvidzai----!" Nguva iyoyo yandakange ndiri mundangariro ndakanzwa Runako ave kudeedzera. Ndakamubata kuti adzikamise hana sezvo ndakanga ndaziva kuti kwaiva kurota. Amai vangu vakabva vamukawo nguva iyoyo kwave kugara. Ndakatsvanzvadzira pane mwenje kwave kubatidza. Tainge tave kuonana----

"Runako zvaitasei?"

"Undiregererewo mufunge Kundai. Andisi kutombonzwisisa hope dzandarota."

"Azvina kuipa mwana waamai vangu. Tarisa amai vamukawo vangogara vakatitarisa."

"Ko , zvavari kuchema nhai Kundai----" amai vangu vaiva munhu asingatauri. Ndaisatozivawo kuti chii chakanga chakaitika kwavari. Vainzwa , vaiona asi kutaura kwairamba. Ndakavaudza kuti vanyarare sezvo taiva takanaka----

"Kundai ndine mubvunzo"

"Bvunza zvako Runako."

"Baba vedu varipi?"

"Ndizvo zvaunobvunzawo inini here? Inga tatokura tisina nhai?"

"Ndabvunza nekuda kwezvikonzero"

"Dai amai vaitaura , zvimwe vaikwanisa kutitaurira kwakaenda baba. Asi inini chandinoziva tiri vatorwa mumusha muno"

"Hooooo zvatiri vatorwa takachengeterwei muno? Ko ivo amai vedu ndiyo hama yemumusha muno here kana kuti kwete?" akabva anyarara. Mabvunziro ake akandishamisa. Andinawo kuda kubvunza zvakawanda. Nguva iyoyo ndakanzwa zita rangu kudaidzwa-----

"Kundai buda umo takumirira pano---" Manyara ndiye akadaidzira. Izwi rake raityisa. Aiita kudzvova seshumba. Amai vakaramba vakanditarisa ndichibuda panze. Ndakawana Manyara naChisungo machinda amambo akandimirira. Ndakasvika nekugwadama pamberi pavo---

"Ndauya madzishe"

"Simuka haikona kutigwadamira atisiri midzimu yako isu" ndakabaiwa nawo museve pamhanza uku hana ichirova.

"Zvakanaka Manyara."

"Chinzwa unzwe zvandinoda kukutaurira. Mambo vari kukuda kumba kwavo ikozvino. Famba tiende-----" ndaiziva kuti amai vari kungochema mumba. Andina kukwanisa kuramba. Ndakatanga kufamba ndakaita kubatiranwa. Dai kuri kunzi ndaimbokwanisa kutiza kwacho zvaiva nani. Hongu pfungwa dzekutiza mumuzinda ndaiva nadzo , asi mai vangu vaizosara voriritirwa nani? Nguva iyoyo ndakabva ndapinda mumba mamambo Zvanyadza----

"Iwe Kundai ndinoda kuti unditeerere."

"Zvakanakai mambo"

"Kukurera kwandakaita unondiripa nei?" Mubvunzo wavo wakandipa kudedera. Makumbo angu ose akange otamba tamba setsanga dziri mumvura.

"Mambo wangu ndinotenda kwazvo. Asi andizive kuti mungada kuitirwa chii? Inini andina kana chandiinacho zvamunongozivawo kuti ndiri dzvinyu risina gushe"

"Haisiri nguva yokutenda iyi. Ndati unondiripa nei chete?"

"Andina chandiinacho mambo"

"Zvese izvozvo ndinozviziva. Inini ndafunga kuti udaiso. Enda uudze Runako kuti zvanzi neni \*Mushure memazuva mashoma shoma achave mukadzi waa Zvidzai\* hana yangu yakarova. Kana misodzi yangu yakatanga kubuda"

"Mambo madarirei?"

"Andisi kuda kupikiswa. Mhandara iyi yakanaka zvokuti andingasiye ichienda nemadzapfudzanana ekunze uku. Buda muno ikozvino ndapedza newe"

"Zvakanakai mambo." Ndakaita kusairirwa panze. Ndakabereka tsoka kuenda kuimba yaamai vangu yaiva kunze. Kunze kwainge kwotochena zvino. Ndakambomira pamusiwo ndisati ndapinda mukati. Ndaishaya kuti ndoita ripi zano kuti ndibude nemhuri iyi mumuzinda kunogara zvakasununguka? Nguva iyoyo ndakacheuka kwandaive ndabva ndikaona Chisungo ave kutevera. Ndakabva ndapinda mumba nekukurumidza. Ndakatarisa pana Runako ndikaona munhurume akagara pedyo naye. Munhurume uyu aiyerera misodzi. Nguva diki diki akabva anyangarika.

"\*Yedza nepose paunogona napo. Zvidzai naRunako avangaroorani.\*" ndiro izwi randakazonzwa.

Zvakandishamisa ndichibva ndati,"Runako"

"Watii Kundai?"

"Muno mune asara akapinda here kubuda kwandaita?"

"Kwete tingori vaviri isu"

"Hooo"

"Zvanzi naMambo kwawanga waenda?" "Ndakaramba ndakanyarara.

"Kundai ndiri kutaura newe."

"Ukanzi roorwa naZvidzai ungade here iwe?" Ndakadaro nezwi nyoro nyoro.

"Kekekede , kuroorwa naZvidzai wandakakura naye pano. Hupi hutsinye hwaakaita hose hwandisina kuona inini?"

"Hoooo"

"Asi ndiyo nyaya yawafambira here?"

"Hongu , uye zviri kuratidza kuti zvikasadaro chete tinouraiwa semhuka" akabva aseka hake kwave kutanga ku---- ukuwo amai vainge voratidza kutya nazvo vachibva va-----



End of chapter 1

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 2

### RUNAKO

Dzimwe nguva unodemba kufa sekunodzokwa. Pane pekuti hupenyu hunokuomera , asi usina chaunokwanisa kushandura pahupenyu hwacho. Inini naKundai pamwe naamai vedu tainge takararama hupenyu hwehunhapwa kubva tichiri pwere. Zvino tainge tatokura tichiziva kuti tichafa tichitambudzwa kudaro sezvo tiri vatorwa mumuzinda waishe Zvanyadza----

Zuva randazorota hope iri ndakatadza kuziva zvazvaireva. Ende ndaiona Kundai ave kuda kuuraiwa naZvidzai nemuseve. Ndiko kupepuka kwandakaita ndisina kunyatsonzwisisa kwazvaienda nako. Chainyanya kundirwadza ndeche kuti amai vedu vaisataura , asi vaiti kana voratidza kuva nezvavanoda kutaura waiona vopedzera shungu dzavo dzose mukuchema.

Zvaindirwadza mazuva ose ehupenyu hwangu----

Pandakanzwa Kundai ave kutaura zvekuti ndaifanirwa kuva mudzimai waZvidzai , ndakaseka munoziva. Ndakaona zvisina kukodzera. Munhu wandainge ndakangokura achindibata senhapwa ozova murume wangu zvaisaita kana padiki pose. Uye nguva iyoyo amai vakatanga kuchema----

Mambo ava vaiva nehutsinze hunokora setii yakabirwa nezuro.

"Kundai tarisa kuchema kuri kuita amai. Azvibviri kuti ndiroorwe naZvidzai---" pandakadaro ndakaona vave kugutsirira musoro. Zvekuratidza kubvumira mashoko andainge ndataura aya.

"Zvakanaka Runako. Asi kana tada kudya imbwa totodaya iri hono." Akadaro Zvidzai achiratidza kuzvishingisa zvakanyanya.

"Zvakanaka Kundai. Ini ndave kumuka ndiende kurukova nevamwe. Ndinofunga kuti vana Chenai vandimirira" ndakadaro ndichitora chirongo kwave kubuda.

"Zvakanaka Runako ini ndave kuendawo kudziva rezasi uko pane zvandinoda ikoko---" ndakashaya kuti aida kunodii kudziva? Ndakabva ndatanga kufamba , ndaida kunomutsa Chenai naCheneso. Ndisati ndasvika kwavairara ndakanzwa izwi rakati---

"Iwe mirapo----" pandakacheuka ndakaona ari Chisungu. Ainge akabata pfumo mumaoko ake. Ndakashaya kuti aida kuenda kuhondo here nenhava mupapwa dzake?

"Wamukasei Runako?" Ndiye akatanga kundibvunza mufaro pachinhambo chekumukwazisa inini.

"Ndamuka zvangu Chisungu" ndakadaro ndichida kugwadama pasi. Waiva mutemo wangu iwoyo kana ndichikwazisa machinda amambo. Mambo Zvanyadza ndizvo zvavaida---

"Simuka zvako Runako andisiri mambo wako ini."

"Zvakanaka Chisungu."

"Uri kuenda kupi apa?"

"Kunomutsa vamwe tiende kurukova. Hauoni here kuti ndakabata chirongo mumaoko angu."

"Handei tiri vaviri"

"Nekuda kwei? Mambo vakationa zvinoperera kupi?"

"Kana ukasangana nezvinokuvadza ikoko ndinozokurwira. Mambo vadii anditi ndiri jinda ravo guru here rinotevererana naManyara----?" Ndakanyatsoti kunun'unu. \*Kana ukasangana nezvinokuvadza ikoko ndinozokurwira chete----\* mashoko aya akandishamisa. Mumuzinda uyu taisaonekwa sechinhu. Ini naKundai taitorwirwa nevadzimu chete kwete nevanhu. Ndakabva ndati----

"Chisango haikona kuda kundipedzera nguva"

"Wanzwa mashoko awataurirwa naKundai here? Ndinoda kutokurwira zvangu netsitsi dzangu. Azvighoni kuti iwe wakakurira muno mumuzinda uroorwe naZvidzai. Moyo wako unosununguka here?" ndipo pandakaona kuti aida kutondibatira. Zvimwe aindidawo hake , asi andina kukwanisa kuramba. Takabva tatanga kufamba kuenda tiri vaviri. Tisina kure kure kwataenda takanzwa izwi rakadaidzira kumashure-----

"Iwe Chisungu wave kukotamira museve wangu zvino. Unoti ndikakushwetedzera hewo shure kwako ungararama here---?" Tose tiri vaviri takavhunduka kwave kucheuka. Asati adavira kuna Zvidzai , akabva anditi---

"Runako ndichakurwira. Zvino ndave kuda kumupandukira Zvidzai , asi usamuzivisa ndapota. Ndagara pakurwa ndiri mvumba haana zvaanondiita-----" munoziva ndakangonyemwerera. Akabva atarisa Zvidzai ndokuti----

"Kwete mambo wangu. Ndiri kuedza chete kumudzivirira."

"Unofanirwa kuita chete zvandinenge ndakuti ita ini samambo wako. Siya ayende naChenai iwe dzoka"

"Zvakanaka mambo wangu" ndakabva ndabatana naChenai. Chisungo akadzokera zvake aita kusimudza pfumo rake mudenga. Tsamwa yaakaridza ipapo yaiva nemutinhimira. Ndega ndakanyatsoona kuti zvasiyana. Kwaiva kunyangirana yaona kare.

Tichisvika parukova ndakaita kunge ndaona munhurume akamira mumvura. Asi ainge atokura zvekuenzana namambo Zvanyadza. Nguva iyoyo akanyemwerera kwave kukanda chinhu mumvura achibva anyangarika. Ndakavhunduka kwave kudududza----

"Runako zvaitasei?" Akadaro Chenai mwana wamambo Zvanyadza.

"Aaah , usazviise muhana. Ndangovhundukawo" ndainge ndonzwa hana kusimba zvino. Nguva iyoyo ndakabva ndaenda kunochera mvura yangu painge pakandwa chinhu paye. Ndakabuditsa chuma chairatidza kuti chakagadzirwa nenyanzvi. Ndakanyemwerera Chenai akanditarisa----

"Runako chii ichocho?"

"Ahusiri bofu iwe Chenai. Ahusi kuona kuti chii ichi?" Ndaidaro ndichitopfeka muhuro. Ende ndainzwa simba. Ndakamuona ave kutarisa chake chaainge ainacho zvikanzi----

"Hausiri mwana wehumambo iwe. Wadii ku----"

"Nyarara Chenai inga ndachiwana ndoga"

"Saka uri kuda kufanana nesu vana vamambo here? Bvisa Runako undipe---"

"Ndezvako izvo" ndakabva ndatsiga chirongo. Pandakada kuti ndifambe akabva andibata zviye zvekuti apana kwandaienda.

Pandakada kumurwisa , ndakanzwa mazwi evanhu kutaura. Nguva yacho ndakaona machinda maviri aibva mhiri kwerukova achida kuyambuka. Pavakationa ndakanzwa vave kuti-----

"Ndiyo mhandara yatatumwa iyi. Ngatiswederei pedyo--" ndakaona Chenai ave kunyemwerera. Paakandiregedza ainge azotarisa mafambiro emachinda aye.

"Hevo mazimhandara" vakadaro

"Ini ndinofara ini. Kwakadiiwo kwamabva"

"Ini ndinonzi Muchabaiwa , umwe wangu uyu anonzi Chawira. Tabva kudunhu raishe Chamboko."

"Hooo zvakanaka Muchabaiwa. Ini ndini Chenai mwanasikana wamambo Zvanyadza. Uyu anonzi Runako. Asi akanakira kure kure-----"

"Uyu ndiye musikana watatumwa uyu. Handei tinoda kunoona mambo wenyu----" hana yangu yakarova. Iye Chenai ndakaona ave kunditarisa neziso reruvengo-----

ZVIDZAI

Ndainge ndakura zvino ndave kuzvinzwa kuti ndave kufanirwa kubuda mugota. Mhandara yandaida kwazvo mudunhu ramambo Chinhengo yakanga yandiramba. Dunhu iri ndiro ratainge takaganhurana naro paiva pedyo zvakanyanya. Mhandara iyi yainzi Tsitsi. Ndaigarorangerira mashoko ake ekuti----

"Zvidzai une hutsinye sababa vako. Pose pandinoshanya munyika yenyu ndinoona Kundai achitambura---"

"Saka ndizvo ungandirambira here? Rangerira kuti ndiri mambo vemangwana ndinofanirwa kutyiwa"

"Zvino ini andikudi nekuti andidi kuzotyiswa kana togara tose----" ndakamboda kumutora zvekumanikidzira , asi ndakatoona kuti taikurirwa pakaita hondo. Machinda amambo Chinhengo airwa zvekuti kwedu aikwikwidzana navo ndiChisungo ega akanga aine museve usingapotsi.

Zvino ndakanga ndave kutoona kuti ndikaroora Runako zvaiva nani. Ndainge ndatiwo ndonofurira kure sezvo mbeva dzemumusha ari makonzo , asi zvakakona n'anga murapwi achida. Ndakabva ndaudza baba vangu---

"Baba , sezvo Runako ari mutorwa mumusha muno. Ndaona zvakakodzera kuti ndimuroore kuita mukadzi wangu----"

"Baba vangu Moyo iweeee. Wapindwa neiko mwanangu Zvidzai? Inga vakuru vakati MUROI ROERA KURE KUTI VARI PEDYO VAGOKUREVERERA. Hazvigoni kuti uroore Runako---"

"Munoti hazvigoni seiko iye ari munhukadzi? Anditi mutorwa here mumusha muno?"

"Kunyangwe ari mutorwa zvake , asi azviite kuti umuroore kuita mudzimai wako"

"Nekuda kwei nhai baba?"

"Mose muri vana vangu sezvo ndakakurerai mose-----" nxaaa ndakanzwa kusvotwa. Kutoramba vakashinga. Ndakamboedzawo kupotera nekuna amai vangu vaMandigona , asi azvina zvazvakabatsira. Vakaramba zvekare kuti ndiroore Runako. Zvino ndakazochishandisa chisimba  
-----

"Kana mukaramba chete ndiri kuita zvehondo. Kana vakauraiwa vose naKundai musandibvunza"

"Iwe Zvidzai wapindwa nei?"

"Ndiri kuda Runako ave mudzimai wangu. Ndotokomba here ndisina kuroora?"

"Unofanirwa kuroorawo mwana wehumambo. Kana kunoroora kune mamwe matunhu asiri rino."

"Kwete ini ndada Runako"

"Hooo , zvakanaka. Ndave kuita sekuda kwako kuti tirege kepesana"

"Apa maita semurume. Ndiko kunonzi kutonga nehuchenjeri uku." Ndakanzwa kufara. Runako aizova wangu.

Zvino pandakaona Chisungo onanaidzana naye kuseni seni ndakaita kuvira nehasha. Chii ichocho kuda kundigumburisa? Zvekuti airwa semvumba zvaisava nebasa rese. Inini ndaiva mambo wake chete.

"Andidi kukuona zvekare Chisungo. Kana ndakutuma chete kwete kuita zvemuroso wako wega"



"Zvakanaka Zvidzai."

"Ikozvino ndiri kuda kuti Kundai auye kuno. Enda umudaidze"

"Zvakanaka" nguva diki diki akadzoka achiti Kundai akange asipo. Ndakashaya wekubvunza sezvo amai vake vaisataura. Chero ukabvunza vaingoramba vakaudyura maziso. Ndakasiya ndavarova mambama. Nguva inotevera vaisamusiya zvekare achibuda zvisina mvumo yangu kana yaamai vangu nababa---

Kubuda imomo kwandakaita ndakaona Chenai naRunako vachisvika nemachinda maviri. Ndaisavaziva mazita avo vose. Muchabaiwa ndiye wandakaziva ari oga---

Vakangonanga paina namambo ini ndokuendawo ipapo padare kuti ndinzwe chavakanga vafambira-----

End of chapter 2

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

CHAPTER 3

ZVIDZAI

Ndakasvika kwave kugara pachigaro changu chaiva padare. Andina kukwanisa kana kukwazisa machinda aya. Ndivo vaitofanirwa kundikwazisa sezvo ndakanga ndiri mwana wamambo mumuzinda uyu.

"Zvamonoramba makaudyura meso semunhu azvisungirira wani. Mwana wangu uyu amhunuoni ---?" Vakadaro mambo. Ndakabva ndagutsirira musoro wangu---

"Kuziva mbuya huudzwa ishe wangu. Tangoti sezvo ari pwere kwatiri tose anofanirwa kutikwazisa iye--"

"Kuva pwere kana kuti kwete , azvina basa ndimambo nokuti mwana wangu."

"Zvakanakai"

"Chitaurai zvamafambira tinzwe. Mabvepi imi andisati ndakamboona zviso zvenyu?"

"Tabva kudunhu ralshe Chamboko. Inini ndinonzi Muchabaiwa. Wandiinaye uyu anonzi Chawira."

"Hooo uko , akadii iye Chamboko?. Takakura tose saka ndinomuziva chaizvo. Takazongoparadzanawo madzibaba edu ave kutonga. Zvanzi kudini--?"

"Mwana wavo anonzi Tigere ndiye anoda mhandara imwe chete kuno. Saka ndizvo zvatatumwa kuzotaura---" ndakabva ndatanga kunyemwerera. Kana baba vangu ndakaona mufaro wavo wose. Nguva iyoyo vakabva vati---

"Iwe Manyara enda udaidze mudzimai wangu vaMandigona vauye pano. Vanouya naCheneso pamwe chete naChenai"

"Zvakanaka mambo" Manyara akabereka tsoka onanga kuimba yaamai vangu. Nguva iyoyo machinda maviri aya akatarisana. Amhenokuti zvairevei?

"Ndine mhandara mbiri chete pano. Amhusati maona kunaka kwadzakaita imi."

"Zvakanaka ishe."

Zuva rainge ratoto kata kata. Pwere dzainge dzachiti ndandanda muzvidziro kudziya zuva. Nguva diki diki amai vangu vakasvika vaine mhandara dzavo mbiri idzi.

"Mangigona ndakudaidza kuti unzwe nyaya yauya nevakomana ava. Vatumwa nalshe Chamboko kuzosvitsa shoko rekuti mwana wavo, Tigere anoda kuroora mumusha medu. Unoti kudii nazvo?" Vakarerekera chiso amai vachinyemwerera havo ndokuti--

"Zvakanaka zvole baba vaChenai. Ndavanongedzere wacho wavatumwa apa. Tigere anovaziva vana ava saka ndinovimba kuti vataurirwa zvizere---" Muchabaiwa akakosora ndokugadzira izwi rake akati---

"Maita zvakanaka. Musikana watatumwa ahapo pakati pevaviri ava." Ndakabva ndatoshanduka kuita semamiriro ekunze. Saka zvaireva kuti wavakange vatumwa ndiani?

"Zvino matumwa ani?" Vakaro baba vangu.

"Uyo amire uko ndiye anodiwa naTigere. Kana chimiro chake chinoyevedza kutarisa.----" kunongedzera Runako. Ndakaseka ndikati ndaida kuzviona.

Nguva iyoyo ndakasimuka ndikafambisa kunanga painge pakamira Runako. Ndakasvika ndikaita kumudhonza.----

"Zvidzai ndisiye , unoda kundiitaseiko nhai iwe Zvidzai---?"

"Famba tiende kudare. Ndinoda kuvaratidza kuti uri wangu---"

"Kwete , inini newe atingaroorane."

"Nyarara apo. Sei uchitaura kunge wakaruma chiropa chembwa Runako." Ainge ave kuchema.

Nguva iyoyo ndakasvika ndikamukandira pasi. Ndakaita kumusimudza kuti amire. Ndakamati dzviii mazamu ake iwayo kwave kumupa tsvodi.

"Endai mutaurire Tigere kuti Runako ane murume wake. Ngaasarudze waanoda pakati paCheneso naChenai" vasati vadavira ndakanzwa Cheneso ave kuombera maoko----

"Pamusoroi vedare. Chekutanga , baba muri kuti kudii nezvaitwa naZvidzai? Chichipiri inini ndibuditsei muchirongwa chenyu. Anditi Tigere asarudza Runako here? Ruregei aroore waanoda. Amheno iye Chenai atoisa muromo mumhino zvimwe anoda kuroorwa naTigere. Uyezve Runako ari kuratidza kusada Zvidzai-----"

"Unorevei iwe kana uchiti zvaitwa naZvidzai?" Ndakadaro

"Iko kubata mazamu aRunako. Haunyare wakaitasei Zvidzai? Runako akangofanana neni hanzvadzi yako uyu."

"Nyarara iwe Cheneso usade kundidzidzisa kutonga wanzwa here?" Nguva iyoyo amai vangu vakabva vangoti kwanyanu. Vakatangira kumhanya vakananga kumavirira. Takambosara takagara tichiti amheno zvavaiedza kuita. Ndakazooka voramba vachingomhanya ndikadzimara ndatevera ikoko.

Vakazonomira vave murwizi rwainzi Mukuvisi. Ndakashamisika kuona Kundai akatogara zvake achivedza hove.

"Kundai , Kundai huya ubate ruoko rwangu-----" vakadaro amai vangu. Kundai akaseka zvake akati----

"Mangwanani vaMandigona. Muri kuyerera ziya , asi mauya muchimhanya?"

"Ndati huya ubate ruoko rwangu Kundai."

"Hazvigoni. Zvadiii kuti munditi ndibate ruoko rwenyu nhasi?"

"Amai mapindwa nei?" Nguva iyoyo vakabva vamboti ziiiii. Mushure mechinguva ndakanzwa vave kuti----

"Zvidzai , mazuva matatu asati akwana ndinoda kuti Kundai auraiwe-----"

"Nekuda kwei?" Ziso ravo raitotaura rega. Vakabva vatanga kufamba kudzokera. Ndakati Kundai asiye zvaaiita tiende kumuzinda.

Takasvika vakomana vaye pasisina. Runako ainge asungwa maoko nemakumbo zvekuti apana kwaaikwanisa kuenda.

"Vaenda kupi" ndakabvunza

"Ndavaraira kuti vadzokere kudunhu ravo."

"Maita zvakanaka. Ko , iwe Cheneso unochemei kudaro?" Asati andidavira ndakaona Kundai ave kuenda painge pakagara Runako. Akatanga kunyemwerera achibata chuma chaiva humuro make---

"Runako haikona kutya mwana wababa vangu. Chawakapfeka ichi ndakachirota kuhope dzangu rimwe zuva."

"Kundai wasvika vakomana vaenda. Pane machinda maviri atumwa nalshe Chamboko ati Tigere anoda kuti ndizova mudzimai wake. Unoti kudii nazvo---?"

"Kana iwewe wabvuma chete azvina mhosva. Kwete kuti Zvidzai agova murume wako----" ndakanzwa hashu munoziva. Chuma akanga achiwana kupi? Akanga achipfekedzwa nani? Ko sei mambo vakaramba vakanyarara vachiona Kundai achisunungura Runako? Ndakaita kuvira nehashu. Nguva iyoyo ndakabva ndabata museve wangu. Ndaida kumuregedzera Zvidzai afire ipapo.

Nguva iyoyo ndakabva ndanzo zete!

"Yoweeeeee tsapfu yangu inga yaenda nemagora---" ndipo pakazotaura mambo.

"Manyara newe Chisungu pindai musango nevamwe mutarise kuti apotsera pfuro raro va Zvidzai tsapfu ndiani? Mukadzoka musina ropa rake apadyiwe rinopisa pano." Baba vangu vakabva vauya kwave kubata gumbo rangu. Kana kuenda kwakaita Runako naKundai andina kuzombokuona.

"Zvichirevei??" Ndiwo mashoko avakakwanisa kutaura chete. Vainge vakabata chainge chandibvarura gumbo rangu vakaita kutarisisa---

"Baba vaChenai mashamisika nei?"

"Chinhu ichi chinogara munogara zvombo zvangu zvakavanzika. Chatorwa nani? Ko , iye achisevenzesa ndiani?"

"Muri kurota here vaZvanyadza? Tionei kuno----"

"Andiroti ndisina kurara hope ini. Ooh , tambira uone." Nguva iyoyo amai vakatambira chinhu chiya. Waingoita kunge museve , asi zvakati siyanei zvishoma.

Inini ndaiita kuyuwira ronda rave kurwadza-----

## KUNDAI

Pandakabuda mumuzinda ndakananga kudziva. Ndainge ndafunga kuzadzisa hope dzandainge ndarota. Zvisinei ndakawana pakanaka paidyira hove. Nguva yekuvedza andina kumbobvira ndakaiwana kubva ndichikura. Zvaiitwa nevamwe inini ndaisaita nokuti taionekwa sevanhu vasina dzavo kodzero.

Ndakabata hove kusvika nhava yangu yave kuita kufashukira. Nguva yakazosvika Zvidzai naamai vake ndainge ndatoneta. Ndakarohwa nehana kunzwa vachinditi ndivabate ruoko rwavo. Ndakaramba ini.

Patakasvika kudare ndakarohwa nehana kuona Runako akasungwa. Asi kushamisika kose kwakazopera pandakaona chuma muhuro yake. Kana Chenai naCheneso vakasara pasi.



Ndainzwa kushinga kumwe kwandisati ndakamboona. Ndakamusunungura tikabvapo sezvo Mambo vainge voita kunge munhu arohwa nezvehusiku. Kutoramba vakangotitarisa havo vasingabwaire

Mhere yaZvidzai ndakainzwa , asi kuti ndidzoke shure ndakakundikana. Takasvika nekupinda mumba maiva naamai. Iko kuchema , wakanga wangove wavo mugariro. Kana dai ndaibvunzwa mutupo wavo ndaigona kuvhiringika njere dzangu chete.- ---

"Zvemumuzinda muno ini zvazondikandisa mapfumo asi. Tinosvika kupi nhai hanzvadzi tichitambura kudai---?"

"Usachema hako Runako. Vari kumhepo vanoziva iroro zano ririko ratichakunda naro"

"Unoti ndikabatwa naZvidzai ndichamboda kurarama here? Ndinozviuraya nokuti ndinenge ndaratidzwa kushaya basa kwangu panyika"

"Kwete azviite kuti Zvidzai akubate." Ndakapinda basa kumunyaradza. Amai vaishingawo vari padivi.

Nguva diki diki takanzwa mutsindo wemunhu aimhanya ari panze. Kupinda kwaakaita Cheneso takarohwa nehana----

"Cheneso kwaitikei?"

"Hapana , ndangomhanya zvangu kuti ndiregere kuonekwa."

"Zvakanaka Cheneso."

"Kundai , ndaona kuti wave nehushingi. Nhasi ndiri kuda kukupa basa."

"Rei?"

"Kana munhu wese achinge arara tichafamba naamai kubuda muno mumuzinda."

"Andisi kunzwisisa zvauri kutaura Cheneso"

"Iwe ndiri kuti ndoda kuti amai vako tifambe navo. Ndoda titsvage chakaita kuti vasataure."

"Nyarara zvako Cheneso. Tinomuka tave zvimukuyu . Muzinda uno unorara wakakomberedzwa kudaro nana Chisungo unoti dai tisina kutiza kare kare here?" Ndakaona Runako ane kunyemwerera ndokuti---

"Chisungo haasiri divi ramambo. Andiudza kare kare kuti achatirwira." Ndakabva ndati dhuuu kufunga zvehope dzangu. Chisango paakasara shure vamwe vaenda ndikanzi \*Kana wotonga , unотора murume uyu kuita jinda rako guru----\* hoonhai ndakabva ndanyemwerera ndikati----

"Waita zvakanaka Cheneso"

"Dai tikabudirira."

"Chokwadi"

"Ini ndave kuenda , Zvanyadza akandiona muno ndinochidura chakatadzisa imbwa kuseka kunyenama ichigona-----"

End of chapter 3

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 5

### CHISUNGO

Ndainge ndabudirika kuronga tsoro dzangu zvakanaka. Kwakange kwaenda vana Kundai ndaiziva kuti vaigona kunowana rubatsiro. Kwaisambova kure zvakanyanya. Vaigona kutovirirwa vachidzokawo mumuzinda. Zvino raiva basa zvekare kuti mambo vazokwanisa kunzwisisa. Anditi waitoda kuti chese charonga kuitwa vatange vazivizwa. Zvino takati vaende vasina kuziva nekuti vaigona kutoramba----

Machinda andakange ndashandisira gwenzi ainge ave kunyumwa. Ndakatoona kuti kuvavhundutsira ndiko kwaiita apa. Ndaisave nemweya wehumhondi kunyange zvazvo ndaiva mvumba panyaya dzekurwa hondo. Chandaisada kungouraya munhu asina kundirwisa. Ndiko kusaka ndakangovhundutsira chete kwave kusiyana navo---

Yakazova batai mukuru batai mudiki mumuzinda. Mambo vakange voda kuziva kwakange kwaenda vana Kundai. Ndakaita kunge ndaisaziva zvangu. Dai asiri Zororo akazouyawo otaura zverutsoka rwava Zvauya.

Ndakanzwa kushatirwa zvakanyanya. Mugoona mwana iwewe ndaimuda zvisingaite. Ainge

achangoyarukawo , asi ndaiona kuti ijaya yakachenjera kwazvo. Ramangwana rake rairatidza kuti achakwanisa kurwa hondo. Dai zvaisava izvo , ndaiswera ndamuregedzera museve wangu chete.

"Chisungo ahusi kufara sei? Unofanirwa kufara nekuti taudzwa kwaenda nerutsokwa rwava Zvauya. Handei tinotarisa ikoko----" ndakatanga ndanyemwerera ndisati ndati----

"Zvamambo akomana. Ndingafarireiko iyo mhandu yedu yakwanisa kupunyuka mumuzinda. Ndiri kutonzwa hasha izvozvi. Asi imi amhufungi here kuti Kundai ane-----"

"Chirega kuda kundimhanyirira mberi. Iwe davira chete kuti sei usina mufaro? Kwete kuda kutaurisa zvakawanda wanda. Asi ndine chigumbu chaicho chekuda kuziva kuti apunyuka sei? Kana huri huroi hwaamai vake ndinoda kuzviona----" ndakabva ndatoti zii. Andina kuzodavira zvekare. VaZvanyadza vakanga vondigumbura zvakanyanya.

Takadungamidzana kunge masvosve ari pamujawo. Nguva yatakasvika panzira iya , tose takaruona rutsokwa rwava Zvauya. Pavatsika pose paisara pakanyorwa naiwo man'a avo aiita seachasvika kutsapfu. Nguva yacho yekugeza vaiiwana kupi ivo vaisatenderwa kubuda mumuzinda?

"Zvaita zvakanaka machinda. Zvino mose motevedza nzira iyi kusvika mavawana. Ndati kana mangovaona chete , vaZvauya urayai." Kutaura kwemunhu asingafungi. Anditi nzira dzinowanda mharadzano here mukufamba umu.

"Zvakanaka mambo wangu. Asi inini ndanga ndafunga kuti zvanga zvakadiiko kuti vamwe vaende kwaChamboko vamwe voenda uku." Akadaro Manyara uyo aaitwa jinda guru ramambo.

"Ipapo wataura idi. Runako anogona kunge aperekedzwa kunopihwa Tigere. Zvino vamwe chiendai uku vamwe uku---"

"Ndizvo chaizvo"

"Iwe Chisungo unoda kuenda kupi?"

"Regai zvangu ndiende uku kwaenda man'a avaZvauya---" ndakadaro nenzira yekusada rufu rwavo.

"Unoenda kwandinoda inini mambo wako. Usade kuzvitonga iwe muzinda ndewangu ini Zvanyadza. Enda unorwisa kwaChamboko uko. Unoda kuti vana Popotai vanouraiwa vese ikoko here? Rega vana Tasariranhama nana Mutongi vaende naiye Manyara uku." Vainge vaita kutonga nedemo. Andina zvandaikwanisa kuita ipapo. Ndakabereka nhava yangu ndokutanga kutevedza nzira yaienda nekumabvazuva. Ndini ndainge ndakatungamira vose vaineitevera mumashure. Ndisina kure kure kwandaenda ndakabva ndatanga kuita kunge munhu uya asvikirwa----

"Chisungo zvaitasei?" Akadaro Popotai

"Unobvunza kuti zvaitasei seusiri kuona sei? Chisungo ijinda guru. Iwe rega ataure zvaaona tinzwe" akadaro Tafirei rimwewo jinda

"Iwe Tafirei apasiri kuda dzvene apa. Nyarara"

"Iwe Popotai apasi kuda kupopota apa nyarara"

"Mose nyararai apana chamuri murwira apa. Kwatiri kuenda uko mose munonofa ndikadzoka ndiri ndoga ikoko. Munofira mahara nekuti akuna vanhu. Ngatidzokerei kwaenda vana Manyara--" ndakadaro ndisingaseki. Vamwe vaiteerera vakabva vatanga kunditevera. Popotai akasara akamira nevamwe vaviri. Vairatidza kusada kudzoka----

"Imi dzokerai , isu toita zvarehwa namambo"

"Zvakanaka" vakabva vaenda kudunhu ramambo Chamboko vari vatatu. Isu takatanga kumhanya tave kutevera kwainge kwaenda vana Manyara nana Tasariranhemo-----

KUNDAI

Kubuda kwatakaita mumuzinda ndakatanga kunzwa kufara. Ndaifarira kuti ndakwanisawo kubuda kuti ndinotsvaga chikonzero chakaita amai vangu vasataure. Ndakanga ndisingatombozive kuti chii chakaitika kwavari? Asi Cheneso sezvo aiva mukuru kwandiri aigona kuziva. Ndakabva ndabvunza---

"Saka nhai Cheneso , iwewe zvauri mukuru kwandiri wakamboona here amai vangu vachitaura---  
-?"

"Kuda Chenai ndiye angatoziva sezvo akura patiri tose. Inini andina chandinorangarira ini----"  
ndakatarisa amai vangu ndikaona vachigutsurira musoro. Andina kuziva kuti chii chavakanga vanzwa apa vakabvumirana nacho? Andina kuda kuvabvunza sezvo ndaitonzwa misodzi iri pedyo.

"Zvakanaka wena. Atina kunyanya kusiyana pakuzvarwa ndiko kusaka usina chaunoziva nhaika"

"Hongu Kundai , asi ndine manzwiro angu ndega ekuti chete Zvidzai naRunako avangaroorani."

"Iyo yave imwe nyaya iyo"

"Ehe hazvo , asi iri kufanirwa kuti itaurwe tiri kwedu toga kudaiso."

"Wanga wati kudii nhai Cheneso?"

"Uri kufungei nezvazvo? Todzokera here kumuzinda kana kuti totsvara kwekunogara? Zvidzai yave shumba chaiyo inotyisa----- " Runako akabva aseka ndokuti---

"Mati angandiiteiko iyo yave hari yofanzirofa? Gumbo rake dai rikasapora" takabva tati bvuuuuu kuseka.

Munzira mese taitaura nyaya tichiseka. Sehusiku munongozivawo kuti dzimwe mhuka adzirare dzinototi kwachena towanawo kufamba. Nguva iyoyo ndakaona mhuka iri mberi kwedu ndichibva ndamira. Ndiyo yakavhiringa mufaro wedu wose---

Andina kukwanisa kuona kuti mhuka iyi yaiva chii? Raiita sebere. Vanhu vose vandaiva navo vaiva vanhukadzi. Andina kumbofungira kuti pane angaite hushingi.

"Nditambidze umwe museve Kundai. Ahuzivi anonanga pakati pedu---" akadaro Runako.

"Ini ndipei chero bakatwa" akadaro Cheneso. Zvino ndainge ndaita kukotamira. Sekunze kwaiva nemwedzi muchena taikwanisa kuona. Nguva iyoyo mhuka iyi yakabva yachema. Ndipo pandakaziva kuti yaiva mbada. Taigona kubvarurwa tose pakashaya anorarama---

"Tarisai yave kuuya---"

"Haikona kutya. Kana ichinge yave pedyo chete isu torege dzera---" ndainzwa simba kundiwandira. Kunyangwe zvazvo ndakanga ndisati ndamborwa hondo. Zvaisareva kuti ndaisagona, asi kuti hwaiva hudzvaniriri wamambo Zvanyadza. Dai Chisungo asina kutipawo zvombo taizorwa nei?



Pane payakasvetuka isu ndokuregedzera miseve. Umwe wakati padumbu , umwe uchipinda nomumrombo ndokuti pasi ngondo. Takaombera maoko , inga vadzimu vainge vakombora chokwadi.

"Ndakutaurira kuti ndinoirakasha."

"Runako dai wakatoita jindakadzi ramambo" takabva taseka. Takazoenderera mberi nerwendo rwedu. Kubuda kwakaita zuva tainge tatoyambukira kudunhu rataienda. Richangoti kata kata tainge tasvika painzi pasekuru Chigora apo taida kunotsvaga rubatsiro-----

"Svikai zvenyu vazukuru. Mabvepiko?"

"Kudunhu raishe Zvanyadza----"

"Zvanyadza-----!" Vakaita kuvhunduka. Ndega ndakanyatsoona kuti pane chariuraya zizi----. Ende kuvhunduka chati kwatara hunge uine katurike. Vakabva vamboti ziiii vakatarisa mudenga. Apana aiziva zvavaifunga sezvo chiri mumoyo chiri muninga.

"Zvakanaka vazukuru. Ndinokubatsirai sei?"

"Nhai sekuru ndimbobvunzawo. Sei maratidza kushamisika zvakanyanya?"

"Hapana hangu. Ndangovhunduka kuti pabvako nguvai kusvika kuno nguva dzino?"

"Aaaaah sekuru. Tatojaira kufamba nzendo refu kudarika apa. Munoziva wani kuti vanhu vanofamba chero nemwedzi muchena----"

"Hooo , kubva zvakanaka. Ndokubatsirai sei---?"

"Tauya naamai vedu ava. Avataure saka tinoda kuti mutibatsirewo tizive kuti chii chakaita kuti zvidaro?"

"Iwe chikomana sei uchida kundiedza masimba angu iwe? Zvimumumu zvinosikwa zvakadaroka. Vakambotaura here ndokuzovhara muromo kana kuti avataure kubvira nekubvira--?" Ndakatarisa amai ndikaona vave kuchema. Ipapo vakatanga kuramba zviya vachiita zviratidzo zvekutoramba

"Amai muri kuti makazvarwa makadaro here?" Vakadzungudza musoro

"Makazovhara makura?" Akadaro Runako ndokubva amai vagutsirira zviye zvekubvumira.

"Hezvoo sekuru. Tibatsirei kuziva chikonzero sezvo vakaremara vakura?"

"Handina chandiri kuona. Budai muno mudzokere kwamabva nokuti uchavhura sekumbovhara kwawakaita. Andibatsiri zvirema zvakadai pano ini. "

"Iliiih sekuru musadaro"

"Imi zvamauya pano manga mawirirana naishe wenyu here kuti muuye pano?" Takabva tatarisana nana Cheneso. Nguva iyoyo pane zvakatanga kunaya mumusoro mangu. Kusvika kwatakaita sekuru vakatitambira zvakana. Patakazotaura kuti tainge tabva kudunhu raZvanyadza , vakaratidza kunge kupererwa. Apa vainge vobvunza zvakawanda wanda zvairatidza kusatoda kutibatsira. Kunyaya pava kazoti tainge tabva kumuzinda tawirirana here namambo? Ndakabva ndapererwa. Nguva iyoyo ndakasimuka ndikatanga kufamba. Ndainge ndave kubuda mumba umu----

"Kundai wave kuenda kupi?" Akadaro Runako , asi andina kudavira. Ndakaramba ndichifamba chete kusvika ndabuda kwave kumira pamberi ndakatarisa mudenga----

"VADZIMU TIRINGEI. NEVARI KUMHEPO TIRINGEI." Ndaidaro ndichinzwa kushinga zvakanyanya. Ende misodzi yangu yakatanga kubuda. Nguva iyoyo ndakaona murume uya wendebvu chena----

"Kundai dzokera nevana ava kumuzinda. Uri kufanirwa kumira semukono."

"Kusvika kupi amai vasina rugare?"

"Ndati dzokera kumuzinda tinopedzerana ikoko." Vakabva vanyangarika. Ndakadzokera mukati ndokuwana Runako akabata chuma chake chiri muhuro uku akatarisisa sekuru vaye. Ndakashaya kuti chii-----?

"Chiii Runako?"

"Amhenonhai. Sekuru ava matarisiro avo chuma changu anoreva zvakawanda" nguva iyoyo takabuda topinda munzira kudzokera. Tafamba mutunhu takabva tangosangana naManyara pamwe nevamwe vake.

"Kkkkk tasangana nhai. Muri kubva kupi Kundai?" Munoziva ndakapererwa. Dai ndaiva ndakabata pfumo mumaoko ndaiti ndorwisa. Zvino ndaingova inini pachangu zvombo zviri munhava----

"Asi kuuya kwenyu kuno Chisungo aizviziva?" Mubvunzo waManyara wakandityisa

"Nekuda kwei?"

"Zvombo zvamuinazvo izvo mazviwana kupi?"

"Ndini ndavapa Manyara. Dai uri umwe munhu wanyarara nokuti inini ndiri mwana wamambo. Fambai tione mudzokere kumuzinda ikozvino-----" akadaro Cheneso. Nguva iyoyo ndisina kana kuzvitarisira ndakaona hezvoooo-----

End of chapter 5

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 4

NARRATOR

Kupinda kwakaita Chisungo nemamwe machinda musango , vainge vakabata zvombo zvekurwa nazvo. Vakati vati fambei zvishomanana , Chisungo akatanga kunzwa kusvotwa. Yaiva mvumba panyaya dzekurwa hondo. Nokudaro aisada kurwa nemunhu waasingaoni. Akaridza tsamwa ndokubva amira akati---

"Iwe Manyara haikona kuda kuzotinyadzisa mangwana sezita rako. Tiri kuda kurwisa chii patisina kumboona kana munhu apa---?" akadaro Chisungo asingaseki. Ipapo aingofunga nezva Runako chete kuti Zvidzai aregere kumbomubata. Aigomubata seiko naiko kuyuwira nemarwadzo kwaaiita?

"Unorevei iwe kana uchiti kukunyadzisai sezita rangu?"

"Wazvinzwa , inini zvekuswera ndichishandiswa andisi kuda. Apana hondo yatinorwa pasina munhu wataona. Ahufungewo here kuti mambo Zvanyadza vave kukura zvisina kunaka. Kana kuti pane zvavanoziva zvakavanzika nhai---

"Nekuda kwei wadaro?"

"Museve warova Zvidzai wabva nekupi? Uri kurangarira here kuti ndange ndimire shure kwake? Saka azvigoni kuti airohwa ini ndichisara----

"Asi ipapo ahurevi nhemha Chisungo. Tinofanirwa kudzokera kumuziva. Uyezve kana ari muvengi anogoroverei Zvidzai----?" Chisungo akaratidza kufara kuti Manyara ainge anzwisisa. Vakapinda munzira kudzokera kumuzinda----

Mambo Zvanyadza kubva kwavakaita padare , vakadungamidzanawo nemudzimai wavo vopinda mumba. Zvakavanetsa kuti akanga apotsera museve ndiani? Sei museve wakanga wasvikonanga pana Zvidzai? Ko , iye mukandi wemuseve uyu akanga auwana pai sezvo Mambo vakauziva uri museve wehumambo usina kana ani zvake anobata? Waigara pakavanzika pavaiziva ivo vari voga. Nguva iyoyo vakati kumudzimai wavo----

"Mandigona andisi kunzwisisa zviri kuitika apa ini---

"Munotadza neiko kuzvinzwisisa imimi muri imi mambo wedunhu rino?"

"Ko , museve wandakupa waisa kupi?"

"Andisi kana nekutoziva kwawaenda ini. Nguva yamanditambidza waita kunge wabvutwa mumaoko angu. Ndatoti ndimi mabvuta ini----" Zvanyadza akatanga kudedera. Nguva iyoyo akasimuka asina kutaura kana shoko rimwe chete zvavo.

"Nhai baba moenda kupi?"

"Ndinodzoka sara. Ndave kunobvunzira midzimu kuti zviri kufamba sei mudunhu rangu?"

"Zvakanaka" vakanyepa zvavo ivo ndokuenda kunokwira gomo rakanga riine ninga. Murume uyu akanga akura zvake , asi akanga achiri kuzvinzwa chaiko. Nguva diki diki vainge vasvika paninga. Ukuwo zuva rainge rogara miti.

Vakapinda muninga ndokunotarisa museve uya pawaigara pavaiziva ivo vari vega. Vakaona hezvoovoo , museve waingovapo. Vakambomira vasina chavataura , asi pfungwa ndidzo dzaingosevenza chete apa---

\*"Museve uyu hakuna umwe wakafanana naiwo. Chii chiri kuedza kuitika apa? Ndiwo museve mumwe chete wabaya Zvidzai nhai?---"\* nguva iyoyo ropa rakati do-do-do kubva pamuseve uya. Nekukurumbidza vakaudzosepa pawaigara.

Nguva iyoyo murandarume akadeketera nepose paaigona napo. Apedza akabva adzika gomo kuenda kumuzinda. Achiri munzira kudaro akasangana neumwe murume ainge ati kurei zvekusara padoko kusvika paari-----

"Veho Chikoto wakasimba here?"

"Ndinofara ini Mambo wangu."

"Zvakanaka" akadarwo Zvanyadza oda kuenda mberi nerwendo rwake. Akanga ari mumashure nenguva zvakananyanya.

"Mirai ndimi munhu wandiri kuda."

"Akutaurira kuti ndauya kuno ndiani?"

"Ndakuonai ndega mambo wangu. Zvamarika nepamussha wangu ndakuonai"

"Chitaura tinzwe zvaunoda---"

"Ndiri kuda kuitaura pamusoro paVaZvarehwa." Mambo vakabva vavhunduka ndokubata hana yavo zvikanzi---

"Kune mwe Zvarehwa here waunoreva iwewe kana kuti mukoma wangu mushakabvu?"

"Ndiye Zvarehwa mumwe chete wandinozivawo---- "

"Adiii nhai heeee?"

"Haasi kufara nekuda kwedunhu rino."

"Kkkkk usada kundiona sepwere wanzwa here iwe Chikoto? Anotadza kufara nei? Ende munhu akafa nguva yakareba kumashure uku nhai Zvidzai asati ambozvarwa here----?"

"Andizivekuti sei?"

"Akutaurira ndiani?"

"Ndaona chiratidzo ndiko kusaka ndabvunza"

"Ibva pano ndisati ndakukanganisa wanzwa here? Ndatoti wandimisira zvinhu kwazo ini---" akatanga kufamba ave kuenda Zvanyadza. Zvakamunetsa kuti ainge azviwana kupi iye Chikoto zvaaitaura?



Zvisinei akasvika mumuzinda wake zvakanaka. Akawana machinda adzoka---

"Chisungo mauya naye here?"

"Ani nhai mambo?"

"Zvamabva pano ndati muuye nani?"

"Akuna chataona isu mambo." Vakangoridza tsamwa ndokuenda. Semunhu akanga atovhiringika pfungwa dzake kare kare avana kuda kunetsana naChisungo. Nguva iyoyo vakangotura mafemo ndokubva vamborara-----

Chisungo akaona kuti nguva dzaifamba. Akaona Cheneso ndokutaura naye. Apana aiziva kuti vaviri ava vakange vave nepfungwa dzakasiyana nedzavaiva nadzo kare.

"Saka wataura navo here?"

"Hongu , zvasarira iwewe Chisungo kuti uronge kuti vawane kuzobuda mumuzinda-----"

"Ko , iwewe uchaenda navo here?"

"Hongu , asi ndiri kutya kuti mambo vanosvikotii kana ndadzoka?"

"Tinozotangira ipapo haikona kutya zvako-----"

"Zvakanaka Chisungo" nguva adzina kumira kufamba. Pakati pave pakati pehusiki. Chisungo

akaona machinda akachengetedza nzvimbo semazuva ose. Zvino iye akabva ashaya kuti vobuda sei?

Aiva negwenzi raaiziva raikanganisa munhu hutano hwake. Akaenda kunoritora kwave kuenda pane umwe neumwe wavo achishandisa gwenzi riya zvine hungwaru. Nguva diki diki vose vakanga vatofa nehope.

Zvino iye akanyahwaira oyenda kunotova vanhu vake vobuda mumuzinda. Vakati vafamba chinhambwe, Chisungu akaonekana navo odzokera zvake kumuzinda. Gwenzi riya rakanga rodawo kupedza basa kuvakomana.

"Mofamba zvakanaka. Ndinoshuvira kuti mubatsirwe ikoko muzive zvamuri kuda kuziva" akadaro Chisungu asingatyi----

Chenai akasarawo opepuka ndokuona arere ega. Akashaya hanya nazvo ndokupedzisa hope dzake idzo dzaainzwa kunaka sedzakarungwa munyu unoenderana.

Kuedza kwakaita kunze mamwe machinda ainge onyumwa. Pane umwe akasangana naChisungu ndokuti kwaari---

"Chisungu andisi kunzwisisa maitiro awakaita husiku. Chii chawaiva nacho chakaita ndinzwe kuda kurara?"

"Saka unoda kundipumha zvakaipa nhai? Andisiri mweya yakaipa ini wanzwa here?"

"Zvino kana pakawana chinoitika ndinoudza mambo. "

"Kuudza mambo kuti chiii? Unoda kuunzwa nhai museve wangu kuti unokunda sei hondo dzose dzandinorwa ndichikurira? Ramba uchitaura zvisina basa ndinokuregedzera ikozvino ukaswera wave kutaura nevadzimu----"

"Kwete vakuru dai wandiregererawo---" ndiko kunyarara kwaakaita mukomana uyu.

Mambo vakatanga kutsvagawo Kundai ndokumushaiwa. Vakatoona kuti vakange vabuda mumuzinda vose naamai vavo nhai. Vakatura mafemo ndokubva vadaidza machinda avo ose zvawo akange akarinda muzinda husiku hwainge hwadarika-----

"Mose nokuwanda kwamakaita uku ndoda kuti mundiudze kuti Kundai abuda muno sei naRunako---?" Vakadaro mambo. Machinda akatarisana ndokubva Manyara ati----

"Davirai , ishe vari kutaura nemi!"

"Hapana chatinoziva isu. Abuda nguvai?"

"Munotadza kuziva sei? Basa renyu pano nderei chaizvo?" Uya wekuvhundutsirwa naChisungo akangomuti ndee ndokubva adzora chiso chake. Nguva iyoyo vaMandigona vakauyawo vachideedzera---

"Kubva zuva zvarabuda andisi kuona mwana wangu Cheneso." Mambo vakavhura ziso ndokubva vati----

"Mave kuda kunditsvaga varume. Vaenda kupi vanhu ava? Kushaikwa vose Kundai nemhuri hake pamwe nemwana wangu----?"

"Hezvooooo muri kuti avasisimo muno? Kutu avana kuenda kudunhu raChamboko here?"

"Asi apa wataura dama mudzimai wangu. Zvino kana kuri iko kwavaenda naRunako ndinoda kuzviona. Varume gadzirirai hondo mupinde munzira. Pedyo apa zvekuti rinovira marakasha vanhu ikoko. Asi kana mangovaona chete , VaZvauya mai vaana Kundai urayai zvifire ikoko.

Vatatu ava ndivo vandinoda kuno-----" vakadaro mambo

"Kana Kundai ngaafe-----" Akadaro Zvidzai achikamhinha kuuya kudare.

"Kundai haangafi"

"Munomureverera kuti aitasei? Vakomana vakatadza kumuuraya ndinosvikomuuraya inini"

"Kana wamuuraya unosara woombera ani anova baba vaRunako"

"Izvo azvina basa neni." Nguva iyoyo vakomana vakaita chipata pata chemagora panyama vorongedza zvombo kuda kuenda kumuzinda waishe Chamboko-----

Nguva iyoyo pane umwe mwanakomana wemumuzinda ainge achangoti yarukei akasvika ndokuti----

"Ishe---"

"Unodei pano iwe mwana wazuro? Haikona kuda kundikanganisa mafungiro angu---" vakadaro vasina hanya.

"Ndinoda kukuudzai kuti ndaona rutsoka rwaVaZvauya kunze uko vasvikako sei? Man'a avo anosiya anyora pasi zvatinoziva tose pano."

"Wati waona rutsoka rwavo kupi?" Chisungo akanzwa hashu zvakanyanya , asi pakanga pasina zvekuita-----

End of chapter 4

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 8

### KUNDAI

Ndaiita kudedera nehasha. Kufa kwaamai vangu kwaindirwadza. Ende kubva zvavafa , ndainge ndave kunzwa humwe hushingi mandiri hwandaisatoziva kuti hwaibva kupi? Kana mambo Zvanyadza ndainge ndisisavatye.

Nguva iyoyo yavaida kundibvisa padare , ndainge ndatoona kare kare kuti pane zvavanyumwa. Manje vainge vanyangira yaona. Ndiyo nguva yandainge ndaona vaChikoto vachipinda mumuzinda. Ndakati kana vachindibaya nemuseve ndaida kuzviona. Ndiro zuva randaivaita zvavaisafa vakakanganwa mukurarama kwavo kwese. Ndainzwa simba chaizvo-----

Jinda ravo Manyara ndiye wandakanga ndoty ari oga. Chisungo ainge andiratidza rudo. Saka wandainge ndichatya pakanga pasisina. Iye Zvanyadza yakange yave hari yofanzirofa zvayo. Nguva yese yavaitaurirana , inini ndainge ndakateerera. Ndakanzwa mashoko andaisambotarisa. Zita rekuti Zvarehwa , kuti ndifunge kuti ndakamborinzwa kupi chaiko ndakatadza kuziva. Asi zvole zvakandishamisa-----

Ndakazoti vaChikoto vatoenda , ndakaona Mambo vanditarisa neziso rizere noruvengo. Nguva iyoyo vakatanga kutaura-----

"Saka iwe Kundai wave kuda kuzviita ani chaizvo muno mumuzinda? Ziva kuti wave nherera chaiyo isina kana amai nababa. Chengetedza mirairo yangu kuti zvikunakire. Asi kana uchida kufa hako ita misarinya yauri kuita iyi uone.---" izwi rekuti kufa rakanga rondityisa. Amai vangu vakange vatofa sekutamba sekuseka nhai----

"Kudai maisava imimi munoti ndingadai ndiri nherera here?"

"Wati kudii Kundai?"

"Hongu , anditi ndimi muri kuparadza vabereki vangu vose. Zvino mirai ndikutaurirei chimwe chinhu chamusiri kuziva. Mweya yavo yose yagara patiri isu vana. Seni zvangu andina chandichatya mambo."

"Unoreva kuti watova nekuzvitonga kuzere"

"Hongu. Ko , anonzi Zvarehwa ndiani , wamanga muchitaura nezvake?"

"Ahumbomuziva Kundai."

"Chero ndikasamuziva. Asi zvandanzwa vaChikoto vachitaura zvinongoda kuenderana nezviroti zvangu. Vanofara sei vari kumhepo kana muchitadza kutonga kudaro so----?"

"Iye Chisungo anonoka kudzoka kudaro seiko? Ndinoda anokusungirira umbogara mazuva mashanu mugomo----"

"Kkkkkk mambo kana mave kuda kuti zvikunakirei itodzikamai---" nguva iyoyo ndakanzwa kunge

pane munhu abva pandiri. Andina kuzvinzwisisa wena. Ndakazongoona zimumvuri rave kuenda. Ende nguva iyoyo ndakatanga kunzwa kutya.

Ndega ndakabva pana mambo ndichiita kudedera. Kana ivo vakazviona kwave kundidzosa---

"Kundai---!"

"Mambo"

"Chii chiri kuitika pauri?"

"Andina chandiri kutombozivawo ini. Ndiregererei musandiuraya" ndakaita kudzingwa padare sembwa. Ndakazocheuka ndave chinhambwe ndikaona Mambo Zvanyadza vakanditarisa.

Nguva iyoyo ndakananga muimba yaamai vangu. Misodzi yainge iri pamatama. Husiku hose ndainetseka. Akazoti ave mangwana achona mangwanani. Runako aingochema chete pasina zororo.-----

"Runako chinyarara kuchema. Ndiko kutongerwa kwataitwa hedu , asi ndinovimba kuti vari kumhepo vanoticherechedza nhai---?"

"Zvakanaka Kundai. Asi achazondinzwirawo tsitsi ndiani pasi rino?"

"Inini ndiripo , Cheneso aripo zvekare. Kunyange iye Chisungo aripo saka haikona kutya. Asi inzwaka iwe Runako. Ndine imwe pfungwa yandiinayo----"

"Yei?"



"Amai zvavauraiwa kudaiso tangosara tega. Zvandadaiso ndakura. Ndave kufanirwa kuchibuda mugota-----" ndakabva ndambotura mafemo nguva iyoyo. Ndakaona iye anditarisa zviye zvekufara. Ndakabva ndanyemwerera---

"Zvino wakaiwana kupi mhandara yakarurama muno mudunhu?"

"Mbeva dzemumusha makonzo hanzvadzi. Ndinoda kubira mhiri uko kudunhu raMambo Chinhengo---"

"Hooo , ukooo , ndakanzwa mhandara yakanaka zvokuti iri ikoko inonzi Tsitsi----"  
ndakanyemwerera kwave kutarisa pasi. Ndiye chaiye musikana wandaida ikoko. Ndainge ndave kungoda chete kuti amai varadzikwe zuva raitevera. Kana vangoradzikwa chete ndaibva ndaenda kunotsvaga Tsitsi. Nguva iyoyo ndakanzwa izwi rechidzimai kutaura panze---

"Tisvikei nepano----" izwi rainge rakanyorovera. Mashoko acho achiita seanoda kupinda mune yangu hana. Kwaiva kunakidzwa pamwe nekutekenyedzwa zvose----

"Ndianiko---?" Hana ichibva yatanga kurovera kure kure. Nguva iyoyo ndakabuda , ndiye dhumha shumha naTsitsi. Ndakapererwa moziva. Musikana waunenge uchida , ukamuona unonzwa kunge zvasiyana.

"Aaah Tsitsi svika hako. Ko , kuonekwa here uku?" Akabva atanga kuchema. Ndakashaya kuti zvairevei?

"Tsitsi zvawave kuchema. Inga ndafara kwazvo kuti nhasi watitsikawo---"

"Ndiri kuchema amai vako Kundai---"

"Hezvoooo , ko wanzwa nani kuti vakafa? Chinyarara hako zvinowanikwa. Mambo vakakuona chete nekunzwa kuchema kwako tinoswera tave varanda-----"

"Usati wafunga zvese izvozvo , tanga wafunga kuti chii chaita kuti ndizive kuti amai vako vauraiwa?"

"Kuda wasangana nemachinda imo mukufamba umu ndiwo akutaurira-----"

"Kwete , andina munhu wandaona ini kana anditaurira zvake apana."

"Saka waziva sei? Rangarira kuti kuziva mbuya huudzwa"

"Chisiyana nazvo. Chero waona rudo rwangu ndauya-----" nguva dzakafamba. Zvino zuva rakanga rorova nhongonya. Tsitsi ainge oda kudzokera kumusha kwavo asina kana kunditaurira ainge amuudza zvekufa kwaamai vangu.

Tati fambe fambei kubuda mumuzinda ndakabva ndamira ndakamutarisa kumeso. Zvekuti mambo vaigona kutiona andina kuita hanya nazvo. Ndainge ndaremerwa kuti Tsitsi angoenda ndisina kumuudza zvaiva pamoyo pangu ini. Ende machinda akaramba akanditarisa asingataure neni.

"Asi Tsitsi--"

"Kubva zvandauya pano ndazviona kuti pane zvaunoda kutaura Kundai. Taura hako nekuti ndave kuzviziva kare-----" ndakavhunduka. Ainge ave kuzviziva kare sei?

"Kkkkk iweka. Unoziva hako kuti ndinokuda Tsitsi? Chokwadi chaicho ndinokuda hako-----"

"Kkk Kundai kwana. Amai avasati vamboradzika wave kutotaura zvese izvozvo----"

"Ndiwo mukana wandatokuona Tsitsi. Vanotofarawo zvekuti kana ukandida Tsitsi."

"Aaaah , zvaKundai akomana. Ndinozouya ndokutaurira zuva rinotevera-----" mhinduro yake yakandityora chaiko. Yaiva nechakanaka mukati mayo. Ndisati ndapindura ndakabva ndangonzwa Zvidzai ave kudeedzera-----

"NDIANI AMIRE NAKUNDAI APOOOO?" Hana yangu yakatanga kurova.

"Tsitsi unofanirwa kuchienda"

"Kuenda kupi? Unotyia Zvidzai mbwende yemurume iyoooo. Ndiwe wakafanira kuita mambo wemangwana hako pana iye Zvidzai-----" akauya kwave kundibata bendekete rangu. Nguva iyoyo ndakabva ndamuti ndeee mumaziso chaimo. Tsitsi ainge akanakira svoto. Ropa rangu rakatanga kumhanya nemuviri wangu wese.---

"Ndati ndiani amire naKundai apo?" Ndakaona Mambo naChisungo vamirawo vatarisa kwataive-  
---

\*"TIRI KURONGA ZVOKURADZIKA MANYARA NAMANDIGONA , VAMWE VARI MUSHISHI KUBATANA ZVAVO. CHISUNGO ENDA UNOVATORA VAUYE KUNO-----"\* Ndakanzwa mambo vodeedzera. Hana yangu kurova kwayainge yave kuita kwakaoma. Tsitsi kana kumbotya. Chisungo paakasvika akati kwandiri---

"Regera kutya Kundai. Ndinoda kuenda newe kuna VaChikoto zuva rinotevera kune nyaya yandinoda uzive"

"Zvakanaka Chisungo" takabva tatanga kufamba kuenda kudare. Mamwe machinda ainge akamira akabata miseve mumaoko. Takasvika kwave kumira pamberi pavo mambo. Ndakaona vatarisana naZvidzai-----

"Kwete hazvigoni." Ndakashaya kuti airevei Zvidzai.

"Sekuda kwako mwanangu Zvidzai. Ndiwo matongerero andinoita ini baba vako----" ndakanzwa Chisungo ave kuti----

"Rangarirai kuti Manyara akaturikwa kutaura kuno. Iwe Zvidzai ndaziva kuti godo rakubata. Tsitsi uyu akakuamba iwe ukati wave kuda Runako. Runako akakuramba zvekare. Gutsikana kunyange uri mwana wamambo" Zvidzai akapererwa---

"Iwe Chisungo wave mambo here mudunhu muno? Saka ndiwe here wakauraya Manyara?"

"Ndadaro papi ini? Kungoonesana. Kutu zvawave kuda kuita azviite."

"Mose nyararai munenge vatevedzani. Regai inini mambo nditonge nyaya iyi. Iwe Kundai unofambidzana naTsitsi here?"

"Kwete mambo" ndakadaro ndikanzwa iye ave kuti----

"Asi wandipfimba Kundai. Nokutsvinda kwawakaita uku tinoguma tava kudanana chete----" ndakabva ndapererwa. Ndakangomutarisa chete mambo kwave kuti----

"Nyarara iwe mhombwe yemunhu. Unotaura mashoko okutsvinda kwemunhurume sei? Akakutaurira izvozvo ndiani?"

"Mambo ndiri kukunzwai , asi amhungapindiri pakati perudo rwangu naKundai. Baba vake vanditaurira nokundiraira kuti ndiite sokudaro----"

"Baba vake varipi?"

"Ivo vakatsakatikira muka MUKUVISI vakadyiwa nemakarwe" nguva iyoyo ndakaona mambo vatarisa pasi. Ndakanyatsoona kupererwa kwavo kwese. Saka zvaireva here kuti Tsitsi aiziva baba vangu uye zvakaitika kwavari? Asi aigovaziva sei , iye akanga ari mudiki kwandiri zvishoma. Nguva iyoyo mambo vvakatatamura tsinga dzemuviri wavo dzose kusanganisira dzekunhingi vakati---

"Mubatei musungu machinda----" sezvo machinda aiteerera mambo. Vose vakada kuita chibhubhubhu kubata Tsitsi. Andina kuona mafambiro azvakaita , asi ndakazongoona Tsitai abata pfumo nemuseve mumaoko. Machinda akapera kudududza ose.

"Mambo zvinorevei?" Zvidzai akadaro

"Neniwo andida chandiri kuziva"

"Ngaauraiwe"

"Muregei abude mumuzinda mangu ayende" Tsitsi akabva aseka.

"Kekekeeeeeeeeeede , inga mose muri mbwende dzevarume." Akabva andibata ruoko tikatanga kufamba kuenda. Chisungo akasara achinyemwerera.

"Tsitsi unoziva baba vangu?"

"Kwete Kundai"

"Asi unoziva kwavakaenda kana kufira?"

"Kwete andizive?"

"Tsitsi--"

"Heeee" ndakabva ndamuti ndeee ndichida kuona kana ainge akanyatsokwana mupfungwa

"Sei wanga uchitaura zvekuti vakatsakatikira-----"

"Chirega ndiende Kundai. Sarai muradzike amai ndichadzoka zuva rinotevera"

"Zvakanaka" akandisiya ndisina remuromo-----

End of chapter 8

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

CHAPTER 6

KUNDAI

Nguva iyoyo ndakaona Mutongi ave kubata museve wake zviye zvekuratidza kugadzirira hondo. Ndakanzwa hana yangu yave kurova. Ndakatoshaya kuti ndizvo here zvavakange vatumwa kuuya kuzotiuraya? Asi chataiurairwa chii ipapo? Kungouya kuzotsvaga rubatsiro rwaamai vangu chete. Makumbo angu ainge ave kuita kudedera serutsanga ruri mumvura. Uku ndainzwa hashha kuti sei mambo vakanga vaine hutsinye kudaro chokwadi----?

"Mutongi wave kuda kudii? Kana uchida kuona kuti unofa uchitambura imbozviedza zvauri kuda kuita apa uone----" akadaro Cheneso achiratidza kugumbuka.

"Iwe Cheneso nyarara. Atikutye nekuti uri munhukadzi. Isusu rega tiite basa ratatumwa namambo wedu." Machinda maviri akabva anditi dzviii. Ndakatadza kana kupunyuka. Simba ravakanga vainaro raityisa. Cheneso naRunako vakanziwo dzviii ndiye mhere kwetsu , sekunge painge pafiwa. Ndakaziva zvaida kuitika---

"Mutongi ukauraya amai vangu ohh ndinopika nedenga nepasi. Kunyange nevari kunyikadzimu. Unofa uchitambura Mutongi----"

"Unogondidii iwe Kundai?"

"Iwe Mutongi haikona kuita sezvinonzi une man'a kumaoko sava Zvauya. Wave kutononoka tinoda kuenda isu." Akadaro Manyara achikakamira kune aiva nemharuparu mumuromo make. Nguva iyoyo ndakaridza mhere kuona amai vangu vachiuraiwa ndakatarisa kudai. Ndakanga ndafunga detembo riya \*---- Ndonzwa kunaka , dzokorora. Ndonzwa kunaka , dzokorora. Kurova manja amai vachiuraiwa hanzvadzi dzichibatwa chibharo-----\* ndakarwadziwa veduweeee.

Tose takazoregedzwa amai vave pasi. Ndakashaya zvekuita sezvo ndakanga ndisina simba rekurwisa.

"Mutongi ndakuvenga kubva zvino nekusingaperi----"



"Kana ukandivenga iwewe ahusiri mambo. Andina hany'a newe Kundai-----"

"Zvakanaka---" Chisungo akabva asvika nemamwe vachinda. Ndakademba kuti dai ainge asvika kare kare , amai vangu vangadai vasina kufa.

"Kundai---"

"Chisungo"

"Auraya amai ndiani?"

"Ndiye Mutongi ane nzeve dzakatiza musoro---" akabva amuti ndeee zviye neziso rizere neruvengo.

"Iwe Chisungo asi wave kupikisa zvinoda mambo here?"

"Nyarara iwe Manyara. Sei uchiita kunge munhu akarumurwa nechirope chembwa heeee? Wandigumbura chaizvo nhasi. VaZvauya vaifanirwa kurarama."

"Ndezvako izvo. Isu tinoita basa ratatumwa namambo nemoyo inoda---"

"Shaya dzakatsveyama setsoka dzaVaMandigona. Ikozvino bata museve wako ndinoda kuona mukuru inini newe. Ukandipotsa chete wafa. Ndinosiya ndakusungirira mumuti nokuti haufunge---" ndakanzwa kunyara. Kunzi shaya dzakatsveyama setsoka dzava Mandigona. Ende Cheneso mwana wamambo aizvinzwa zvole. Chete hashu dzinokutuma kutaura zvakasiyana siyana. Inga amai vangu vaigarosekwa man'a , asi ndaisambogaya zvangu. Ndakati pamwe Chisungo aiita muchohwe nyambisirwa kwete---

"Kwete , Chisungo andimirisane newe pakurwa ini---" akadaro Manyara achikanda zvombo pasi.

"Zvino kana uchiziva kuti ahumiri neni pakurwa. Waregererei vaZvauya vachiuyaiwa?"

"Waida kuti ndiitewo sei iko kuriko kutaura kwaMambo?"

"Watadza nei kufunga wega kuti amai ava avana mhosva? Ndizvo zvauri kufira izvozvo dzetse remunhu."

"Chisungoooo-----" nguva iyoyo akanzi zeteeee , museve wakasvikobvarura nemberi yake iyoyo uchibuda neshure. Andifungi kana chombo chake chakapona ini.

Rume rakakuma semombe chaiyo. Akaunzi umwe zete , uchipinda nepamoyo wake ndiye sarai. Mamwe machinda ainge aita kubatira hana mumaoko ave kungoboira boira kunge mangoi.

"Imi mose handei kumuzinda. Asi ndinoda kuti muchengetedze hupenyu hwenyu nokunyarara. Anongotara chete ndiri kumuuraya sezvandaita Manyara-----" akadaro Chisungo

"Saka uri kureva here kuti ndiwe wave mambo---?" Akadaro Mutongi achidedera. Chisungo akati-  
--

"Nyarara gotsi rakatesva sere kondo. Ndinohudii humambo? Inini ndinoda chete kuti Zvanyadza atonge zvakanaka kubva nhasi----"

"Ndiregererewo Chisungo usandiuraya. Wakanga usina kudai kumashure kwese uku"

"Ndashanduka nokuda kwezvikonzero. Ndinomuda Zvanyadza asi akaita zvisizvo takonana. Takurai chitunha chava Zvauya tiende nacho. ChaManyara siyai adyiwe nemagora." Akadaro Chisungo.

Ndipo pakaperera ruzha rwose. Takatanga kufamba kuenda kumuzinda. Inini naRunako pamwe naCheneso taingochema chete.

Kuvira kwaro zuva tainge topindawo mumuzinda. Machinda ainge anzwa nokuremerwa nechitunha chaamai vangu. Vaitoita kushingirira sezvo pakanga pasina zvekuita.

Ishe vakange vagere zvavo padare sezvo kwainge kuchakachena. Kusvika kwatakaita ndakanzwa vave kutanga kutaura-----

"Aaaaah madzoka machinda. Ndange ndichizviziva kuti munovawana chete---" apana kana mumwe chete zvake akataura.

"Ko , amudavire nei? Ndiani anoda kugocha mutumbi wavaZvauya zvamauya nawo kuno?"

"Ishe apana anoda kudya munhu , asi tauya nawo kuti varadzikwe zvakanaka chete. Vanoda ruremekedzo semunhu mukuru"

"Wave kuda kundikanganisa mafungiro angu zvino. Ndiwe here wave kutonga Chisungo kana kuti ndini? Sei uchida kundichengetesa mutoro mumuzinda wangu heee?"

"Andisina chekutaura ini."

"Ko , masiya marwisa zvakadini kwaChamboko? Ndinovimba asara asina nere muromo nekuti kwaenda mvumba---"

"Munouya monzwa nana Popotai vaendako"

"Hezvoo , koiwe waenda kupi?"

"Andina kupusa ini ndingaendepi ndichitadza kutevera matsimba ava Zvauya anga achingooneka. Mambo musada kundidzidzisa kurwa zvamunoziva moga kuti ndiri shasha chaiyo. Tauya navo ava Kundai ava itai zvamunoda navo----" hana yangu yakabva yatanga kurova.

"Ko , wazosiirei popotai achienda naTafirei ikoko? Zvino avanotikokeri hondo here ikoko?"

"Ndiko kuteererwaka kwamunoda ikoko kunokuunzirai matambudziko. Kana yauya hondo yacho mubate pfumo nemaoko maviri---"

"Iwe Chisungo sei kutaura usina matyira kudaro nhasi?"

"Ndarwadziwa nekufa kwaManyara saka ndiri kunzwa hasha ikozvino. Kana nyadzi andina ndinogona kuita chero zvamada. Kubata zvose mandara nemajaya adzo muno mumuzinda ndikapanhira pasi.---"

"Manyara afa! Iwe usade kundinzwwa iwe. Afa nei? "

"Auraiwa naVaZvauya."

"Hazvigoni. Nditaurei chokwadi. Cheneso ndiani auraya Manyara?"

"Ndimi , imi mamutumirei kurwa kwaasingagoni----?" Mambo vakangoshama muromo vapererwa.

"Iwe Runako ndiani auraya Manyara?"

"Kubata kwaaita chuma changu ichi ndiko chete kwandaona. Ayedza kuchibvisa , asi atadza

kubvisa. Zvekufa kwake andina zvandinoziva ini-----" ndakashaya kuti Runako akazviwana kupi?

"Iwe Kundai ndiani auraya Manyara?"

"Inga mataurirwa naChisungo. Amai pavoda kuuraiwa naManyara vaedza kuzvirwira. Ndiko kufa kwaaita nekuti abaiwa nepfumo" mambo vakamboita nguva refu vakati ziiii. Vainge varatidza kurwadziwa zvakanyanga nekufa kwaManyara. Ndizvo zvaakazviitira Chisungo. Kuuraya Manyara pane kuuraya Mutongi. Akazviitira hake kuti arwadzise mambo Zvanyadza.

"INGA ZVANYADZA NHAI. MANYARA KUURAIWA NAVA ZVAUYA MUNHUKADZI. INGA NDANYARA SEZITA RAKE-----" Ndakaona Chisungo achinyemwerera. Ndakaziva kuti ainzwa kufara mumoyo. Zvino inini ndaichema amai vangu chete. Uku ndaigaya zano rekurwa naro.

"Zvino masiya kupi mutumbi wake?"

"Ikoko kwaafira" akadaro Chisungo

"Madii kuuya naye zvamaita vaZvauya?"

"Koivo vanombouraiwa mumasango vanotorwa here? Ava tavapa ruremekedzo semunhukadzi uye ari munhu mukuru."

"Dzokerai munomutora ikozvino. Iwe Kundai , Runako naCheneso ndoda kuti munditaurire kuti mange maenda kupi-----?"

TIGERE

Ndainge ndakamuda kubva kare Runako wekudunhu ramambo Zvanyadza. Chete ndaida kuti kana chipfuva dzake chakura zvakakodzera ndozomutora zvangu. Aiva nerunako runotosvora meso. Kuzoti muviri wake , haiwaaaa mwana ainge akaumbwa iyeye---

"Baba , ndinoshuvira kuti dai vana Muchabaiwa vakanotambirwa zvakanaka---

"Zvakanaka mwanangu Tigere. Zvanyadza akakura ari munhu aizezesa. Amhenowo pamwe nekukura uku ave munhu kwaye----

"Hongu , ndakambonzwa muchitaura izvozvo saka ndadaro."

"Rega timirire mhinduro yavanodzoka nayo. Muchabaiwa naChawira vanofamba zvekuti--."

ndiwo mashoko atakagona kutaura nababa vangu vaChamboko.

Zvisineiwo kudzoka kwakaita vakomana ndakanzwa kufara. Pavakazotaura nyaya yakange yaitika ndipo pandakapererwa.

Chandakafarira ndechekuti iye Runako wachona aisatoda Zvidzai. Zvino pakuzomubata mazamu vanhu vachiona uumm pakandirwadza andidi kunyepa zvangu----

"Inga anotonga nedemo. Saka zvinoreva kuti Runako haasiri mwana wehumambo nhai. Dai ari wehumambo aisaroorwa naZvidzai kwete."

"Zvinogona kudaro wena. Asi mwana wamambo anonzi Chenai azotiraira neshoko rake patange touya kuno"

"Anzi kudii?"

"Ati iye tikutaurirei kuti iye anoda zvake kuva mudzimai waTigere"

"Hoooo" ndakazonzwa mambo voseka. Neniwo ndakazoseka kuseka ikoko kwavaiita.

Zvisinei inini ndaisada munhu akadaro anozviwisira ega pandiri kwete.

Zuva raitevera rachona kwave kutosviba ndakapinda musango ndiine imbwa dzangu mbiri. Chemerera na Hwakumukwaku. Zvaienderana nokuti iyi yaiti kana yomhanyisa mhuka yaiita zvekuchemerera zviye iri muzasi. Unonyepa iwe , akuna kwayaisvika iri mhenyu. Imwe yacho iyi yaiita hwakumukwaku chaiyo----

Ndapinda muchisango chaiva mumuzinda makare imomo , ndakanzwa Chemerera ave kuchemerera. Ini nemanyawi ndikatanga kuti----

"Cheme cheme cheme , kamheterwa tsviyoo--!" Kuvhima raiva basa rangu. Zvekuti ndiri mwana wamambo ndaimbozvikananwa. Ukandiona ndiri mukati memamwe majaya waitoti ndiri muranda zvake. Ndaizvinipisa nguva dzose.

"Yoweeeeee gumbo rangu--" ndakazoita kuvhunduka pandakanzwa kuchema--

"Pfutseki iwe , pfutsek--!" Umwe aidaro. Ndakazosvikapo varume vasakadzwa. Cheme cheme yaiita zvekuchemerera yakatanangira munhu. Hwakumukwaku yaingosvetuka svetuka munhu ari pasi

"Pfutseki heyi--!" Ndakadaro dzichibva dzamira. Dzaitoziva izwi rangu zvakanyanya. Ndakaona machinda matatu andaisatomboziva ndichibva nda-----

End of chapter 6

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY



TINOH MUTSINZE

+263772578111

## CHAPTER 7

NARRATOR

Tigere paakaona machinda matatu aya , akatadza kumaziva. Kana kumbofungira kuti vangave vanaani akatadza? Moyo wake wakarwadza nekuda kwetsaona yavakanga vasangana nayo iyi. Iye ahana kuziva kuti vakomana ava vakange vatouya kuzorwisa. Akangofunga kuti vange vatumwa kuna baba vake.-----

Ivo vana Popotai vaida kurwisa , asi pavari vose pakashaya kana mumwe chete akaedza kurwisa imbwa idzi. Vose vakabereka tsoka kutiza nehupenyu hwavo. Chavakagona hapana , Cheme yaisatadza basa kana vatenzi vayo vari mugotsi. Yaichemerera iri mudhuze newe zvekuti waibatwa chete.

"Ndine hurombo vakomana. Ndatoti pamwe imhuka ini , andina kuziva kuti vanhu. Mundiregererewo chaizvo ndichaita zvandinokwanisa kuti murege kunyanya kurwadziwa----" akadaro Tigere achinzwa tsitsi.

"Haikona kureva nhema. Wazvizivaka kuti tavinga Runako ndiko kusaka watirumisa nembwa dzako----" akadaro Popotai. Mukomana uyu aipopota zvaishura marere. Tigere akabva ati kanha nhazvo. Akanyatsotevedza mashoko aPopotai akaona kuti akanga aine chirevo. Iye semunhu aida Runako zvakamunetsa.

"Zvaunenge une hukasha. Wati kudiii iwe?"

"Wazvinzwa , zvino tauya kuzotora Runako----" aidaro Popotai apa gumbo rakati piriviri neropa. Amhenho aipora nguvai zvaaitaura zvekutora Runako asipo zvake.

"Asi mabva kwa Zvanyadza? Zvamunotoshura nhai. Vakomana vakabveko vachiti Zvanyadza aramba kutambira mashoko edu. Zvino tazomutora nguvai? Tamutora sei?"

"Zvino akaendepi? Angomuka asisimo mumuzinda. Iye nehanzvadzi yake pamwe naamai vavo." Tigere akabva aseka. Nguva iyoyo akarova mheterwa. Waiva mugariro , machinda aibva aziva kuti kune chaitika.

"Popotai uri mbwende wazvinzwa here? Ndizvo zvatavinga kuno here? Dai ndaziva zvangu ndatevera Chisungu. Ndinofirei nhai sezita rangu?" Akadaro Tafirei ave kudedera nehasha zvose nekutya ipapo. Vose apana akanga akabata chombo. Zvose zvainge zvakonzerwa nembwa dzaTigere. Kuchemerera kwaiita Cheme cheme kwaiita kuti hana irove. Dai zvaisava izvo , vaidai vakaedza nepavanogona napo kurwisa Tigere---

"Iwe Tafirei dai waisava mbwende ungadai usina kutevera kuno."

"Mose nyararai. Ndatoona kuti muri mhandu. Machinda angu zvaasvika kudai ndave kuenda neni kumuzinda. Ndoda kuti munotaurira mambo nyaya yenyu. Manga muchitoda kutiparadza nhai? Kuzogara muchikomo muchiongorora mafambiro ezvinhu. Manje manyangira yaona-----" nguva iyoyi Muchabaiwa akabva asvika nemamwe machinda. Avana kupedza nguva vakaenda nevarume ava kumuzinda.

Chamboko paakaona machinda aya akanyemwerera. Akangoti pamwe vauya nenhau yakanaka kubva kumuzinda waishe Zvanyadza. Paakazoonza maronda akanzwa kutya. Akaona hwakumukwako ichisvetuka svetuka akabva aziva kuti dzakanga dzaita basa. Akanzwa tsitsi , asi ahana kubvunza , aida kuti iye Tigere atsanangure zvazvaira-----.

"Aaaah tatsikwa. Hanzi vabvepiko vakomana ava?" Akadaro mambo

"Vabva kudunhu ramambo Zvanyadza."

"Aaah , hanzi kwakanaka here? Ko , iwewe Tigere ukagoita seunonetseka kudaro zvaitaseiko?"

"Hakuna kumbomira mushe mambo. Vakomana ava vatumwa hondo chaiyo."

"Hondo? (akamboseka akatarisa vakomana vaye ndokuzoti-----) hondo yavanorwisa ani vari vatatu kudaiso? Idzo ndonda idzi dzasakadzwa naCheme naHwakumukwaku kudaiso. Inyaya yei-----?"

"Zviri kunzi Runako ahasisiko kumuzinda. Saka Zvanyadza afunga kuti tisu tapamba mwanasikana uyu."

"Varozvi vakapera nenda iweee. Runako ayenda kupi? Saka ivava ndivo vatumwa kuzorwisa kuno? Haiwa ini andinetswi nezvakapusa kudaiso. Andidi kurwisana naye Zvanyadza nokuti mwana mudiki kwandiri. Imi machinda ndave kutoita kukupambai chaiko. Muno mumuzinda mamapinda amhuchabudi. Ndoda kuti Zvanyadza aone kuti mwana kwandiri. Mungarwe hondo muri vatatu kudaro mukaigona here?" Vakomana vakatanga kudedera. Nguva iyoyo Tigere akati-----

"Magona mambo. Asi inini ndakazvimirira ndave kuda kuziva kwaenda Runako. Amufungi here kuti atiza Zvidzai?"

"Uummm panonetsa. Saka wafunga kuitasei?" Akamboti ziiii achigaya zano raangaite kuti ayende kunotsvaga Runako musikana waaida. Ukuwo vana Popotai vange vangoti ziii vave kuboira boira kunge mangoi. Chamboko aiva mambo akanaka chaizvo , asi kune anoda kumubata nekuseri kweruoko , aishanduka kuita chikara chinoruma chaicho-----

Machinda akange anzi adzokere kunotora mutumbi waManyara. Chisungu akasarudza vashoma vaakati vaende. Idzo dzaiva mbwende , chero panouya hondo vaisagona kuipedza vari voga----

"Chisungo maitiro ako akaipa. Ndiwe wamboti mutumbi ngausiwe kusango. Ikozvino wave kutipinza basa. Kana uchindiuraya kubva uraya zvako asi chokwadi ndataura ini----" rakadaro rimwe jinda. Iye Chisungu akatoseka hake ndokuti----

"Iwewe andikuurai kuti wataura zviri pamoyo pako kwete. Ndiri munhu akanaka zvamunoziva mose. Asi maitiro ava Zvanyadza ndiwo ave kuda kundikanganisa. Chiendai mave kupedza nguva." Vakapinda munzira voenda zvavo. Umwe wavo pakati pavo akati----

"Chisungo anoda kuuraiwa varume. Chenjerai kuti ndiye achasara otitonga auraya Zvanyadza----" umwe akaseka akati

"Uri kurota here kana kuti kwete? Chisungu anoita seane maziso kugotsi rake. Ndiri kurangarira zuva raarwisana naShadaya uyaaa aiva mwana wamambo yave wavazivaka. Chisungu ahasi munhu wemhanga mhanga musambozviedza henyu munofira mahara. Chii chinorwadza kungonotakura mutumbi uyu todzoka. Zvinoitika mumuzinda siyanai nazvo izvo munofira mahara----"

"Asi wataura dama. Ndezve meso izvo muromo zvinyarare-----" nguva iyoyo vakachitangisa dzimwe nyaya vachienda kunotora mutumbi waManyara-----

Nguva yakasara mambo Zvanyadza padare nana Kundai. Vainge vakaita kutsvukisa ziso vachida kuziva kuti chii chainge chaita kuti vabude mumuzinda pakati paho husiku-----?

"Kundai nditaurire kuti manga maenda kupi?"

"Mambo wangu , tange taenda kunotsvaga rubatsiro." Akadaro Kundai misodzi ichibuda

"Rubatsiro rwei?"

"Taida kuziva kuti sei amai vasingataure , ivo vakaberekwa vachitaura?"

"Akakutaurira kuti vakaberekwa vachitaura ndiani? Saka maudzwa kutii? Manga maenda kunaani kunotsvaga rubatsiro rwacho?"

"Kuna sekuru Chigora?"

"Chigora!! Saka akutaurirai here?"

"Chamuri kuvhunduka chii apa?" Akadaro Runako

"Iwe nyarara ndiri kutaura naKundai."

"Ndiko kuvhundukawo kwaita Chigora ikoko. Asi mune zvamunoziva muri vaviri here?" Paakada kuti adavire akacheuka. Paakacheuka kudaro akaona Chikoto achisvika zvekare mumuzinda make. Nguva iyoyo Zvanyadza akati-----

"Ndinozokuonai gare gare. Chisimukai muende-----" Runako naCheneso vakasimuka. Kundai

akaramba akagara.

"Kundai ndati simuka----"

"Kwete mambo. Ndinoda kuita hurukuro nemi."

"Unozouya gare gare"

"Kwete" akaramba akaomesa gotsi kunge munhu akagarwa. Akaramba kusimuka kusvika Chikoto asvika padare paiva namambo-----

"Maswera sei mambo?"

"Ndaswera zvangu."

"Nhasi ndafara kukuonai mugere zvakanaka naKundai."

"Hoooo , wauya kuzodii andina nguva ingoti gagaga ndinoda kubuda ikozvino."

"Zvakanaka mambo wangu. Nhasi ndarota hope zvekare."

"Hope? Ihope dzemhandoi dzawarota Chikoto?"

"Ndakakuudzai zuva riya randakuonai muchidzika gomo. VaZvarewa avasi kufara nekuda kwedunhu rino-----" vakabva vati ziso kuna Kundai. Iye aingoteererera akagara chete.

"Anotadza nei kufara iye akafa kare kare? Dai aisafara akazviratidza kare kare. Andidi kukuona zvekare pamberi pangu uchitaura zvisina basa kudaro Chikoto"

"Asi ndiri kutaura chokwadi mambo wangu----"

"Chisungo huya pano. Buditsa murandarume uyu mumuzinda mangu----"

"Zvakanaka mambo---" Chikoto akakaratswa naChisungo vobuda mumuzinda. Vave chinhabwe vakabva vamira ndokuti---

"Ndine hurombo vaChikoto. Ndazviitira chete kuti Zvanyadza afare. Chii chiri kunetsa nhai?" Chikoto akanyatsoona kuti Chisungo airevesa. Akamutsanangurira zvole. Ahana kuda kuzeza sezvo aiziva kuti Chisungo ijinda guru ramambo.

"Hoooo , saka munoreva kuti Zvarehwa uyu aiva mambo here?"

"Hongu aiva mambo."

"Ko , hukama hwake naZvanyadza hwakanga hwakamira sei?"

"Uuummm andingazive zvakanaka ipapo. Vaingova mukoma nemunin'ina"

"Ko , iye Zvarehwa navaMandigona ava vaisataura vakanga vaine hukama hupi?" Chikoto akabva atura mafemo. Chisungo akadzokorora kubvunza.

"Regai ndirerutse ndichiti. Ivo vaZvarehwa vaiva nemudzimai here zvavakafa?"

"Hongu vaiva naye"

"Akaenda kupi mudzimai uyu?"

"Vakafa vose nguva imwe chete"

"Vakanga vasina mhuri here?"

"Uuummmm Chisungo unozouya kumba kwangu. Zvawave kuda kuziva zvakawanda——" nguva iyoyo vakaparadzana. Chisungo akaenda kumuzinda njere dzake dzichipishana. Ukuwo Kundai akasara oda kuziva nezva VaZvarehwa kubva kuna mambo Zvanyadza—————

End of chapter 7

Stay tuned

\*WAKAIKANGIRA PAKATSVIRA DZIMWE\*





STORY WRITTEN BY

TINOH MUTSINZE

+263772578111

CHAPTER 10

NARRATOR

Machinda ainge abatirana Kundai vave kuenda naye kwavakange varairwa. Vose vaiyenda zvavo , asi chokwadi chaiva chekuti vainzwa kutya. Mashoko akange ataurwa naChisungo airema. Vakati vasvika musango riya. Vakatsvaga muti wawangasungirira Kundai sekurairwa kwavakanga waitwa. Zvidzai aida kuti afire musango imomo. Kundai akamboedza kurwisa semurume chaiye , asi zvakaramba. Chara rimwe achitswanye inda chikwadi. Vapedza kumusungirira vakabva vatendeuka kudzokera mumuzinda. Vave chinhambwe zvisoma , vakabva vamira kwave kutarisana naKundai. Kundai paakaona mukuru wavo ave kusimudza museve , hana yake yakatanga kubika manhanga. Ainge onzwa rufu kufemera mugotsi make chaimo---

"Kundai tave kuzadzisa zvataudzwa mamambo wedu.---"akadaro ainge akabata museve.

"Zvakanaka vakomana. Andisisina chekupokana nacho. Zvamaronga itai saizvozvo----" akadaro Kundai moyo wake wasviba kuti tsvaaa. Nguva iyoyo akaona murume uyaaa wendeivu chena , amira parutivi rwake. Haana kukwanisa kubvunza kuti ndianiko? Nguva iyoyo museve wakabva wapotserwa. Murume uya akamhanya omira pamberi paKundai. Ndiye akabva arohwa nawo kwave kuwira pasi. Machinda akaona kunge ainge arova Kundai. Vakaenda kumuzinda vachiratidza kufarira kugona basa.---

"Kudzoka kwaChisungo ubva wazvimirira Mutongi. Wadzokorora zvekare zvisingadiwe naChisungo. Hauna matyira chokwadi. Wakanganwa mafiro akaita Manyara nhai"

"Nyarara , unoti ndiri mbwende here sewe" akabva anyarara zvake. Aisada hake kuswera afuga rage ega. Machinda akange opandukirana pachawo---

Kundai asara ega kudaro , misodzi yake yaibuda. Shungu dzainge dzamubata zvakananyanya. Ipapo akatanga kurangarira hope dzake. Mashoko ekuti aifanirwa kutonga dunhu , airamba achidzoka munjere dzake pamwechete nekumupa simba. Nguva iyoyo murume uya akamuka otanga kunyemwerera.

"Ndakakuudza Kundai kuti avana zvavanokuita ava----" akadaro murume uya. Ainge akabata museve uya mumaoko ake. Kundai akashamisika ndokuti---

"Ndimi ani?"

"Ahungandizive ikozvino pachiri pedyo kudai. Ndinongofanirwa kukubatsira chete kusvika waziva zvose. Ini ndave kuenda ini---"

"Muchindisiya ndakasungirirwa kudai here? Dai mandibatsirawo"

"Arisiro basa rangu. Rangu ndaita ndikapedza. Anditi ndakurwira kubva murufu. Vatoenda vachiti wafa. Achauya anokwanisa kukusunungura. Asi kana achinge auya , ndapota zvangu imboita mazuva mashanu uchigara muno musango. Unofanirwa kusimbiswa usati wadzokera kumuzinda."

"Mazviita henyu baba asi ndinodyei---?"

"Michero yakazara muno musango" vakabva vaenda. Kana kwavakaenda nako haana kukwanisa kuona. Kundai akaswera musango zuva iri pasina kana mumwe chete zvake akakwanisa kuuya akamubatsira. Hope dzakange dzamusunga mbira dzakondo. Aisakwanisa kuti amborovera matama pasi sezvo ainge akasungirirwa pamuti. Aingotsumwaira achishaya zvekuita. Uku maziso ake ainge ave kurema-----

Kupinda kwakaita Runako muimba yaZvidzai yekurara , hana yake yaiita kurova. Zvidzai nguva diki diki akatevera.

"Chibudai muno machinda. Ndinoda kusara ndoonana naye runako tiri vaviri-----"

"Zvakanaka mambo wangu."

"Asi musaenda kure. Garai zvenyu muberevere umu." Machinda akaita sekutaura kwaZvidzai. Semwana waMambo , aida kugara akarindwa nguva dzose sebveni. Nguva iyoyo akatarisa chiso chaRunako. Akabva aswedera pedyo naye. Ropa rake raiita kumhanya mhanya. Runako nekuda

kwekuti aitya , misodzi yake yakatanga kubuda. Zvidzai akabuditsa ruvimi rwake okwekweta misodzi pamatama aRunako----

"Zvidzai ndiko kidiniko kwairi kuita?"

"Ndinokuda , saka ndiri kukuratidza kuti ndinokuda"

"Kwete , ngazvipere nhasi , azvigono kuti inini newe tiroorane"

"Nekuda kwei? Zvino kana uchinge usingade unoti ndinombo kunyengerera here? Ndinoita kukumanikidza ndizvo zvandiri-----"

"Kkkkkk , hooo." Akaseka hake Runako. Nguva iyoyo Zvidzai akada kuti abate muviri waRunako ndokubva anzwa seaminyuka ruoko----

"Haugare nechuma iwewe hausiri mwana wamambo " nguva iyoyo akada kubata chuma kuti abvise. Akanzwa VaZvanyadza voridza mhere kudare. Nguva iyoyo akabuda achimhanya. \*Zvidzai anofanirwa kufa achitambura. Misodzi yangu iri kubuda nokuti ndiri kurwadziwa nehupenyu. Iye otonanzva sezvinonzi rugare----\* akadaro Runako ndokubva afinyamisa chiso chake. Nguva yakasvika Zvidzai padare , baba vake vainge vabatiranwa nemachinda. Ukuwo VaMandigona vainzunzutira kuuya kudare mushure mekunzwa mhere yakaridzwa nemurume wavo.

"Baba zvaitasei?"

"Zvidzai ahufanire kuroora Runako , kana kurara naye zvako---"

"Saka ndizvo zvamaridzira mhere kudaro here? Tsitsi akandiramba , zvino ave kuda kutorwa naKundai. Ndotiwo nditore Runako mutorwa zvake , imi moda kuti atorwe naTigere. Saka inini munoda kuti ndiitesei chaizvo? Andisi mwana wamambo here?"

"Saka imi baba vaZvidzai maridza mhere yekuti Zvidzai arege kutora Runako here? Saka madii kuti vese vaende kunouraiwa tisare tigarike muno mumuzinda." Zvidzai achinzwa izvi moyo wake wakaramba. Ahana kumirira zvisina basa. Akaridza tsamwa ndokudzokerwa kwaainge asiya avharira Runako. Akasvika oda kuenderera mberi kubva paakange asiira. Nguva iyoyo akanzwa mhere , amai vake vachema ndokubva abuda zvekare. Asati aendapo akamira pamukova weimba iyi ndokuzvibvunza---

"Wangu munyama here? Chii chiri pana Runako naKundai? Kwete , kana zvakadaro ndinoenda kun'anga kunozvitsaga ndega." Aitaurira pasi pasi. Ndipo paakanzwa Runako ave kuti---

"Azvidi n'anga izvi. Bvunza mai vako nababa vako kuti zviri kufamba sei?" Akacheuka nehasha kwave kuti---

"Runako wati kudii? Akakutaurira kuti vane zvavanoziva ndiani?"

"Ko , ini ndati kudii hangu?"

"Zvawati wani ndibvunze kuti zviri kufamba sei?" Akaramba ari zii , nguva iyoyo ainge ave kufamba kuenda. Zvidzai akanzwa hashu , asi chekuita pakanga pasina. Akafamba oenda kudare.

"Amai maridza mhere yei?"

"Uuummm"

"Davirai kwete kungodzungudza musoro"

"Ndangominyuka mwanangu." Zvidzai akanzwa hashu. Kunyange zvazvo aiva nehutsinye , apa

ega akafunga. Kuti chaiva chuma here chaRunako chaiita kuti zvidaro? Iye akanga ambochiwana kupi? Sei chaiva chemhando yepamusoro kudaro kudarika zvaana Chenai? Aizvibvunza , asi mhinduro chaiyo ndiyo yaakashaya. Nguva iyoyo machinda akabva asvika kubva kusango. Zvidzai paakaona vari vega akabva aziva kuti basa rainge rafamba-----

"Zvafamba zvakanaka here?" Akadaro Zvidzai.

"Hongu mambo"

"Atosiya afa?"

"Hongu mambo."

"Maita zvakanaka. Uyu Runako regai ndimbofunga kuti ndodii naye? Ndichakuudzai kana ndaronga"

"Zvakanaka mambo" iye Runako achinzwa izvi akatanga kuumburuka achichema. Kuenda kwaChisungo kwainge kwamuunzira matambudziko panguva iyi. Cheneso akachema pamwe chete naye-----

Zuva remangwana , Chisungo akanga asati adzoka. Kundai ainge asina kudzoka mumuzinda zvekare. Zvese izvi kuna Runako rainwa sanzu rine minzwa rainge rakamusosera mberi neshure. Aishaya kuti odini chaizvo? Nguva diki diki , uye zuva richangoti kwirwi. Tsitsi akasvika akatsiga chirongo mumusoro make-----

"Vatete munochemereiko vapenyu sevakafa. Ndiri kuenda kunoona Kundai----" Runako naCheneso vakabva vatarisana nguva imwechete.

"Tsitsi wati kudini? Kundai akauraiwa zuro"

"Munobvuma sei musina kuona mutumbi wake? Kundai achadzoka muno mumuzinda mushure memazuva mashanu. Haikonai kutaurira vanhu izvi----"

"Une chokwa here iwe Tsitsi?"

"Hongu"

"Zvakanaka." Akatanga kunyemwerera. Nguva iyoyo Tsitsi akabva adarikira. Mambo avana kumuona. VaMandigona vega ndivo vakamuona. Avana wvakataurira nezvazvo----

"Tsitsi chii chaizvo chiri paapi?"

"Nei wadaro Cheneso?"

"Maitiro ake uummm"

"Aaa , iwe uchazvinetsereiko nhai? Chero isu tataurirwa zvinonyevenutsa moyo yedu chete zvanaka. "

"Taura hako. Ndave kufunga Chisungo kuti akadii kwaari ikoko?"

"Haaa uyu usambomutyira zvako"

"Chokwadi here?"

"Imvumba chaiyo"

"Ndinovimba naye Chisungo-----"

End of chapter 10

Stay tuned

**\*WAKAIKANGIRA PAKATSVIRA DZIMWE\***



STORY WRITTEN BY



TINOH MUTSINZE

+263772578111

## CHAPTER 9

### KUNDAI

Ndakasiya Tsitsi oyenda, ini ndodzoka kudare. Ndainge ndave kuchiita zvekuradzikwa kwaamai vangu. Azvina kutora nguva. Zuva rakazosara rogara miti , amai pamwe chete naManyara vazorodzwa. Ndakarwadziwa nekuti amai vangu vakaita kunoraswa munzvimbo yainge yakaita bani. Manyara ndiye akachengeterwa panzimbo yakanaka uye yakanga iri pedyo mumuzinda makare. Maiva negomo raokosheswa zvakanyanya.

"Kundai haikona kubatikana. Kutaura kuno ndave kufunga zvimwe maererano nemaitiro amambo Zvanyadza---" akadaro Chisungo akandibata ruoko rwangu.

"Wave kufungei Chisungo?"

"Chaunofanirwa kuziva ndchekuti , munhu ahangovengwe chete. Asi ukaona wavengwa tenda vadzimu vako. Une chakanaka chiri pauri. Ndikaongorora mararamiro ako kubva kumashure

kwese uku , kusvika pawave nhasi. Nekufa kwaita amai vako. Ndozobatanidza mashoko andakanzwa naChikoto kaa. Ndinobva ndatoona kuti Zvanyadza ane zvaakavanzwa zvaanoziva. Nguva paichakwana achapupura zvake---

"Saka rairo yaunondipa ndeye kuti kudii?"

"Ureng kuchema , asi utende kuti kune vanomira newe"

"Zvakanaka Chisango waita hako----" zuva rakabva rapinda munaamai varo. Nguva iyoyo ndakapinda muimba yaamai vangu. Ndakatora dehwe remhembwe raigara rakaturikwa mumba imomo. Ndakariwaridza pasi kwave kurara. Ndakarara kudaro ndainge ndave kurota hope. Ndakarota ndichifamba musango. Ndakasangana nezinyoka rainge rakakura zvaishura.

Ndakashamisika kuti kune nyoka dzakadaro pasi pezuva. Ndakaedza kurwisa nepfuma randainge ndakabata mumaoko. Ndakakundikana sezvo nyoka iyoyo yaitoita seyakagarwa. Ndakazongoona ndamonererwa. Nguva iyoyo ndakaedza kudeedzera rubatsiro , asi ndakashaya kana nemumwechete zvake akandibatsira. Ndakazongoona ndave kutomedzwa. Ende yakanditanga nemakumbo angu. Ndega ndakasvika pakupera simba. Ndainge ndave kutongoti ndafa ini , apasisina chandichagona kuita. Ndiyo nguva yandakaona murume uyaaa , wendeavu chena. Akasvika achiita kunyemwerera----

"Unoti ungagofa sei ini ndiripo?" Akadaro , asi ndaitoonawo kuti kwaiva kutaura kweshungu. Apana paaizombogona kundibatsira.

"Ndave kutofa ini---

"Kwete azvigoni. Unofanirwa kutonga dunhu rababa vako. Ahungatongwi naZvidzai iwe mukuru uripo---" nguva iyoyo ndakabva ndati pepu. Ndakanzwa hana yangu ichiita kurova zvakananyanya. Ndakazodzikamiswa naRunako ainge onditambidza zvekudya---

"Haikona kunyanya kufungisisa mwana waamai vangu. Yakatodeuka ahichaorereki. Vaenda

amai----

"Zvakanaka Runako." Ndiwo chete mashoko andakakwanisa kutaura. Ndainge ndave kufunga. Zvairevei kana ndainzi ndinofanirwa kutonga dunhu rababa vangu? Baba vacho vaiva ani? Asi kuti vaiva VaZvarehwa here? Kokana vaiva vaZvarehwa , sei Zvanyadza ainge akandivenga. Ende sei vaida kuti Zvidzai aroore Runako? Anditi ndiwo makunakuna mudunhu here iwayo? Ko , kana ndaiva mwana waVaZvarehwa , sei VaZvanyadzi vakakura vachindiita mutorwa. Ko , kana ndaiva mutorwa zvangu sekutaura kwavo , idunhu rekupi randaifanirwa kunotonga? Ndianiko aiva baba vangu? Ko , iye aindiudza uyu aiva ani chaizvo? Dai amai vangu vakange vasiri matsi , ndaidai ndakapindurirwa mibvunzo yose yandakakura ndiinayo----

Ndakapedya kudya kwave kurara. Kana kwaienda vamwe vezera rangu kunovhima nomwedzi muchena ndaingonzi sara. Kwangu kwaiva kusevenza sembongoro masikati machena , zuva richipisa kuti tuuuuu. Waiona mambo Zvanyadza vonyemwerera havo.-----

Zuva raitevera ndakaita kufumobata jongwe muromo kuenda kudziva kunoredza hove. Nguva iyoyo ndakasangana nemachinda matatu. Ndakamboda kutiza , asi ndakaramba ndakamira , uku museve uri mumaoko.

"Hevo chikomana. Ndiwe unoitwa ani?" Akadaro umwe muchinda. Chiso chake chakanga chakashinga kwazvo.

"Ndinoitwa Kundai----" vakabva vatarisana kwave kutanga kunyemwerera. Ndakashaya kuti sei?

"Hoooo , kureva kuti Runako arimo mumuzinda?"

"Hongu arimo."

"Zvaita zvakanaka. Tange tauya kuzorwisa kusvika taziva kwaakaenda. Isu tabva kuna Chamboko. Imi sababa tave kukupai ruremekedzo rwenyu."

"Saka mave kutodzokera musati papinda mumuzinda---"

"Kwete , tinoda kuona Zvanyadza. ZvaRunako atichatauri nokuti mhinduro tave nayo kare."

"Hoo , ko , machinda akauya ikoko madii kudzoka nawo?"

"Ndiyo nyaya yatafambira." Moyo wangu wakatanga kutsva. Kana kudziva ndakabva ndachitoregera kuendako. Ndaida kunonzwa nyaya iyi mafambiro ayo. Apana chandainge ndichada kuti chindidarike.

Ndakaenda navo kusvika tasvika. Mambo vainge vachangomuka----

"Watomuka Kundai , ndange ndichitoda kuti umutswe ikozvino. Ndinoda kuti undi-----"

"Mambo atina nguva. Munozosara henyu motaura naye Kundai sezvo ari wenyu"akadaro umwe muchinda. Zvanyadza sezvo aiizviitawo andinzwaro , ndakanzwa ave kuti-----

"Nyarara iwe nokuti andikuzive. Ndine mvumo yokutaura nokuti muzinda ndewangu----" vakabva vati bvuuu kuseka.

"Inga munozvikudza nhai. Isu tatumwa naChamboko. Atina tsitsi nemu zvekuti tinogona kusiya takudzidzisa chidzidzo saka dzikamai. Nyaya yatauya nayo inotoda kuti titaurirane makadzikamisa hana---" ndakanyatsoona kuti mambo vaitsvaga Chisungu pavaicheuka cheuka. Havana kumuona ndokubva vati----

"Inyaya yei?"

"Yemachinda enyu matatu akauya kudunhu redu."

"Madii kuuya navo?"

"Anovabereka ndiani? Vakarumwa naChemererai naHwakumukwaku kwete zvekumbotamba. Sei makatuma mbwende dzakadaro kuhondo---?"

"Unoreva kuti vakarumwa nembwa?"

"Hongu , uyezve Mambo Chamboko ati tikutaurirei kuti machinda aya ahachadzoka kuno zvekare---"

"Nekuda kwei?"

"Vave varanda mumuzinda wake."

"Kupamba Popotai naTafirei wangu--! Hazvigoni , Chisungo anoenda kunovatora chete."  
Vakabva vapinda munzira vakasiya vataura kuti hondo yacho yaisambopera mushe. Chisungo akazosara osvika machinda aya ayenda kare. Akasvika mambo vachisvimha misodzi. Inini andina kana kumbovanyararidza zvangu---

"Inga ndiwo manenji aya gudo kuwa mumuti. VaZvanyadzi munochemei?"

"Ihasha dzoga dzoka. Wanga waenda kupi iwe Chisungo ,machinda aChamboko achitaura zvaanoda pano?"

"Varipi? Zvanzi kudii?"

"Vaenda hapana nguva refu---" vakabva vatsanangura zvole. Nguva iyoyo Chisungo

akanyemwerera ndokuti-----

"Naivowo vachinyanya vana Popotai. Asi ndinokuvimbisai mambo wangu kuti ndinonouya navo. Regai nditevere mumashure mavo. Ndinoenda ndoga andiendi nemunhu. Ndinonorwa ndoga , andirwe nemunhu. Hondo takarwa dzakawanda. Zviito zvisina maturo takaitirwa zvakawanda mudunhu rino , asi kwete kupamba machinda edu zvakadai. Kana vachida kuona kuti Runako wavanoda avamuroori nekuda kwangu. Tafirei munin'ina wangu saka ndagumbuka. Ndiko kunonzi kupinda nemwenje mudziva iku. Kuita kukotamira museve. Regai nditevere shure kwavo. Ndinodzoka musandityire----" akadaro Chisungo. Hana yangu yakatanga kubika manhanga. Kuenda kwaChisungo ndaizosara nani? Anditi ndaisara ndikaitwa zvokuziva here? Akangofamba nhanho shomanana ndokubva amira akati----

"Regai ndikuyeuchidzei zvekare. Pasawana mumwe chete zvake anoshungurudza Kundai. Zvikadaro chete , ndinodzoka topedzerana---" ndiwo akava mashoko aChisungo okupedzesera. Ndakazosara ndonzwa hwema chete pamwe nekuona matsimba ake kuti ambenge ari pano. Ndainge ndonzwa zvirinani. Nguva diki diki ndakanzwa Zvidzai ave kuti-----

"Iwe Kudai uri kuda kuroora Tsitsi here?"

"Sezvaakareva iye oga pano zuva radarika. Hongu."

"Hazvigoni kuti umuroore. Ndakamuvenga nokuti akandiramba. Akandinyomba humbwende zvose ipapo---"

"Kumuvenga kwako akunditadzise kumuda. Nhamo yemumwe hairambirwe sadza shamwari----"

"Hooo , ndinoda kuzviona. Vakomana mubatei. Ndofunga muri kuziva zvandinoda kuita." Hana yangu yakarova. Nguva yandakada kubereka tsoka , ndainge ndatopingwa ndare kwave kuwira muvhu. Machinda ose aivepo akange andimhara kare kare---

"Zvidzai unoda kundiitasei?"

"Kana akadzoka waora ndinoda kuona kuti hasha dzake adzisereri here iye Chisungo----"

"Kuora nei?"

"Kune akamboora ari mupenyu here? Ndinoda kuti ufe Kundai-----"

RUNAKO

Ndainge ndatozvitambira kuti tave nherera. Kushaya zvole amai nababa.  
Zvaitongondikomborera ini kuvaona varipo , kunyange zvazvo vaisataura.-----

Pandainge ndirere zuva rakauya Tsitsi. Ndine jaya randakarota kuhope dzangu. Kuti nditi aiva Tigere zvakaramba. Zita rake raitanga naM. Ndainge ndarikanganwa zvangu , asi aisambova Tigere. Ndiye munhu wandakange ndazopinda naye murudo kuhope ikoko. Hope dzaitaura chokwadi chaicho saka dzaikosheswa----

"Saka Runako wave kutoda Tigere here?"

"Kwete , andina munhu wandati ndave kuda ini Cheneso. Ndingade munhu asina kumbouya kwandiri iye mbune----"

"Hazviite taura hako"

"Asi ndine hope dzandarota pandanga ndirere"

"Taura tinzwe" ndakamuudza Cheneso. Ndapedza kutaura ndakanzwa ave kuti-----

"Hoooo , kubva unofanirwa kuzotevedzera zvinoda moyo wako. Pamwe achauya. Asi achibvepi? Mwana waishe Chinhengo mukuru anonzi Mukudzei. Mudiki wacho anonzi Mugove." Ndakabva ndarangerira Mu ega. Ndaisava nechokwadi saka ndakangonyemwerera.

"Hoooo regai tizoonza"

"Kandiro kanoenda kunobva kamwe chokwadi. Anditi ndiko kwave kuda kutorawo Kundai?"

"Tsitsi mwana wamambo here?"

"Kwete , kungoreva hangu kuti dunhu ravo rimwe chete"

"Kkkk usatanga kutungamidza Satani. Zvichida iye Tigere ndiye wangu" ndakadaro kuti nyaya ipere. Nguva dzati fambei ndipo pandakanzwa mhere mhere kudare. Ndakabuda kwave kutarisa ikoko. Ndakaona Chisungo achiita kunge kutsamwa. Ndakafamba ndave kuenda ikoko kunoona kuti chii chaitika? Ndakazoita kubatira padenga nyaya yacho. Machinda ainge apambwa naChamboko saka Chisungo aida kunovarwira. Ndipo pandakatanga kurohwa nehana. Saka taizosara tikadii tiri toga mumuzinda-----?

Nguva yandakazoona Kundai ave kushungurudzwa ndakachema. Ndakaedza kuda kuyamurira , asi ndakaita kubatiranwa. Ndakasara ndakaringe nzira Kundai ayendwa naye kusango-----

"Haikona kuchema , uri kutinyaudza Runako" vakadaro VaMandigona. Tsoka dzavo dzekutsveyama apa dzainge dzakati pwasharara.



"Sei musina moyo?"

"Saka tinei kana tisina moyo?"

"Andizivewo?"

"Amai nababa moyo yenyu yakasindimara kwazvo-----" akadaro Cheneso misodzi iri mokoto pamatama ake. Chenai waizoti kufara ikoko kwaaiita.

"Runako ahungauraiwi. Ndinoda kuti uve mudzimai wangu. Mushure memazuva mashoma ndinoda kuzorara newe---"

"Zvidzai---!"

"Iwe Cheneso nyarara. Muromo unenge wedahwa. Andisiri kutaura newe"

"Hooo zvakanaka Zvidzai. Waporaka , dai ukarakashwa zvekare."

"Ndezvako , ndiri mwana wamambo inini. Ikozvino machinda endai naye muimba yangu yekurara iyo. Ndinoda kumutarisa kuti achakakwaa here iye Runako---" imiweeee. Ndaiita kukakaratswa. Uyuwo Kundai aichema achiendwa naye kwandaisatoziva-----

End of chapter 9

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 11

### ZVIDZAI

Pandakaona zvadaro ndakashaya zvekuita. Runako ndaimuda , ende ndaiti kana ndakamutarisa ndainzwa zvimwe. Ndaisada kuti ayende naTigere , kana nani zvake mumuzinda imomo. Kupotsana kwangu nRunako ndaizoda hondo naye pana Tsitsi. Ndaida kuona kuti Kundai zvaainge afa achadii?

Chimwe chinhu chandakatanga kufunga ipapo ndaida kunoona svikiro. Ndaida kuendako baba vangu vasina chavanoziva. Kana kuri kunzi vane zvavaivanza ndaida kunozvinzwa ikoko. Ndakabva ndapinda muimba yangu yekurara. Ndakabuda imomo ndabata bakatwa nemuseve mumaoko angu. Ndakabva ndapinda munzira yaidzika nekumavirira. Ndini ndaizova mambo kana baba vakanzi vafa kana kusiya mumambo nekuda kwekukwegura---

"Zvidzai wakamborwa hondo kupi iwe? Dzoka pano ndikutaurire hope dzandarota" akadaro Zororo mukomana uya wekumbotaura zvevan'a aVaZvauya. Ndakabva ndamira ndakamuti ndee--

"Regera kuda kunditsamwisa. Ini andirwi hondo nekuti ndiri mwana wamambo" ndakabva ndakabva ndatofuratira ndave kuenda. Ndisati ndamboenda kure kure ndine mashoko andakanzwa kutaura kwake. Ndakaita kumanzwira kure kure nekuti ndaifambisa.

Andina kukwanisa kudzoka kumashure kuti nditeerere , kana kubvunza. Ndati dzikei zvishoma ndakabva ndaona svikiro rakamira pakati penzira. Hana yangu yakarova nekuti zvaisamboitika kakawanda. Svikoro raigara panzvimbo imwechete. Ukaona zvadaro zviva kuti zvine zvazvaireva. Kundifuratira kwarainge rakaita ndiko kwakandityisa ini kwave kurambawo ndakamira uku

ndichitofunga kutiza---

Nguva iyoyo rakacheuka kwave kutarisana.

"Zvino unoda kutonga chii kana mambo achinge afa? Uri kuzviziva here kuti Zvanyadza asara nenguva diki? Dai wakasimba ungadai waswewera pedyo neni." Parakadaro ndakabva ndaita kuchonjomara pasi. Ndakatanga kuombera maoko uku ndichizvirereka kwavari---

"Ndine hurombo vakuru vangu. Ndimi vandiri kutotsvaga nekuti pane zvandishaisa mufaro--"

"Dzokera ubvunze mukomana iyeye hope dzake. Inga wamudadira iye aine chirevo. Ini ndiri kuuyako kumuzinda nekuti ndinoda kuona mambo"

"Zvakanaka vakuru." Ndakasimuka ndikatanga kumhanya. Saka zvaireva kuti Zororo aitova muroti wehope dzechokwadi. Chokwadi regai vakuru vakati tisashora mbodza nekuti dzimwe dzacho dzinozvimbira. Munzira mese ndairidza tsamwa. Ndakasvika mumuzinda ndikatanga kutsvaga Zororo----

"Zororo ndadzoka."

"Kwakanaka here?"

"Haugoni kutaura neni wakachochomara sei? Ndiri mwana wamambo wanzwa here?"

"Ndine hurombo"

"Chinditaurira hope dzawarota tinzwe"

"Ndati ndarota mumuzinda mauya mumwe munhurume." Ndakabva ndaseka. Kuseka kwangu kwaiva nehukasha mukati , asiwo nekuda kwekuti nyaya iyi yaiva nesvikiro mukati ndakabva ndapfava.

"Chete chete!"

"Uumm paita hondo mumuzinda. Ndazona iwewe Zvidzai wafa rufu runorwadza kana kuti kurwirwa naKundai murufu urwu. Nekuti munhurume iyeye ndiye auya achida kuzotonga kuita mambo---"

"Sei uchiramba uchitaura zvemunhu akafa hee? Kundai ahuzivi kuti akazvisungirira here?"

"Hoooo , ini ndiri kungotaurawo marotero andaita" nguva iyoyo ndakatanga kufambisa kuenda. Ndakasvika nekupinda muimba yandairara. Ndakanogara pachigaro ndakazendama nemadziro kwave kubata shaya. \*Kundai ngaasambofa zvake akamuka ngozi kwandiri\* ndakataurira mumoyo. Nguva diki diki ndainge ndave kutsumwaira nekuda kwehope. Ndakazovhunduka pandakanzwa gonhi rave kugugudzwa----

"Pinda"

"Zvidzai unodiwa namambo kudare. Buda , nokuti imomo andisi kupinda--"

"Zvakanaka Chenai" ndakabuda kwave kutevera mumashure. Ndakasvika ndikaona svikiro rakagara pedyo naMambo. Inini ndakabva ndanogara padivi rimwechete iroro kwave kumirira mashoko---

"Zvidzai ndakudana kuti unzwe vakuru ava zvavafambira pano"

"Zvakanakai baba"

"Ndauya chete kuti ndikutaurirei kuti kana VaMagumbo vauya muvatambire. Mukavadzinga muno mumuzinda muchamuka chimoto----" ndiye kwanyanu rave kutanga kufamba kuenda. Ndakaona baba vangu vachiratidza kunetseka zvakanyanya.

"Baba ndiani anonzi Magumbo?"

"Ndizvo zvaungadai wabvunza kuvakuru vazvitura kwete ini"

"Ko , imi munotadza nei kudavira? Anditi ratoenda here svikiro racho?"

"Saka richadzoka ropedzisa. Iniwo andina zvandinoziva"

"Imi baba vaChenai haikonai kuita semadya dahwa mbishi. Munogoti amhuna zvamunoziva sei? Svikiro rinopenga here?" Ava vaiva amai vangu. Vakatangawo kupopota nguva iyoyo.

"Zvadiizve iwe Mandigona?" Ndakabva ndasimuka kwave kupinda musango. Nyaya dzacho ndainge ndisisadzinzwisise. Nzira yandakatora yainge yasiyana neye kutanga.

Ndati fambei ndakanzwa kutaura mberi kwangu. Ndakaramba ndichifamba kuenda mberi. Ndakazongoerekana ndasangana nevanhu vandaisatomboziva kana. Paiva naamai vechikuru chaivo , kozoti varume vaviri vainge vakada kuyenzana ari vakuru kwandiri ne mhandara yairatidza kuti ichiri kukura. Yaiva nemazamu akamira kuti twiiii.

"Hevo zijaya" akadaro umwe murume pakati pavo. Airatidza kuti ndiye mukuru. Ainge akasimba kuita zirume chaiko uku akapakatira uta nemuseve.

"Ndiri mwana wamambo. Saka ndinoda ruremekedzo" vakabva vatarisana kwave kunyemwerera.

"Chinin'ina changu zvinotoda kuzvinipisa nekudzikama. Ruremekedzo runotevera. Ndinoda kubvunza kana tave kusvika mumuzinda wamambo Zvanyadza"

"Hongu mave kusvika." Ndakabva ndati ziii. Kusimba kwake kwaitondipa kutya. Apa kuzonditi chinin'ina changu. Ndakabva ndatanga kutevera mumashure. Kana kwanda kuenda andina kuzokwanisa kuenda. Takanopinda tose mumuzinda. Ini ndakananga padare ndikaona vave kutevera. Mai vangu vange vaita kumira pakati pechivanze vakabata muchiuno.

"Mambo vanhu ava vanoti vanoda kukuonai" ndakadaro kwave kunyarara vobvunzana mufaro. Amai vangu vakabva vasvika nguva iyoyo---

"Inga zvakaoma chokwadi. Vapoteri vanotivinga pano gore rega rega. Zvinonzi kwaMambo Zvanyadza ndiko kunodyiwa kuchigutwa here? Ko , ava vabva nepiko?" Ndiamai vangu vakadaro vasingakwazise vaenzi. Varume vaye vakatarisana kwave kutarisa kunaamai vangu.

"Atina kupotera isu amai. Dai matipa nguva tatsanangura chete." Akadaro mukadzi uya.

"Saka mabvepiko? Tauraika zvamafambira ndiwo mukana" mambo vakaramba vakanyarara kuti zii. Vese vana Chenai vakanga vapfunya zvisero pedyo naamai.

"Uyu mwana wangu Zvidzai ndiye gotwe. Ndiye achava mambo mumuzinda. Uyu anonzi Chenai ndiye dangwe achiteverwa naCheneso uyu. Uyu wamuri kuona mutema tema anonzi Runako. Mutorwawo muno mumuzinda anotochengetwa---"

"Amai zvamave kuita semunopenga. Zvose izvi zvapindira papi? Regai mambo ataure nevanhu vauya kwaari." Uyu aiva Cheneso

"Unondiudza kupenga iwewe mwana wandakabereka here?"

"Mose nyararai. Mukanwa menyu mune man'a. Amunzwi here kuti zvamunotaura

zvinocharachata? Imi taurai chifambirwa chenyu tinzwe----" vakadaro mambo. Ndakabva ndatarisa amai vaye vainge vogadzira pahuro kuti vataure.

"Nda--nda--nda---ti inini atina kupoooootera. Mu---mudu---nhu rino iiisu" ndainge ndisina setswa , asi ndakabva ndapwatika kuseka. Saka wavaifunga kuti anorapa kukakama ndiani? Chenai naamai vakasekawo pamwe chete. Runako naCheneso vakaramba vanyerere kunge zvimumumu-----

"Ndaona kuti manakirwa kwazvo" akadaro mumwe murume

"Chokwadi. Amai ava avarevesi. Kukakama kudaro nezera ravo. Iiih Mwari akavatadzira"

"Zvinoitika chete kana vachida kutaura mashoko akawanda kana kuti vashatirwa. Iri idambudziko ravo saka regai ndivabatsire----"

"Zvakanaka--"

"Ava vanoitwa vaMagumbo. Ndivo vakabereka inini ndinonzi Chengeto. Uyu wamunoona anonzi Chitope. Takaberekwa tiri mapatya. Uyu igotwe raamai vedu anonzi Sarudzai----"

"Hoooo chifambirwa----?"

"Tauya mumusha wedu. Amai vedu ava vaiva mudzimai waVaZvanyadza. Asi vanoti vakarambwa mushure mekubara mapatya avo uye kunzi vanonyadzisa nokuti vanokakama. Uyu Sarudzai vakangobatwai ndokumubara vasisiri pano saka ari mudiki kwatiri. Saka isu sevanakomana takazoti amai ngatidzokerei kumusha-----"



End of chapter 11

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 12

### TSITSI

Kana inini wacho ndaitoshaya kuti zviri kufamba sei? Zvidzai aindida , asi inini ndainzwa kumuvenga ndaishaya kuti sei? Mushure menguva refu ndakazoonave kuchinyarara nyaya yake. Ndakati vadzimu vandinzwa chokwadi. Ndaisada kuramba ndichinetswa naZvidzai. Apana pandaizombofa ndakamuda. Ndiko kunonzi kuteya nzou neriva chaiko kwaaiita.

"Tsitsi , mazuva ano mukomana wako andisiri kumuona kuno. Chii chiri kuitika?" Vaiva amai vangu vaidaro. Ndakashaya kuti aiva ani? Inini ndaiziva ndisina mukomana wandaifambidzana naye panguva iyoyo. Kana kumashure ndainge ndisina kumboita.

"Munoreva ani? Ini chaiye kuita mukomana amai?"

"Iye Zvidzai ka" moyo wangu wakabva wasviba kuti tsvaaaa. Ndakangofinyama ndichibva ndatosimuka. Pandakada kubuda ndakaona pamusiwo pamira munhu. Vaiva baba vangu.

"Tsitsi dzokera mumba. Neniwo ndinoda kunzwa kuti wakadii naZvidzai?" Ndakabva ndatopererwa.

"Baba naamai andifambidzani naZvidzai ini. Asi mave kuda mukuwasha? Sei muri kutura zvaZvidzai nhai?"

"Unotadza nei? Inga iye wacho anoratidza kukuda. Zvino ndiye munhu waunofanira kuroorwa naye iyeye. Mambo Zvanyadza munhu ane hungwaru. Kudunhu rake kunodyiwa kuchigutwa. Saka unozoda ani?" Ndakaita zvechisimba nguva iyoyo kwave kubuda. Ndine chiratidzo chandainge ndaona husiku hwacho. Mai vaKundai ndaivada kunyangwe vaisataura zvavo. Ndiko kwandakabva ndananga. Vainge vatofa zvechokwadi. Mubvunzo wangu waiva wekuti sei ndakaona izvozvo ini ndaitova mutorwa zvake?

Pandakazonzwa Kundai ave kuti anondida , ndakangonzwa moyo wangu kufara zvakanyanya. Hana kutorovera ende ndainzwa kuti ropa raimhanya nemuviri wangu wese. Ndakadzoka kumba ndikasvika mai vave kutanga kubika---

"Regai ndipedzise amai" ndakadaro ndave kutora chirongo chaiva nemvura. Vakaramba vakanditarisa----

"Wanga waenda kupi Tsitsi?"

"Kwamambo Zvanyadza"

"Hoooo , kwange kwakanaka hako?" Vakadaro vachinyemwerera.

"Ndange ndanobata maoko aVaZvauya amai vaKundai mukomana wangu." Ndakazongoona rima. Mbama yandakarohwa yainge iine munhu pasi. Ndaisambozvitarisira mufunge---

"Unomudii munhu asingazivikanwe kwaanobva?"

"Moyo wangu amai. Andigoni kuupikisa ini"

"Ndinoda kuzviona" ndakashungurudzwa veduweeee. Asi ndaiti ndikashungurudzwa kudaro , pandaizoita nguva yangu ndega ndaibva ndatanga kuona zviratidzo zvandaisanzwisisa. Ende ndine mashoko andaiudzwa ekuti ndimire naye Kundai.

Pandakazopedzisira kubva kumuzinda wamambo Zvanyadza ndakange ndasiya vese hana dzichirova. Ndaiziva kuti hapana chichaitika kuna Kundai chichabuditsa misodzi yangu. Zuva raitevera ndakapihwa zvekare chiratidzo. Kundai aida kuuraiwa akasungirirwa , asi pane murume akabata museve Kundai akararama. Ndakanzi ndiende kumuzinda kunotaurira Runako kuti arege kuchema. Ndakabva ndaisa zvekudya mutswanda kwave kupinda munzira. Amai nababa vakasara vonditsvaga ini ndarova pasi. Ndakadarika ndichiudza Runako ini kwave kuenda musango. Ndaida kunotsvaga Kundai--

Ndakaswera musango ndichingofamba. Andina kana kumuona. Zvino makumbo ainge ave kurwadza. Simba ndakange ndisisina. Uku zuva rainge rogara miti. Ndakatura mafemo ndichitarisa nzvimbo yakanaka yekuti ndimbozorora. Ndakabva ndagara pasi pemuti wemupfura. Paiita kunhuwirira mapfura ainge akadonha.

Nguva iyoyo ndakabatwa nehope kwave kurara. Nguva diki diki ndainge ndatorota hope ndichibva ndapepuka. Ndakaona mwedzi ndiwo wainge wachena kureva kuti zuva rakange ranyura kare kare---

"Kundai--!"

"Tsitsi uri kunetseka nei?" Akabva andidavira ari pedyo pedyo. Ndakaringa ringa ndiye dhumha dhumha nemaziso ake akachena kuti mbuu--

"Inga uri kutambura Kundai. Ko , ahuna kundiona sei zvandasvika pano?"

"Ndakuona zvangu"

"Ukadii kundiudza?"

"Ndangoti vadzimu muringei. Wange uchiratidza kuneta Tsitsi."

"Zvakanaka Kundai. Ndinokuda andidi kuti unetseke."

"Ndave kufa ini uchagondidii?"

"Kwete ahufi nekuti ahuna mhosva." Ndakabva ndatanga kumusunungura. Pandakapedza ndakamubata kuti tiende kunogara pandainge ndakarara. Ndakamupa sadza remhunga randainge ndauya naro riine nyama remhembwe.

"Waita hako Tsitsi. Ende zviri kunaka izvi ndiani abika?" Akadaro achinanzvira minwe

"Ndini zvangu mudiwa" ndainge ndave kunzwa kunyara. Nguva iyoyo ndakaona ave kubata matama angu zverudo. Ndainge ndonyara kumutarisa kumeso kwake. Paakaswededza muromo wake ndakabva ndaziva zvaaaida. Akabva anditsvoda ipapo ndikatanga kunyemwerera.

"Tsitsi ndinoda kukuroora. Asi ndinoda kuti utosimba nekuti pachaita hondo"

"Hondo ahityise. Ndicharwa pamwe chete nowe."

"Zvakanaka mudiwa." Akapedza kudya hake ndokubva amborara. Inini ndaishaya hope saka ndakangoroverawo matama angu pachipfuva chake , asi ndichingobwaira bwaira mumwedzi muchena imomo-----

ZVIDZAI

Ndakapera simba munoziva. Baba vangu vakaramba vakati ziiii. Mai ndivo vainge vongopopota zvisina kana nematuro ose. Zvakandishamisa kuti sei baba vakanyarara? Kuti vaizivana here chokwadi? Kana zvaiva izvo , chokwadi ndakanga ndazoigochera pahutsi. Nguva iyoyo ndakabva ndati---

"Baba munoramba makanyarara sei?"

"Unoda kuti nditaure kutii? Nhasi mandiratidza kushaya hunhu kwenyu iwe naamai vako. Kundinyima kana nguva yekutaura zvayo. Chiitongaika imimi tione---" ndakabva ndashaya kuti ndodii? Ndakapererwa kwave kuramba ndakavatarisa

"Ndine hurombo baba. Chitaurai kuti munovaziva here mai ava?" Ndakabva ndateya nzeve.

"Newewo Zvidzai une mhupo. Haugoni kunyarara seiko? Apa wave kubvunza zvisina basa , asi wanzwa kare kare svikiro richitaura kuti kana vachinge vauya vaMagumbo muvatambire." Akadaro Cheneso. Nguva iyoyo akaenderera mberi oti----

"Baba , chitaurai tinzwe. Mune chekuramba here panyaya yataurwa?"

"Hongu , andimuzive ini anoda kundipomera-----" nguva iyoyo kune maungira akaitika. Munhu wese akatanga kucheuka cheuka. Svikira rakabva rasvika.

"Ndaona hondo kumberi. Mambo matadza kuteerera zvinodiwa" rakadaro kwave kutarisa mativi ose.

"Ndine hurombo"

"Taurirai vanhu chokwadi" rakabva ratoenda.

"Hongu zvarehwa ndizvo. Magumbo ndakamupa vana ndikamudzinga kuti ayende. Zvaadzoka , aiwa Mandigona wotongodzikama. Ava ndivo vahosi vangu. Motovapa imba iyooo yaiva yaVaZvauya. Imi vakomana mosanorara naZvidzai muchigadzirisa dzimwe dzimba. Yaamai venyu pamwe neyenyu yokurara. Ndapedza kutonga saka matambirwa mumusha" Cheneso naRunako vakatanga kupururudza. Apana kana akagona kuvanyararidza. \*Sarudzai wauya wauyaaaa. Chengeto wauyaaaa , Chitope wauyaaaa. Amai mauya mauyaaaaa\* vaidaro vachikwazisana navo. Ndakaona misodzi pamatama amai vangu-----

"Nhasi mandigona wena sezita rangu. Inini andina chandichagarira pano. Kuparikwa nechembere yakadai iyi kuti ndakatuka vabereki here? Mangwana chaiye ndinovirirwa ndave kwedu." Yakava batai batai mumuzinda. Inini ndakabva ndasimuka nguva iyoyo. Ndakangopinda muimba yangu yekurara. Ndakatora nhava yangu yaiva nezvombo kwave kupinda munzira. Ndaida kunoona svikiro. Ende ndakasvika riripo. Ndakatanga kuombera maoko

"Ndauya vakuru vangu. Ndine zvandinoda kuziva"

"Taura tinzwe"

"Amai vangu saka votoenda here nekuda kwaVaMagumbo? Ko , ivo varume ava avazonditorere humambo here?"

"Amai vako avana kwavanoenda. Mukarega vachienda chete vanonodyiwa nemhuka dzesango vasati vasvika kumusha kwavo. Izvo zvekutonga wadirei kuzvinetsa? Mambo iye ega kana apera basa kana kuti oda kufa achataura zvaanoda sezvo mose muri vana vake. Wapindurika here mujaya"

"Hongu." Ndakabva ndatosimuka. Ndakambofamba nesango. Nyaya yaKundai ahina kumbobvira yataurwa kusvikiro. Ndakaziva kuti ahina kana basa. Ndakabva ndananga kwandainge ndati anosungirirwa. Uku ndaifunga zvekare nezva Sarudzai. Ainge asina kuzotaurwa kuti atambirwawo sei sezvo akanga ari mutorwa?

Ndave kuda kusvika , ndakanzwa maungira munzeve dzangu. Ndakaedza kuringa ringa mativi ose , asi andina kana chinhu chandakaona. Pandakazotarisa mberi , ndakaona murume ainge amira pakati penzira achiratidza kutsamwa. Ndakabva ndabata museve wangu zvakasimba.

"Ndiwe ani?"

"Haungandizive nokuti uri pwere. Enda unobvunza baba vako"

"Iwe taura kwawabva. Andirwisane nechembere wanzwa----"

"Swedera pedyo neni ubate pfumo rangu iri. Ndipo pauchaona masimba angu wozonotaura nababa vako" ndakatoseka kwave kuswedera pedyo. Pandakariti dzvii pfumo riya. Ndakaona ndave kufamba mumhepo ndichienda mudenga. Iyewo murume iyeye ainge aineni. Ndakabva ndaregedza pfumo iroro ndikaita kurovera pasi negotsi----

Ndichisimuka ipapo ndakabereka tsoka kunanga kumuzinda. Iye kana kuzomuona andina. Ndakasvika ndichiita kufemereka. Ndakapinda muimba yangu yekurara ndikawana Chitope akarara. Airatidza kuneta. Chengeto ndiye aitosevenza panze kunge ainge agara achiziva zvemumuzinda----

"Iwe muka apo mbwende yemunhu! Sei kuuya kwamaita mumuzinda mave kutanga kuitika mashura?"

"Siyana neni Zvidzai. Ndezve mumuzinda muno nekuti isu kwatabva atina zuva ratakamboona mashura----"



"Zvausina kana nyadzi nhai? Uri kutopindura sezvinonzi une chako pano?"

"Ko , iwewe une chii kunze kwedzungu nehumbwende? Dai uri umwe wadzikama hako nekuti tose tiri vakuru kwauri"

"Hooo ndinoda kuzviona. Chakamboita kuti munokurira kunze ndicho chichakubvisai zvekare pano."

"Kkkkk zita rangu ndiChitope. Ndasiyana naChengeto ane tsiye nyoro. Dzangu dzakaona zvekuti ukasadzibata mushe dzinotyokatyoka kuita zvimwe zvinhu. Ndangoti ndikuyambire Zvidzai---" ndakanzwa hana yangu kurova. Nguva iyoyo ndakanzwa amai vave kudeedzera---

"Ruzha nderweiko mumba umo? Musada kundikanganisira mwana wangu."

"Ami vanenge vane mamhepo vanhu ava"

"Rega uone ndoda kuvapa chidzidzo" akatoseka zvake Chitope achizviradzika zvakanaka.

"Unoziva Zvidzai ndaneta uummmm. Kwatabva kure."

"Nxiiiiii" ndakabva ndabuda mumba imomo ndave kuenda kwaibikwa-----

End of chapter 12

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 14

### CHISUNGO

Kuchiedza chete , ndakabva ndatanga kufamba musango kutsvaga mushonga wandaيدا. Vakomana ava ndakavasiya vakagara nzvimbo imwe chete. Ndakavaraira kuti kana vangoona muvengi chete vanodeedzera nekuti ndaisava kure. Sezvineiwo andina kunonoka kuwana mushonga wandaيدا. Ndakauchera kwave kudzokera. Ndakasvikotswanyatswanya ndichisvinira pamaronda. Randasvinira ndaibva ndasunga nerwodzi/gavi.

Zuva rakasvika pakupisa. Ndini ndaitonotsvaga michero yesango ndouya ndovapa vodya. Zuva rakanyura tiri musango chete. Ave mangwana achona ndakange ndanzwa nenzara. Ndaitira varwere ava kuti vagute inini ndichifa nayo. Ndakadzimara ndati----

"Tinofanirwa kuvirirwa nezuva ranhasi tasvika kumuzinda. Ndinofunga kuti Mambo vave kutya kuti ndakauraiwa. Simukai tifambe--"

"Handei Chisango. Isu tave kunzwa zviri nani." Takabva tatanga kufamba. Zuva parakazotanga kurova nhongonya takabva tasvikawo. Ndine shanduko yandakaona mumuzinda nguva iyoyo. Pane imba yakange iri kuvakwa , asi yave kutopera. Ndakashaya kuti ijinda ripiko iri raivaka? Rainge rakagwinya zvokwadi feeee. Ndakabva ndasvika nekunanga padare paiva namambo----

"Wadzoka Chisungo. Wakafamba hako zvakanaka here?"

"Zvakanaka chaizvo mambo. Ndakarwa ndikakunda ndiko kusaka ndadzoka navo. Ko , chii chiri kuitika mumuzinda?"

"Zvakaoma iwe Chisungo. Uri jinda rangu guru saka andingakuvanzire" ndainge ndateerera vachitsananguva. Pavakapedza ndakanyemwerera. Ndini ndaiziva zvakandifadza. Inyaya yekuti Zvidzai ainyanya kuda humambo. Zvino aizoita mambo ndiani pahutatu hwavo? Inini pachangu ndakaona Chengeto atora basa. Airatidza kuti murume anoziva zvaaiita kunyange zvazvo ndaisamuziva zvaari. Pandakamuona ipapo ndakaona kuti ane njere. Ndaiita kunyemwerera ndakamutarisa achivaka imba. Nguva iyoyo ndakaona Cheneso , Runako neumwe musikana vachiuya. Ndofunga ndiye Sarudzai wachona. Nguva iyoyo ndakanzwa mambo vave kuti---

"Ko , iwe mashura akasara oitika mumuzinda iwe waenda."

"Mashura eyi?"

"Kundai akazvi----" ndakaita kuvhunduka pandakanzwa zvekuti Kundai.

"Mati Kundai kudii kwake?" Ndakabva ndabata museve wangu mumaoko angu. Asi nguva iyoyo ndakaona Runako achinyemwerera.

"Kundai akanozvisungirira zuva rawabva pano---" ndakabva ndapererwa.

"Kkkkkk muri kuita kutamba. Kundai wandinoziva inini mupenyu. Ndiani akakonzera zvese izvozvo?"

"Ndiye Zvidzai." Ndakaona mambo vachiita kudedera. Ndakasimuka kunanga kuimba yairara Zvidzai---

"Chisungo mira---" ndakacheuka kwave kuona ari Cheneso.

"Rega kunetseka. Kundai mupenyu"

"Chii chakaitika?"

"Zvidzai akatuma machinda kunosungirira kundai musango vosiya vamuuraya. Saka ivo vose vari kutoti akafa asi vari kumhepo vakarwira Kundai."

"Saka aripi?"

"Ariko kusango. Achauya mushure memazuva mashanu. Runako akazoratidza zvose kuhope. Iyewo akaedza kubatwa naZvidzai, asi akakundikana" ndakabva ndatanga kunzwa zviri nani. Ndakaenda naCheneso kunokwazisa VaMagumbo. Ndakasvika nekuchochomara pamberi pavo tobvunzana mufaro. Cheneso akavataurira zita rangu uye basa rangu nechidanho changu mumuzinda.

"Magumbo usazondiuraira mwana wangu Cheneso. Iwe ndakakuudza kutii zvausinganzwe----?" Ndakanzwa izwi raVaMandigona kudeedzera. Ivo VaMagumbo vakaramba vakanyarara havo.

"Amai munofanirwa kunzwisisa zviripo."

"Zviripo zvekudii? Munhu aimbova kupiko makore ese aya kuzoda kuuya kuzondikanganisira hugaro hwangu pano ini ndakura kudai----?"

"Ndine hurombo VaMandigona. Ini andina kuvinga murume pano ini. Ndagarira vana vangu Chengeto, Chitope naSarudzai. Murume anoita zvaanoda---" vakadaro vaine kakukakamira. Ndakabva ndatoona kuti munhu uya aigona kutaura nenzira yakanaka. Ini ndaisada kunzwa nyaya dzevanhukadzi saka ndakabva ndaenda kunoonana naChengeto neumwe wake. Ndakataura zvose zvandaive kwavari ndiine rukudzo.

"Maita basa mukoma. Ndafara kukuzivai---"

"Zvakanaka Chengeto. Ndinofanirwa kukupa ruremekedzo semwana wamambo"

"Kwete , zvekuva mwana wamambo azvina maturo. Handeika musango umbondiratidza nzvimbo ndichimirira imba iyi kuti iome. Vanhu vandibatsira wena ndatopedza."

"Hooo Chitope haadi zvinomunetsa."

"Inyope ine humbwende zvose. Handei toga. Uchamuziva hako kana tagara naye" ndakanzwa izwi ave kudeedzera Chitope.

"Watiii iwe Chengeto? Wave kuda kutsvaga dzvene zvino tinopedzerana" akacheuka akati---

"Rega zvako kufungira kuti ndinoda hondo nowe. Uri mwana waamai vangu iwe chokwadi achiputsi hukama. Uri nyope chaiyo. Kubva tichisvika pano unongogara wakarara kunge une pamuviri---" ndakabva ndamukakata ruoko tofamba kunopinda musango ndakabata museve nebakatwa rangu mumaoko. Iye aiva nezvake. Munzira imomo taitaura nyaya tichiseka. Takazosvika patakaona Zvidzai ari murwizi. Ainge akagara padombo achiratidza kufungisisa.

"Zvidzai---" akaita kuvhunduka. Nguva iyoyo akabva aridza tsamwa kwave kusimuka kunanga kumuzinda. Andina kuda kutaura naye. Takaenda padombo raainge akagara iroro. Chengeto akasvika nekugara padombo riya ini ndakamira. Ndakaona kunge paiva neturopa twandisina kunzwisisa kuti twaiva twei? Iye nguva iyoyo ndakaona ave kusimuka zvekukurumbidza. Nguva yaakada kusvetuka kunge munhu uya arumwa , akaita kutatsvedza achibva awira mumvura. Pandakada kumubata ndakaona achiita kunyura kunge pane chaimudhonzera pasi. Ndakasara ndakashama muromo ndichingoona masaisai pamusoro pemvura. Nguva iyoyo ndakaona Zvidzai adzoka----

"Ayenda kupi Chengeto?" Akadaro Zvidzai akatarisa mumvura.

"Ndapererwa andizive kuti ndodii? Ndibatsirewo nekuti awira mumvura umu---"

"Kwete hazvigoni. Ndini ndakakurira mumuzinda" ndakatoshaya kuti zvairevei? Iye akabva ango-

-----

TIGERE

Nguva yandakanzwa Cheme Cheme kuchema , ndakatoziva kune chaivhiringa chete. Ndiniwo ndakanonoka kumhanya ikoko , dai ndakakurumbidza ndaidai ndakabatira munhu panzvimbo. Zvino ndakazongowana Muchabaiwa ave kusunungura. Kureva kuti pane akanga aisungirira. Ndakainzwira hasha. Imbwa iyi yairuma zvekuti munhu iyeye ainge aibata ndakashaya kuti aiva munhu rudzii chaizvo? Ende yairatidza kuti yainge yaroa nekuti ndakaona ropa raibuda mukanwa mayo.

"Chii chaitika?"

"Hapana chandiri kuziva ini. Ndazongoonawo yakasungirirwa. Munhu wacho ndaedza kumutsvaga asi andina kumuona----"

"Hooo , mhanya kumuzinda ndiri kutevera. Muvengi ari pedyo" nguva iyoyo akamhanya. Ini ndakasara ndichitevera naCheme Cheme. Ndainzwa hasha zvisingaite. Pandakazosara ndosvika kumuzinda ndakaona machinda omhanya nesango rese. Mambo vega ndivo vakange vangosara kudare. Ndakabva ndaenda kwaibikwa. Semunhu akanga ave nenzara , ndakanogara pasi kuti ndipihwe chekudya. Ukuwo imbwa yangu yaida kudya.

Nguva diki diki kwakatanga kunaya mvura yandisina kunzwisisa.

"Tigere ungwarire mwanangu. Kunaya kwaita mvura iyi kune chirevo" vakadaro mai vangu

"Uuumm zvinogona kudaro chokwadi. Zvaitika nhasi andina kuzvinzwisisa'

"Yaa mugare makachenjera chinouraya achitaure"

"Zvakanaka amai" Ndakazosimuka ipapo ndoenda kudare kunotaura nababa vangu. Dare mumuzinda wedu raiva chinhambwe nedzimba. Imba yenhapwa chete ndiyo yaiva pedyo nekudare. Ndisati ndasvika , ndakabva ndatambirwa nemutumbi wainge wakangozvambarara pasi. Ndakacherechedza ndikaona kuti aiva Muchabaiwa ainge atofuga rake ega.

"Baba vangu Sadzi Homora. Chii chadya jinda guru ramambo?" Heya muvengi uyu aitoona zvose. Ndisati ndamboenda kure ndakabva ndaona umwe mutumbi. Uyu aiva Chawira. Machinda makuru ese amambo apa dziri mvumba pakurwa. Ndakabva ndaziva kuti apana hondo yataizokurira kana varume vafa kudaro. Ndakarwadziwa kwave kuenda padare---

Ndakatsvaga baba vangu ,asi andina kuvaona. Ndakangoti pamwe vauraiwa zvekare. Ndakabva ndaridza hwamanda. Nguva iyoyo machinda akatanga kudzoka kumuzinda zvishoma nechishoma.

"Zvadii ishe wedu?"

"Mambo avasi kuoneka. Imbotsvagai baba vangu chekutanga."

"Vatasiya vari pano manje manje. Ko , vaenda kupi nhai?"

"Andizivewo?"

"Imbotarisai kuti nhapwa dziriko here? Zvichida ndivo vasara vakarwisa mambo" ndakabva ndatanga kufamba kuenda ikoko ndisina kutaura. Zvaisaira uti varwiswe nembwende dzakadaro



vakanyarara kusvika vakurirwa. Pave chakanga chaitika chete.

Ndave kusvika ndakabva ndatarisa mumuti waiva pedyo ndikaona zvinhu zvainge zvakaremba. Pandakaongorora ndakaona zviru zvikoshwa zvehumambo zvaipfekwa nababa vangu. Ndakatanga kubuditsa misodzi ipapo. Ndakatanga kumhanya kunovhura muimba iya----

"Popotai--!"

"Popotai ahachimo muno. Ndini ndirimo"

"Baba! Magova nhapwa here munogara muno? Inga makatoshama nhai. Ko , zvafamba sei?"

"Zvakaoma mwanangu. Asi ndinokumbirawo kuti Muchabaiwa zvauraiwa kudai musamboenda henyu kunorwisa."

"Ndiani nhai?"

"Jinda ramambo Zvanyadza ranga rauya kuzorwira vana Popotai." Ndakabva ndapusa. Tainge tapusiswa nemunhu mumwe chete nhai mumuzinda. Apa ndaida kuroora kudunhu ikoko manje ndaizodiiii?

"Uumm" ndiwo mashoko andakangokwanisa kutaura chete. Neniwo chandainge ndakaitira kuti vanaPopotai waitwe nhapwa ndakazochiona-----

End of chapter 14

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 13

### CHISUNGO

Pandakange ndaregedza vana Popotai vachienda ndaiziva kuti vanonodzoka ikoko angori maoko chete. Vainge vangotadza zvavo kunditeeresa sevanhu vainge vasina matyira. Kwete kuti vanonopambwa ikoko , kuitwa varanda kwete. Zvino pandakanzwa zvekupambwa kwavo vose ndakaita kudedera nehasha. Chamboko aifanirwa kushandisa pfungwa dzake semunhu aida kuti mwana wake anova Tigere azoroore kudunhu rekvedu. Zvino kana akanga otonga nedemo kudaro zvaiita here? Ainge atotadza kushandisa njere dzake. Manje ndaida kuzviona. Paiva naTafirei mwana wemukoma waamai vangu , asi ari mudiki kwandiri. Ndizvo zvakanyanya kundipa hashu kuti ndiende ikoko kunorwisa. Asi kana vachinge vabvuma kutaurirana zvakanaka neni , ndaizodzoka ndisina wandarwisa kana kuuraya---

Ndainge ndichimhanya munzira mese. Museve nebakatwa zvaiva mumaoko. Zvimwe zvaiva munhava yandaifamba nayo. Ndaida kuti ndikabata machinda iwayo totaurirana kuti ndizive zviri mberi. Nguva diki diki ndakasangana neimwe chembere. Ndakabva ndamira ndakaitarisa uku ndichinzwa tsitsi.

"Makadii ambuya?"

"Ndinofara mwanangu wakadii? Haikona hako kunetseka nezvangu iwe enda urwise nguva isati yapera chete-----." ndakanzwa mashoko acho hana yangu kwave kudzikama. Ndakabva ndaziva kuti vainge vatoona chifambirwa changu. Ndaida kutovabatsira nekuti vairatidza kutambura , apa vari pakati pesango pasina kana anonunura. Ndakawedzera kumhanya. Ndati fambei

fambei zvishoma ndakabva ndatanga kunzwa mazwi kutaura. Ndakaziva kuti ndainge ndave kubata vakomana ava. Ndafamba zvekare ndakabva ndaona vakamira. Semunhu aisatya andina kana kudududza , asi vese vainge vabata miseve mumaoko---

"Andina kufambira hondo. Sei muri kuratidza kuda kundirwisa?" Ndakadaro ndasvika. Ndakabva ndatura mafemo ndakavatarisa varume ava-----

"Ndiwe ani?"

"Ini ndinonzi Chisungu. Jinda guru ramambo Zvanyadza. Ndaita rombo rakaipa kuti ndapotsana nemi zvamauya kumuzinda"

"Hooo , kwaitikei zvekare"

"Hapana , handei hedu nekuti ndatumwawo kudunhu rekwenyu. Tadiiko kufamba tiri musango kuitira mhuka dzine nyama inonaka. Yatamutsa chete toti nayoooo" vakaramba vakanditarisa. Ndakashaya kuti chii? Ini ndainge ndataura navo nenzira yakanaka mufunge.

"Unoenda kunodii?"

"Kunotaura namambo wenyu. Ndinoda vakomana vavakapamba chete. Handei tione vakomana."

"Mambo wedu ahana mutemo iwoyo. Vanhu vaapamba avadude muhuranda."

"Ndiko kusaka ndati handei ndinonotarisa naye ini ndoga. Ko , imi chii chamunorambira?" Vakabva vaseka. Mashoko akataurwa neumwe wacho akabva andiratidza kuti ainge oda kundiuraya.

"Unofarisa nhai. Unotiona setakapusa kwazvo. Ende une hushingu hwacho hwakaona. Ndoda kukugadzirisa-----"

"Ummmm varume mapindwa nei?" Ndipo pandakaona kuti ndaifanirwa kurwisa. Vese vari vaviri vange vabata miseve mumaoko. Dai ndakada kutiza ndaiuraiwa. Dai ndakada kurwisa zvedzungu chete ndaifawo nemunhu mumwe chete umwe wacho aizondiuraya ari iye.

Ndakabva ndasvetukira pahuro peumwe wacho uyu umwe wacho ndichimupa bhutsu neche pashaya achiwira pasi. Imwe pfungwa yakati uraya vese. Imwe ikati kwete usauraya. Asi chinonzi hondo chii kana ndarega kuuraya? Ndakabva ndaubata museve ndichiregedzera vose vari vaviri. Ndichipedza kuvauraya kwakaita zimhepo rakavhuvhuta zvine simba. Ndakaenderera mberi nerwendo kusvika ndasvika mumusha waVaChamboko. Ndakaona mhandara yaichera mvura parwizi. Ainge ave kudendera akanditarisa.

"Haikona kutya. Ndinoda kukubvunza chete"

"Bvunzai zvenyu"

"Varume vakarumwa nembwa vaka---"

"Ndine hurombo mukoma. Zvevarume andina zvandinoziva. Dai mapinda mumuzinda mazvinzwira. Mambo wedu anotirambidza kuziva zvevarume. Naiwovo avazive zvedu" Akaita kundigurira panzira ndisati ndapedza kutaura.

"Hooo , zvakanaka zimhandara" ndakabva ndatanga kufamba kupinda mumuzinda. Uku zuva rainge ratonyura kunze rwave kusviba. Nguva iyoyo ndakanzwa imbwa kuhukura. Hoo , saka muzinda uyu waitochengetwa nembwa nhai. Ndakabva ndamira ndikaona ichiita kuuya ichichemerera. Andina kuikarira nekuti zita rayo ndaisaziva. Payakasvetuka kuda kundibata ndakasimudza bhutsu. Ndakairova ichiwira pasi. Ndakabva ndangoona gasho raiva pedyo kwave kuibata , ndiye weti tsaa tsaa kuratidza kutya. Ndainge ndisina kudzungaira zvekurumwa nembwa saana Popotai vakapusa sechombo chemunhurume---

"Cheme, cheme , cheme..!" Ndakabva ndanzwa izwi raitaura munhu achiuya. Iyo yainge yatoti ziiii ndichiisungirira pamuti. Yakazosara yohukura ini ndabereka tsoka kare kare kuenda. Ndakatoora kuti raiva gwara saZvidzai chairo. Yaidii kuchema panguva yandakaibata. Chainge chavhuvhutira mhengo iya vaichiona chete mumuzinda.

Ndakamhanya zvisina mukare akamboona. Uku ndaiswedera mumuzinda ndiri nerimwe divi. Ndakabva ndakwira muzimuti rainge rakasvibira kuti ndooo. Zvose zvaitika mumuzinda ndaizviona pamwe nekunzwa. Nguva nguva ndakanzwa izwi rakati----

"Muchabaiwa nditaurire kuti imbwa yachema kudaro chii? Avasi vanhu vaZvanyadza here vave kuda kupinda nemwenje mudziva?"

"Andizive mambo. Asi Cheme cheme tawana yasungirirwa pamuti"

"Azviita ari pedyo. Mutsvagei muuraye." Ndakanyemwerera. Ndainyatsoona divi rine pwere dzaitamba nemwedzi muchena. Divi raiva nemoto waibikiswa mumuzinda. Kozoti divi raiva naiye mambo kudare rake. Ndakabva ndauregedzera museve. Jinda iroro rakabva rawira pasi. Muchabaiwa ende zita rake raidura hondo chete chete.

"Muchabaiwa arohwa nemuseve mambo"

"Museve? Ndiwo mashura. Wakandwa nani?"

"Amheno" nguva iyoyo ndakaukanda umwe museve zvekare. Ndakarova rimwe jinda richiwira pasi.

"Mose mhanyai kwamaona Cheme yakasungirirwa. Mhanyai sango rese murwise." Ndainge ndapedza apa kuuraya. Ndakaona vanhu mwanda mwanda kupinda musango. Pwere dzakamhanyira mudzimba. Ndakabva ndadzika kwave kupinda mumuzinda zvisvishoma nezvisvishoma.

"Ndiwe ani iwe?" Akadaro mambo wacho akagara padare. Mutemo waiti chero kukaita hondo sei? Padare apasvikwe kuuraya mambo nekuti inzvimbo yavo. Saka aisatya----

"Ssshhhhiiii , andisi kuda ruzha. Ndinogona kuuraya munhu wese. Ikozvino ndiratidzei kunana Popotai ndauya kuzovatora----"

"Rega kundiuraya chikomana. Huya hako uvaone. Usandiuraye" akadaro achidedera mambo. Nguva diki diki ndakanopinda muimba yacho. Ndakarwadziwa kuona vana Tafirei vakagara imom vasina kana mhapa neshashiko zvadzo. Vaingova zviberekerewee zvombo zvichitamba huyawarara zviri pamhene

"Chisungo wauyaanaa"

"Ndauya kukurwirai Popotai. Muri kunzwasei?"

"Mambo uyu ane hutsinye"

"Manje ndinoda kuzvipedza. Musamboti bufu henyu. Kana machinda enyu adzoka muzvinyarare nekuti ndikadzoka pano ndouraya mhuri yenyu yose." Ndakasiya ndavabvisawo nhumbi dzehumambo kwave kuvavharira gonhi nhumbi ndikasiya ndaturika mumuti----

Nguva iyoyo kwakatanga kunaya mvura yandisina kunzwisisa kwayakabva. Ndainge ndaita mashura mumuzinda waishe Chamboko-----

"Itoshingai kumhanya. Tinozorora kana tave pedyo kusvika" ndakadaro kuvakomana

"Ini ndiri kurwadziwa----"

"Nyarara dahwa remunhu. Unoda kuti titeverwe here iwe Tafirei? Mose mune manyemwe

zvakakuwanai"

"Chirega kudaro Chisungo-----" haaaa vakamboshinga. Ndakasvika pakuona ndega kuti apasisina achatevera akandibata. Ndakati vakomana vanditevere. Ndakatsauka kwave kutsvaga nzvimbo yekugara nevakomana ava musango imomo. Kana iri nzara yaitombotirova zvayo kusvika tasvika chete kudunhu rekwedu. Apa tainge tafamba chaizvo tave kuda kutonopinda kwedu.

Kugara kwandakaita pasi hope dzakabva dzabata. Ndaida kuti kuchene ndozotsvaga mushonga wevakomana ava wairapa parumwa nembwa. Kumuzinda wekwedu taizosimudzira kuenda kana vachinge vave kugona kufamba zvakanaka-----

## KUNDAI

Kusvika kwakaita Tsitsi akabva arara pedyo nepandaive. Ndakazviona zvose , asi andina kuda kumudana sezvo airatidza kuneta. Aiita kunge munhu uya aswera musango zvake achinditsvaga.

Nguva yaakazomuka ndakanzwa ega ave kundidana. Ini ndaitoda kurara ndakadaro sezvo murume wendeivu chena uya akange aramba kundisunungura. Tsi akandisunungura ndokutsvaga pakanaka pekugara. Sadza raakandipa raiita kunaka. Ndakanzwa kuguta zvisingaite ndokubva ndatorara hope---

Ndakazoita kupepuka asi mwedzi wainge waenda kureva kuti kwakange koda kuzoedza.



Ndakaona Tsitsi akarara pachipfuva changu. Ndakabva ndangomumbundira nguva iyoyo ndikatanga kunzwa izwi raitaura-----

"KUNDAI KUMUZINDA KWAVE NENYAYA INODA KUPEDZWA NEWE. UNOFANIRA KUBATSIRA ZVIDZAI KANA AVE KUKURIRWA-----" Ndakanyatsoti kunun'unu kufunga. Inini kubatsira Zvidzai manje. Murandawo zvake. Kuti ndiri chii kwaari? Ko nyaya yakazonga yasara ikaitika kumuzinda yaiva nyaya yei? Ndakatarisa Tsitsi ndikaona akazvirarira hake. Andina kudavira ndakanzwa radzokorora zvekare-----

"UYU NDIYE MUBATSIRI WAKO WANDAKUSARUDZIRA KWEHUPENYU HWAKO-----" Nguva iyoyo murume uya akabva abudikira. Asi apa aiita kufamba achienda achidarika nepatainge tiri naTsitsi. Aita kunyemwerera achibhaibhisa. Andina kutaura nekuti ndaisada kuti Tsitsi anzwe mashoko angu. Akabva asepuka-----

"Kundai unoziva baba vako here?"

"Tsitsi zvauya sei izvozvo? Usade kundirwadzisa so."

"Ndine hurombo. Kungoti chete amheni kuti ndiri kufungei nekuda kwemunhu wandaona achisvika pano?"

"Asvika pano nguvai?"

"Kuhope dzangu. Iyo nguva yandabva ndapepuka ndipo pandarota hope dzacho."

"Hoo , zvakanaka" kwakazoedza tave kutofamba musango imomo kutsvaga pakanaka pandaizogara mazuva mashanu andainge ndaudzwa.

"Saka kumba uchadzokera riini Tsitsi?"

"Mushure memazuva mashanu kana adarika"

"Uuummm unenge uri pai nhai?"

"Muno newe. Chii chakaipa nhai Kundai?"

"Unofa nenzara."

"Zvirwere nematambudziko azviuraye. Chinouraya inguva."

"Hoooo , kubva tinogara hedu. Asi baba naamai vako ndonzwa kuvatya"

"Haikona kutya"

"Zvakanaka Tsitsi"

"Chokwadi-----"

End of chapter 13

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

CHAPTER 15

ZVIDZAI

Ndakabva ndabuda mumba imomo ndave kuenda kwaibikwa. Ndakasvika nekubata Cheneso ndikatanga kumudhonzera kwandiri. Ndakaona achitevera asina kana kutya. Ndave pangu ndega naye ndakabva ndamira.---

"Zvidzai ziva kuti uri mucheche kwandiri. Zvekuti uri munhurume andina basa nazvo kana uchitadza kufunga ndinokukanganwa---" akadaro Cheneso akanditarisa.

"Kutadza kufunga pakuti kudii?"

"Iyoyo nyaya yekuda kuroora Runako. Panopera mazuva mashanu ndipo pauchaona kuti Runako ane zvaari."

"Sei wataura zvemazuva mashanu? Wakazviwana kupi nhai Cheneso? Saka ndinofanirwa kuroora ani?" Ndakadaro ndakatarisa kamhandara Sarudzai. Asi , moyo wangu wakarambisisa.

"Andiziviwo , asi zvaRunako kanganwa hako"

"Saka ndicharwisa pana Tsitsi. Kana iri hondo ngaiuye----" ndakabva ndabata museve wangu zvakanaka ndichibuda mumuzinda. Andizive kuti ndainge ndave kunzwa sei? Pandaida kubata Runako pakaitika mashiripiti andisina kana kunzwisisa. Tsitsi andinawo kumuona zvakanaka maitiro aange ave kuita. Ndakapinda munzira kunanga kumba kwaana Tsitsi. Ava vaigara kwekupedzisira vari mudunhu raMambo Chinhengo. Tainge takangoganhurana pari pedyo.

Munzira mese andina kana kusangana nemunhu. Chero svikiro andina kuriona. Nguva yandakasvika pachivanze ndakanzwa imbwa kuhukura. Ndakangofunga vana Popotai ndichibva ndamira ipapo.

"Heezvoooo , ko ndiwe zvako Zvidzai? Ahutauri sei? Ndatoshaya kuti chii chahukurwa nembwa?" Vakadaro baba vaTsitsi vachibuda muimba yavo yekubikira.

"Ndini zvangu. Sei muchitadza kubuda panze nekukurumbidza? Munoda kuti inini nditodaizira kuti gogoi nepano?" ndakadaro ndichinzwa hashu.

"Mutemo ka kana uchisvika pamusha usi wako"

"Ini ndiri mwana wamambo ini. Zvisinei ndauya kuzoona Tsitsi. Ari kupi mwana wenyu?"

"Tsitsi haapo pano. Kubva zvaakabva zuva radarika iro ari mangwanani haana kudzoka."

"Zuva radarika? Kureva kuti haana kudzoka akarara pamba?"

"Hongu. Ko , Kundai ariko here?"

"Kundai haako akafa."

"Hoooo saka kana Kundai akafa zvaita zvakanaka. Anouya Tsitsi ndomuunza kwauri. Parizvino haapo chokwadi---" ndakabva ndatura mafemo. Hapana chandaironga chaibudirira. Ndakatendeuka kudzokera zvekare kumuzinda. Pandaifamba musango ndaisangana nezvakawanda zvakasiyana siyana. Ndakazoitawo rombo rakanaka kwave kubata mhembwe yangu. Ndakasvika kumusha ndakaremerwa. Amai vakaridza mhururu---

"Maita Moyo ndiko kunonzi kugona uku."

"Zvakanaka amai. Kana kumusha kwenyu amhuchaendi pakadai" vakabva vaseka zvavo.

"Kana ndikada kuenda ndinorambidzwa nani? Chete ndatoona kuti andingajaidze chemberi iyi kuisiira murume. Tichagara pano kusvika abaiwa abuda." Ndakaona kuti amai vaininge vwanza mashoko. Ndakatanga kufamba kunopinda muimba yangu yekurara. Kunze kwainge kwave kuita rima. Ndakasvika nekurara panzvimo yangu. Chitope handina kutaura naye.

Husiku hwese zvahwo takapirana makotsi. Chengeto andina kumuona zuva iri. Haana kana kurara mumba. Ndakazoti ave mangwana kwachena ndakamuona akagara paibvira moto achiratidza kuti ane zvaaiita. Ndakaendapo ndikawana achibvura tsuro----

"Chengeto warara kupi?"

"Mangwanani Zvidzai munin'ina wangu. Ndarara musango ini"

"Musango? Uchiitei?"

"Ndakaona sekunge unogumbuka Zvidzai. Andidi kuti undivenge saka ndakasarudza hangu kurara musango umu ndichitenderera hangu. Ndiko kwandatobata tsuro nhatu idzi dzandiri kugadzira---"

"Hooo , chinzwaka iwe Chengeto. Ndipe hedzo dzose kuno. Akuudza kuti unongoita zvaunoda nadzo chero uriwe wadzibata ndiani? Ndoda kunopa amai vangu vadye----"

"Zvidzai uno-----" nguva iyoyo asati apedza kutaura zvaaida , ndakanzwa izwi raVaMagumbo kudeedzera.

"Chengeto ndiii---nokumbira ku---ti unyara-aaaare mwanangu-----" akavatarisa ndokubva atonyarara ave kufamba kuenda kuimba yake yaaivaka. Ndakanopa amai vangu tsuro dziya. Ini ndakabva ndapinda musango. Nguva iyoyo ndati dzikei zvishoma ndine chembere yandakaona yakarara padivi penzira. Murume iyeye airatidza kuchembera. Ndakada kumubata kuti tinzwe dambudziko rake. Akabva anyangarika. Ndakaoma mate mukanwa. Nguva yandakada kutizira kumuzinda , ndakaona amira mberi kwangu aine ndebvu dzachena kuti mbuuu.

"Ndiwe ani?" Akangofinyama kwave kunditarisa

"Ndakakuudza kuti unobvunza baba vako. Wakabvunza here?" Ndakabva ndarohwa nehana. Akabva anyangarika zvekare. Ndakasara ndave kufunga zvimwe zvandingaite.

Kuna sekuru vainzi VaKanhongo. Yaiva n'anga yairura mudunhu medu imomo. Ndiko kwandakabva ndananga mangwanani iwayo. Kwaisava kure zvekuti nguva diki diki ndainge ndasvika.

"Tisvikewo pano asekuru."

"Svika zvako muzukuru waasekuru. Moyo wako une kunyunyuta kwakanyanya nhai--?"

"Mazvionawoka asekuru. Ndauya kuzobatsirwa nemi kunyanya panyaya yemhandu idzi dzakauya mumusha mangu. Kana zvichibvira ngavafe vose sekuru. Andingatorerwi humambo nemunhu akauya akura ini. Uyezve ndini gotwe ramambo" vakamborova hakata dzavo ndokuzobva voseka vakanditarisa zvikanzi----

"Uri mbwende yemurume. Ndaona chero mwanasikana wababa vako ari kukutonga. Asi rega kutya nekuti sekuru Kanhongo vanogona zvose. Tambira mushonga wandave kukupa uyu muzukuru----."

"Zvakanakai asekuru."

"Chinzwa unzwe zvaunoshanda uchiita. Ndichakucheka nebakatwa rangu iri panhengo dzakavanzika. Ropa rauchabuda apana anofanirwa kuriona. Mushonga uyu unonokanda mudziva. Zvino iwewe unofanirwa kugara padziva ipapo kusvika iwo mushonga uyu wadzoka nemhinduro yako kubva kune vari pasi pemvura zvose nevari kumhepo. Kana wadzoka chete iwewe uchadaidzwa pasi pemvura kunotori hukuru hwekutonga madzikoma ako wazvinzwa here-----?"

"Ndazvinzwa asekuru. Ndinonzwa kufara----"

"Chero mhinduro ikanonoka kubuda mumvura , gara ipapo chero kunze kukavira. Chero pakauya vanhu padziva ipapo , iwewe usakakavadzana navo kana kusimuka. Ziva zvawakagarira----" haa ndakatenda ndichibva ndasimuka kwave kutanga kufamba kuenda. Andina kuzomboenda kumuzinda , asi ndakananga kudziva kwandaida kunoitira zvandakaudzwa naasekuru.

Ndakagara ipapo kusvika ndaneta. Andina kukurumbidza kuramwa. Nguva yandakazonzwa vanhu kutaura ndakashaya kuti ndivanaani?

"Hevo Zvidzai" ndakaona ari Chisungu pamwe chete naChengeto.

"Nxiii" ndakangoridza zitsamwa kwave kutosimuka. Munoziva pane dzimwe hashu dzinokutadzisa kana kufunga zvakanaka. Zvese zvakabuda mandiri ndikatanga kufamba kuenda kumuzinda. Nguva iyoyo. Nguva iyoyo ndakaona murume uyaa wendebevu chena.

"Kkkk watiza hukuru hwave pedyo kuuya." Akadaro ndokutanga kuseka akanditarisa

"Matiiiiii?"

"Wanzwa zvandareva. Une bapu rinenge retsvina wanzwa here?"

"Uummmm" nguva iyoyo ndakabereka tsoka ndakananga kudziva kuya. Ndainge ndarangerira



kutaura kwen'anga kwese. Ndakasvika Chengeto ave kunzi anyura mumvura. Ndakatanga kuchema----

"Zvidzai wave kuchemei? Unoziva here kuti mutemo unoti kudii kana munhu anyura mumvura---?"

"Andisi kuita zvemutemo pano ini. Ndinoziva zvandanga ndakagarira pano ndini--" nduva iyoyo ndakashamisika kuona---- ndichibva ndatanga kuto-----

KUNDAI

"Tsitsi , iwe Tsitsi muka ndikutaurire mashoko andinoda kukuudza."

"Kundai watii? Ndiri kukunzwa taura tinzwe--"

"Unofanirwa kuchindisiya ndiri ndega muno musango umboenda kumba. Unozodzoka kana wave nezvekudya" akaramba akanditarisa kunge aida kupikisa.

"Kundai uri kuziva here kuti zvandakauya kuno ndakaita kunzvenga? Saka ndinokuvimbisa kuti ndikaenda chete andidzoke. Baba vangu vanonondibata zvekuti andiwani mukana wekuuya zvekare."

"Saka uri kuti kudii Tsitsi?"

"Kana uine kwaunoda kuenda , enda zvako ndinosara pano. Unongodzoka uchindiwana ndiri pano." Ndakanyatsoona kuti andina zvandaikwanisa kumuita. Ndakabva ndasimuka kwave kubata museve waainge akandiigira nebakatwa racho. Ndakatanga kufamba nesango riya. Ndaiita kunzwa simba richindiwandira ipapo.

Ndakati ndasvika pakati nepakati pegomo. Ndakaona chembere yainge yakagara padombo.

"Ndiani?"

"Tiri vakuru vemuno haungatizive. Asi imimi munoremekedzwa. Fambai zvenyu makadaiso vakuru"

"Zvakanaka" ndakashaya kuti sei yakadaro chembere iyi. Inini nhapwawo zvayo mumuzinda wamambo Zvanyadza. Ndainge ndakangokurira muhuramba , asi apa ndainge ndoona mashura chaiwo. Ndafamba ndakabva ndasvika paiva nezibako rainge rakakurisa. Ndakaita mhanza yekusvikapo kuine zuva. Asiwo maingova nerima. Ini ndakarohwa nehana ndaona maita kuchena. Mwenje wachona andina kana kuona kwawainge wabva nako. Ndakangonzwa ndichinzi pinda imomo. Ndakazviudza kuti kwete , kubva chibarirwo changu ndaingorarama hupenyu hwehunhapwa. Ninga nemakomo taiziva kuti zviriko uye ndezve madzimambo. Saka ndakabva ndatanga kudududza. Nguva iyoyo ndakaona murume uya anyuka---

"Zvekare---!"

"Hongu , ndaona kuti uri kutya"

"Mazviona muri kupi? Asi ndimi mandiita kuti ndiuye kuno here?"

"Hongu ndini."

"Zvairi nzvimbo yemadzimambo. Ko , inini ndinokwana papi nhai?"

"Rangarira hope dzako dzezuya rekutanga uri padziva uchivedza hove. Mashoko iwayo mabatisise uye umachengetedze." Ndakatanga kufunga kuti mashoko api. Ndipo pandakarangarira ndichiudzwa zvekuzova mambo. Ndakabva ndati----

"Imi ndimi ani?"

"Pachiri pedyo kuti undizive. Asi uchazondiziva zvako"

"Zvakanaka" ndakabva ndapinda muzibako muyaa. Ndaifamba imomo ndichiona zvose zvaivemo. Ndakazosvika pandakaona chiumbwa chemhuka. Mhuka yacho yainge yakaruma chinhu pamuromo wayo. Asiwo pane mazita akanga akanyorwa ipapo. RUNAKO NA KUNDAI. Hana yangu yakatanga kurova. Zvairevei mazita edu kuwanikwa munzvimbo inoyera? Ndakabva ndachipunza chichipwanyika kuita marara.

Ndakafamba zvekare kwakuona hari raiita seine ropa. Hana yangu yakarova zvekare. Maibuda hutsi muhari iyoyo. Parutivi payo paiva nemapfupa airatidza kuva emunhu. Ndakasimudza hari iyoyo kwave kupwanyira pasi ropa rikadeuka rose----

Ndakabva ndatofamba kubuda imomo.

"Waita basa rakanaka Kundai. Asi wasiya chinhu chimwe chete"

"Chii zvekare?"

"Dzokera utore pfumo riri pane mapfupa awaona nemiseve yose uyende nazvo."

"Zvakanaka"

"Ndaenda ini" ndakadzokera kwave kunotora. Ndapedza ndakabva ndabuda kudzokera kwaiva naTsitsi. Asi ndine kuchema kweizwi rechirume kwandakanzwa ndiri muninga imomo. Ndakashaya kuti aiva ani chaiye uye ainge ochemei kuita kuti YOWEEEE  
WANDIURAYAAAAAAAAAAAAAAAAA-----?

End of chapter 15

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 16

ZVIDZAI

Ndakambofunga kuzvikandira mudziva imomo mainge maenda Chengeto , asi ndakazokurumbidza kufunga hupenyu hwemangwana. Ndainge ndave kungodemba ndakamira , uku misodzi ichibuda. Chisungo zvose zvaaitaura apana chandaiteerera. Zvaipinda neimwe nzeve zvichibuda neimwe yacho. Ndakatanga kunzwa pandainge ndachekwa nebakatwa pave kurwadza zvisina mukare akamboona. Ndakashaya kuti ndodii sezvo Chisungo aivepo? Ndakaenda padombo randainge ndasimuka ndikaona paine ropa. Ndakarangerira mashoko en'anga ekuti ropa rangu raisafanirwa kuonekwa nevanhu. Ndakasimudza chiso changu kwave kutarisana naChisungo. Ndainzwa kunyara andizive kuti sei----?

"Ropa iroro rabva kupi? Ndiro ratanga kuonekwa naChengeto asati awira mumvura----" veduwee , ndakanzwa hana kurova. Saka zvaireva here kuti Chengeto ndiye ainge azoenda kunotora hukuru pasi memvura? Ndakaita sekunge ndichazvisungirira hangu ndikafa.

"Andina chandinoziva ini. Uri ndiine pandakakuvara here kana mhuka zvayo yandavhima nhai?" ndakadaro ndisina hanya.

"Zvidzaii---" akadaro ini ndave kutofamba kuenda. Ndave kukwira mukwidza/makata kubuda mudziva iri ndakanzwa kuti chubvuuu! Ndakabva ndamira kwave kucheuka. Ndakaona Chengeto achibuda mumvura. Ndakabva ndafamba kudzoka kumashure----

"Chengeto wadzoka. Ndange ndave kutodemba kuti ndaitei?"

"Ndadzoka Chisungo , asi kwandiri kubva uku kwandityisa. Tinofanirwa kuenda kunoona mambo ikozvino. Handei , newe Zvidzai handei kumuzinda--" mufunge akatotaura achiratidza kuti munhu uya asina basa nezvakawanda. Munhu uya asina kana makaro ekuda kutonga vanhu. Chokwadi mugoti unopihwa anyerere. Ndakatanga kubuditsa misodzi ndakavatarisa vose naChisungo.

"Zvidzai handei kumuzinda. Baba vakatimirira ikozvino."

"Kwete , imi mauya moga mukandiwana ndiri kuno. Dzokerai moga ini ndichatevera."

"Zvidzai hari yehumambo yaputswa. Ropa radeuka mambo vari kutida kumuzinda. Zvasanganawo nezvaitika kuno kudziva. Ukazowana mambo vaoma unoitasei?"

"Ndati endai moga ini ndichatevera----" ndakabva ndasara. Ndaida kumbogara padziva , asi ndakaona kuti zvakanga zvisisabatsire. Ndakabva ndapinda munzira kuenda kuna sekuru. Ndisati ndasvika ndakasangana nesvikiro rakamira pamharadzano yandainge ndave kuda kuzosvika pairi nguva yacho.

"Vakuru vangu mati zvadini zvekare?"

"Zvidzai kune hondo mberi kwako. Wakambozviona kupi iwewe kuti humambo hunoita kufambirwa? Kana iye mambo ave kuda kusiya anosarudza ega mwanakomana waanoda kuti azotonga---

"Aaaaah , saka ndinofanirwa kudii?"

"Andizive , enda kumuzinda ikozvino nekuti baba vako vari kukuda---" rakabva ratanga kuenda. Svikiro rakanga risina nyaya nemunhu bodo. Ndakati dhuuu kufunga. Ndaifanirwa kudii apa? Ndakaona kusiya zvekuenda kumuzinda zvichiita. Ndakabva ndabereka tsoka kuenda kwasekuru Kanhongo. Ndakasvikawo ikoko masango ari matema.

"Ibva zvako pano muzukuru. Uri mbwende yemunhu. Waputsa mhiko dzangu dzose hapana kana yawakwanisa kutevedzera."

"Munorevei sekuru?"

"Watova muduku pazvose nekuda kwekusagona kuchengeta tsananguro. Enda kumuzinda nokuti baba vako vakakumirira ikozvino." Ndakabva ndapererwa. Sei zvaingonzi baba vangu vainge vakandimirira? Kwainge kwaitika chii nhai? Misodzi kuita kutsvotsvomedzana pamatama angu ndave kufamba kuenda kumuzinda. Nguva dzandakasvika ndakaona padare pagere Chengeto , Chisungu pamwe naChitope. Chigaro chababa vangu chakanga chisina munhu. Ndakabva ndasvika nekugara ipapo ndakavatarisa vose panhongonya dzavo..

"Yoweeeeee-----" ndakaridza mhere ndichikwakukira kure kure. Ndakanzwa kuti ndainge ndarohwa , asi akandirova wachona andina kana kumuona. Pandakada kudzokera pachigaro , ndakaona pagara murume uyaa wendeivu chena wandaisaziva ainge ari wechikuru. Ndakabva ndadududza kwave kunogara pedyo naChengeto----

"Zvidzai chii chiri kuitika pauri?"

"Baba vari kupi?" Ndakadaro ndisingadairi zvabvunzwa.

"Baba vari kuimba yavo yekurara. Ndivo vatakamirira pano tose."

"Hoooo." Ndakabva ndasimuka kuenda kuimba yairara baba vangu. Ipapo ndakafunga mashoko aChengeto ekuti hari yehumambo yaputswa. Ropa radeuka. Kutanga riini mambo kushaikwa padare ravo nguva dzakadaro nhai? Ndakabva ndasangana naChenai achisvimha misodzi--

"Chenai uri kuchemei?"

"Baba vofa Zvidzai. Nguva yese iyi uchitsvagwa , asi ahuna kuwanikwa zvako. Wanga uri kupi Zvidzai?"

"Kufa nei?" Ndakadaro ndichinzwa kurova.

"Apana anoziva."

"Saka apa iwe uri kuenda kupi?"

"Kunodana vana Chisungo vauye vavatakure. Unozviziva wani kuti mutemo unoti mambo kana arwara anoendwa naye kusango kunopepwa ari ikoko. Kana kuti kuninga andizive zvangu."

"Hoooo , kubva zvakanaka. Zvese izvi zvakonzwerwa naVaMagumbo chete. Mukadzi uyu anoroya zvake." Ndakabva ndaenda kunopinda muimba yaiva nababa vangu. Ndakasvika ndikavaona vakarara nedumbu vari parupasa. Vaiita kugomera semunhu ari kuda kupona. Nguva iyoyo ndakavabata ndikanzwa muviri wavo uchiita kupisa kuti tuuu.

"Baba----"



"Zvidzai ndinoda kuti mudiendese kudare. Ndine mashoko andinoda kutaura muripo mose vanakomana vangu."

"Zvakanakai baba." Apana kutora nguva refu , Chisungu akapinda nevamwe vake ndokutakura mambo. Amai vangu vaiita kudetemba nezita raVaMagumbo. Ndiye muroi akanga oda kudya baba vangu rakacheka nyika chokwadi. Takati tasvika padare , ndakanzwa baba vave kuti-----

## CHENGETO

Kukura kwangu kwese ndainge ndakakura ndichirarama hupenyu hwekushingirira chaiho. Takanga tisina chinonzi chedu pakurarama. Kana musha chaiwo taiva tisina. Ndizvo zvaititadzisawo kuroorawo zvakanaka kuti tiite mhuri dzedu. Kutofunga kuti ndikaroora veduwe ndaizodii nayo mhuri yacho? Kufamba kwenguva ndakapedzisira ndazoshinga neye kuti tiende kwedu kumusha. Amai vange varamba nguva refu , asi ndakaita nharo kunge dzemweya wetsvina chaidzo. Vakadzimara vabvuma zvavo ndokuenda. Takaita mazuva maviri tiri munzira. Taimbozorora sezvo amai vaiva nenyama dzakura.

Kusvika kwatakaita mumusha wacho ndkatoona kuti zvakaoma. Kubva kunhamo kuuya kuzozviisa mune imwe nhamo. Ndakangoti vadzimu tiringei nekuti tega atina zvataigona kuita. Munhu wandakaona aiva nerudo ndiCheneso. Vamwewo kana vaiva nerudo ini ndakanga ndisati ndazviona hangu. Ndakaita basa rangu nechido kuti amai varege kugara muimba isiri yavo. Kuzouya kwakaita Chisungu ndakanzwa kufara. Aiva munhu uya ane moyo wakanaka. Akabva atoti timbofambafamba nesango kumboona nzvimbo-----

Pandakaona ropa padombo chete , andizive zvandakatanga kunzwa mumuviri mangu. Nguva iyoyo ndakaerekana ndawira mumvura. Ndakange ndave kuona zvakasiyana siyana ipapo. Kutididure zvole ndainzwa kuti ndaisakwanisa. Munhu mumwe chete wandaida kutaurira ndivo

baba vangu. Asiwo ndakabva pasi pemvura ndakapfumbata chinhu mumaoko. Nguva yandaitaura naZvidzai andina kunge ndatambanudza maoko angu. Ndakazoatambanudza ndave naChisungo tichienda kumuzinda-----

"Uuummm chuma??" Ndakadaro ndakachitarisa

"Nditaurire kuti zvafamba sei Chengeto?"

"Ndachipihwa nguva yandanyura mumvura. Ndapihwa sehukuru mumuzinda. Andizive kuti zvingarevei?"

"Pfeka iwe zvino unoregererei?"

"Kwete , ndinopfeka kana mambo vareva voga"

"Zvakanaka Chengeto. Unoratidza kuva murume akarongeka hako. Zvidzai imbwende chaiyo." takaenda kumuzinda hana yangu ichirova. Kufamba nevadzimu chaiko kwandakaita ipapo. Kusvika kudunhu rangu nekuitika mashura akadaro here chokwadi? Zvino ndakaona naZvidzai tatadza kuwirirana zvachose. Aiitei padziva nguva yatakasvika naChisungo? Ndiye wandaitonzwira tsitsi chete. Zvino takasvika mumuzinda kwave kunanga padare. Atina kuona mambo , saka takangonogara ipapo. Ndakaona Chitope auyawo ndokusvikogara.

"Chitope asi unoda kuona mambo?"

"Hongu. Ko , imi makagarirei pano. Munoda dzvene moga kuti muzonzi tongai anditi. Zvino ndinoda kuzvinzwawo"

"Kwete , apana ambonzi ngaabve pano kani. Gara zvako." Takazotanga kutaura zvimwe takamirira mambo. Zvidzai akauyawo achiita mashiripiti ake. Akazosimuka oyenda kuimba yababa. Nguva diki diki takaona Chenai ouya kuzotidaidza.

"Nhai iwe Chenai zvafamba seiko?" Akadaro Chisungo

"Uuummm mambo vangochema vari panze apo ndokudonhera pasi. Saka kuti tizive zvaitika kwavari atisi kuziva" takangosimuka toenda kuimba yavo yekurara. Nguva yatakasvika pamusiwo , ndakarwadziwa kunzwa amai vaZvidzai vachituka amai vangu huroi. Ndakademba chokwadi. Ndakabatsirana naChisungo kutakura mambo kuenda navo kudare. Takasvika ndokuvazendamidza pachigaro chavo. Mudzimai wavo VaMandigona vaiva amai vaZvidzai , vaingochema vakavabata kuti varegere kudonhera pasi.

"Mambo munoita zvakanaka." Ndini ndakadaro. VaMandigona vakabva vanditarisa neziso raireva zvakanwanda----

"Ndinotenda mwanangu. Asi ndinoda kukutaurirai mashoko angu mose muchinzwa. ININI KANA NDIKANZI NDAFA NHASI UNO. ANOTONGA DUNHU RINO NDICHENGETO. CHERO PANDIRI KURWARA KUDAI IZVI NDIYE ANOSARA OBATA CHIGARO CHANGU KUSVIKA NDADZOKA MUNDIMA. Ndapedza ipapo. Musare zvakanaka. Iwe Zvidzai usarwise madzikoma ako unofira mahara. Ahukodzeri kuva-----" nguva iyoyo vaMandigona vakaviruka nehasha.

"Ende mazondigona chaiko rweno rwuno. Nhasi mopazve humambo kumwana waVaMagumbo iye muroi uyu. Kuuya kwake pano ndiko kurwara kwenyu imi amhuvhuri meso enyu mukaona seiko?"

"Nditakurei machinda angu muende neni kwakafanira. Mutemo unoti mambo haarwarire pane pwere neruzhinji kudai---" baba vakatakurwa voendwa navo. Saka zvaireva kuti vatoenda ndichisara ndakangopfumbata chuma changu nhai. Tsvimbo yavo ndakaisiirwa. Ukuwo chitope ainge aita kuisa muromo mumhino zvake akanditarisa. Svikiro akabva rasvika--

"Vakuru vangu tarisai mamiriro aita dunhu." Akadaro Zvidzai achiita kudedera.

"Izvi zvine chirevo" rakadaro svikiro kwave kundibata ruoko. Ndakarutambanudza kwave kutora chuma chiyaa kwave kundipfekedza.

"Gara pachigaro sezvo wasiirwa basa. Mambo haangavi nokuti vadzimu vachakatsamwa----"

"Vakatsamwirei"

"Vanoziva nyaya dzavo." Nguva iyoyo rakatanga kuenda. Ndakaona mumwe murume akasvika achiita kufambisa. Ndakangonzwa Chisungo ave kuti AAAAH VACHIKOTO-----

End of chapter 16

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 18

RUNAKO

Kuuya kwakaita VaMagumbo mumuzinda kwakaita kuti ndive nemufaro. Ndakaona sekuti Zvidzai akange asisina basa neni. Ahana kuzombobvirawo akataura nezvangu , kunyange zvazvo ndainge ndoshaiwa kuti kana Kundai achinge adzoka ndaizogara pai chaizvo ndiinaye? Imba yaamai vangu ndiyo yakange yapihwa VaMagumbo kuti vagare. Inini azvina kundibata zvachose. Ivowo semukadzi mukuru uye airatidza kufunga. Vakagarisana neni mumba imomo pasina aitukana neumwe. Kozotiwo Sarudzai uyo aigara achinyemwerera nguva dzose hake. Zvino Kundai ndaisaziva kuti kana adzoka taizodii---?

Zuva razorwara mambo tose taivepo. Mashoko avo avakadeedzera nguva yekugumisira

ndakamanyora pasipasi mumoyo mangu pasingadzimike. Vakaendeswa kusango kunopepwa vari ikoko ndokusara mumuzinda nemadzimai amambo pamwechete nana Chengeto madzikoma aZvidzai.

"Mamiriro aita muzinda uno andichamanzwise ini. Tarisa Cheneso mamiriro azvaita. Chitope ave kudawo humambo---" ndakadaro ndichitaura naCheneso mushure mekuparara kwakaita dare.

"Iwe rega hako kuzvinetsa. Varipo vakuru ava vakaita semasvikiro vanozvipedza zvese izvi. Ini chandave kutongotya chete ndeche kuti parege kuita hondo. Andidi vana ava vaurayane. Dai Kundai achidzoka , uye Chisungo amira nesimba---"

"Taura hako , asi Kundai mwana mudiki. Iye Chisungo chete ndiye wandave kutemba naye---" panguva iyoyo ndakanzwa kuti jitii kuseri kwangu. Tese naCheneso takacheukirana. Ndakaona ari Chitope , uku akaita kufutisa chiso semhakure yatsamwiswa. Ndakanzwa kutya , hana yangu ichibva yatanga kurova nguva imwe chete iyoyo. Zuva rainge ragara miti , rasara zvishoma kuti ripinde munaamai varo. Ndainge ndave kutokanda nhanho kuti ndiende kuimba yatairara naCheneso. Ndakanzwa ave kuti----

"Chitope mukoma wangu sei uri kutaridza kutsamwa?" Ndakabva ndatarisa iye wacho kuda kunzwa mhinduro yake. Akabva atotanga kunyemwerera zvikanzi-----

"Ndinoda kuti vanhu vasandijairira. Ukanyanya kubuditsa zino rako panze vanhu vanoona sekuti wakupusa manhingi----"

"Uuummm iri nyaya yei chaizvo?"

"Azvisizvo zvandafambira pano. Ndauya kuzobvunza pamusoro paRunako. Gara zviya akanzi namambo ndiani mumusha muno?"

"Uummmm uyu munin'ina wangu. Saka kureva kutika mwana mumuzinda muno"

"Regera kuda kutamba neni Cheneso wanzwa here? Unoziva here kuti andisati ndaroora inini? Saka ndinoda kuti ndikaroora ikozvino ndini ndinozova mambo nekuti ndinenge ndave mukuru kuna Chengeto achiri mugota. Wabata mashoko angu here? Iwe Runako swedera pedyo neni apa tione----" hana yangu yakarova zvekuti ndakaona kunge dundundu rangu radzikira kuuya muchiuno kuri kurova kwayo hana. Ndakaswedera kwave kumira pedyo naCheneso ndichiita kudedera.

"Kwete! Izvozvo ndaramba. Kana uchida kuona kuti mudunhu muno munoitika hondo isingaperi imbozviedza. Muno mune vasikana vakawandisa kwete kuti unoroora Runako wawakawana ari pano."

"Runako itsvarakadenga iyi. Chero mambo vakataura kuti mutorwa mumuzinda muno hapana chinoyera apa. Sarai muchifunga zvakanaka----" akabva atanga kufamba kuenda. Nguva iyoyo ndakatanga kuchema. Munoziva pane pamwe pekuti unomboti minyama yandiwandira asi zvirinani. Kozoita apa pekuti ndakanyatsoona kuti andina zvekuita apa. Ndakashaya simba rekufamba ndichibva ndawira pasi. Zvidzai akabva asvikawo nguva iyoyo-----

"Anga achiti kudiii Chitope? Nditaure chokwadi Cheneso----"

"Anenge ane mhengo dzaakatakurana nadzo uyu. Mashoko mamwe chete awaitaura iwewe ndiwo aari kutaura ekuda kuroora Runako. Manje ndoda kuzviona. Apa mese munoda kurwira humambo hwapihwa munhu kare kare sei?"

"Nyarara mukanwa mune man'a sea VaZvauya. Ukati chero mapfupa avo aisava neman'a here? Unoti tingatongwa naChengeto muno isusu munhu akauya nezuro uno. Iwewe Runako ukangobvuma Chetope chete ndinokuurayi mese. Amhudanane ndakatarisa inini----" akabva atanga kufamba ave kuenda. Kusweronditukira amai vangu VaZvauya vange vakafa havo vakazorora. Zvairwadza, asi chekuita pakange pasina. Ndakanyatsonzwa kuti azvisisina kundimirira zvakanaka. Cheneso akandishingisa kwave kusimuka ndonanaira kuenda kuimba yatairara. Takavika imomo musina munhu. Kana chikafu andina kuita moyo nacho. Takabva tarara imomo kusvika kunze kwasviba. Maiva nerima mumba sezvo mwedzi wakange usati wabuda. Tainge tazoti ziiii ndokunzwa gonhi ravhurwa. Atina kuvhunduka taiziva kuti ndiChenai uyo aitorwadziwa neni. Aisada kana kuona ndichirara muimba imomo. Nekazevezeve

ndakanzwa izwi----

"CHENAI , CHENAI IWE CHINDIPA MUSHONGA UYA WAWATI NDIZOISA MUNE ZVEKUDYA ZVACHENESOO NA-----" ndakavhunduka. Ende nguva iyoyo ndakanzwa mhere kurira. Ainge arohwa mbama naCheneso----

"Nyarara kuti ziii. Dzetse remunhu. Unoda kutiuraya kuti takutadzirei?" Ndakamhanya kubatidza mwenje wanei ndiRunyararo uyo aibika nevamwe mumuzinda. Ndakabva ndatura mafemo.

"Ndine hurombo chokwadi ndiregerereiwo--"

"Ndoda kuti unotaurira Chisungo wega nyaya yako buda muno. Ukarega chete ndiri kunetsana newe----" akabva abuda ndokusara tichiseka hedu. Yaaa huroi hunotangira kure chokwadi. Takazobatwa nehope ndokurara. Chenai akazongomuka arimo mumba nguva yandakapepuka. Ndainge ndarota hope kwave kumutsa Cheneso-----

"Runako rara kuchigere kuyedza uku."

"Ndave kunorara kunaVaMagumbo pamwe naSarudzai"

"Nekuda kwei nhai?"

"Ndarota ndabaiwa nebanga muno"

"Uuummm asi taura hako. Buda uyende nekuti Chenai ave muroi chaiye." Ndakabva ndabuda ndikatanga kumhanya. Ndakaona machinda aiita seondidzingirira , asi vakatadza kana kundibata. Ndakasvika nekuti ghonhi bherengende nekupinda mukati. Ndakashamisika kuona VaMagumbo vakagara uyu Sarudzai arere zvake iwo mwenje wakabaka-----



"Amai , sei mugere nguva dzino?"

"Kutofunga hangu nhamo dzemumuzinda muno. Dai ndakaramba ndigere kwandaiva nemhuri yangu , pangadai pasina zvese izvi wena."

"Chiregai kudaro amai. Zvinhu zvinogadziriswa." Ndakaedza nepandaigonawo napo kuvanyaradza. Vakandinzwisisa zvavo ndokunyarara. Ndakavataurira kuti ndainge ndauya kuzorara navo kutanga zuva iroro kuenda mberi nekuti ndainge ndarota ndichida kubaiwa nebanga. Ahana kumboramba zvavo semunhu wandaipa ruremekedzo uye aivawo nemoyo wakanaka. Ndakarara imomo kusvika kunze kwachena.

"Mangwanani amai."

"Ndamuka mwanangu wamukawo. Ko iwe imbonditaurira kuti amai vako vakafa nei?"

"Uuumm zvaamai zvinorwadza. Vakaita kuuraiwa nemuseve. Mambo Zvanyadza vaisavada mumuzinda saka nekuda kwekuti vaisataura. Takaenda kun'anga tichiti tinotsvaga rubatsiro. N'anga iyoyo yakaramba kutibatsira. Saka mambo vakatuma machinda avo kuzouraya amai vangu VaZvauya----"

"Hooo , ndine zvandafunga hangu pandafunga mashoko aVaMandigona nezuro tiri kudare zviya. Zvakanaka mwanangu rega tigoona kunowira tsvimbo nedohwe----" ndakabva ndatatora chirongo chemvura kuti ndiende kunochera mvura kurwizi. Ndakabuda ndega ndikati Sarudzai asare achiita rimwe basa sekutsvaira mumba. Ndakaenda kurwizi kuya. Pandakasvika ndakachera mvura yangu zvakanaka kwave kubuda hangu. Ndakadengezera chirongo changu kwave kupinda munzira kuenda kumumba. Ndisina kure kure kwandaenda ndakanzwa mutsindo wemunhu airatidza kuti aimhanya.

"Iwe zimhandara mirapo----" ndakabva ndamira kwave kucheuka. Ndakaona rino zijaya rainge rakasvika sechibage chepachuru.

"Wakadii hako?" Ndakadaro ndichibata chirongo changu mumaoko.

"Ndiwe unoitwa ani? Ini ndinofara zvangu ini. Ndinonzi Mugove. Mwana wamambo Chinhengo midiki. Mukoma wangu ndiye anonzi Mukudzei-----" ndakabva ndarangerira hope dzangu. Mu---  
uumm kuti ndaimhanyisa pfungwa here?

"Waita hako. Ini ndinonzi Runako"

"Hoooo waita basa. Runako wakanaka. Ndiwe mhandara yandauya kuzoona."

"Chokwadi here?"

"Ehe wena. Ndatoti andingamboite zvekutuma munhu regai ndiende ndoga"

"Ndinotenda hangu."

"Ndipe ndikutakurire chirongo chako tipinde hedu mumuzinda wenyu. Ndinoda kutaura namambo wenyu nyaya yangu yakanaka kudai----" nguva yaakaswadera pedyo neni achida kutora chirongo , amhenzo kuti ndakatsika sei? Ndakatsvedza kwave kudonhera pasi chichibva chaputsika. Iye akabva apfugama mberi kwangu ave kundinzwira tsitsi----

"Ndine hurombo mwanasikana. Ahuna kukuvara here?"

"Kwete andina zvangu."

"Uurgh---!" Ndiyo sound yaakabuditsa chete achibva awira pasi. Ndakashaya kuti chii?  
Ndakazovhundutswa neropa randakaona rave kuyerera----

"Mugove waitasei nhai? Muka kani Mugoveeeeeee-----!"

"Nyarara iwe Runako. Ndakakuudza kuti ndichada hondo pauri. Wese anongoda kuswadera pedyo newe ndichamuuraya." Ndakavhunduka kuona ari Chitope

"Chitope wauraya mwanakomana wamambo-----"

"Wati kudiii?"

"Ehe uyu mwanakomama wamambo----"

"Mambo wekupi?"

"KwaChinhengo-----" nguva iyoyo kwakarira bhanan'ana , mheni dzikati vai vai iro denga risina kana gore-----

End of chapter 18

\*PLEASE TAKE NOTE\*

THIS BOOK WILL BE ON SALE STARTING FROM CHAPTER 20. KUNE VACHADA HAVO KUENDERERA MBERI NARO KUSVIKA KUMAGUMO. HUYAI HUYAI MUSANOBATA NZVIMBO.

ECOCASH \$300 PA 0772578111 (TINOH MUTSINZE)

ONEMONEY \$300 PA 0712786647 (TINOH MUTSINZE)

VASINA ECOCASH MUNOISA ETYM YE NETONE YE \$300 PANUNBER IDZOO DZE NETONE. VANE YE BUDDIE MOUYA KUAPP.

VARI KU SA SEND ETYM YE R35 ECONET FROM SHOPRIGHT. OR VIA MUKURU PA 0772578111. VANODA KUTENGA NEYE KU SA MOUYA INBOX KWANGU.

WE NEED SCREENSHORTS AS A PROOF OF PAYMENT. AFTER ALL YOU WILL BE ADDED KUMA GRP ACHAPINDIRA BOOK KUSVIKA KU FINAL CHAPTER.

\*LASTLY , HUYAI EZVINO TISATI TASVIKA PALAST FREE CHAPTER. PAMWE RICHAZOKWIRA SAKA GARAI MAPINDA. SPACE IS LIMITED. UYE ZVICHEMO HUYAI NAZVO KUMUNYORI WENYU ANONZWISISA UYU\*

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

## CHAPTER 17

ZVIDZAI

Ndaizviziva kuti nekuda kwechiitiko ichi , Chengeto aizotora humambo mumuzinda umu. Asiwo , ndainge ndave kunetseka. Kwake kuroya kwaiva kuroya rudzii nhai? Kuuya kwavo mudunhu , mambo vachibva vatanga kurwara. Kurwara kwavo ,ndiko kupihwa kwaChengeto humambo. Kuda kupihwa hukuru kudziva ,iye kwave kusvika achibva apihwa ari iye. Manje ndaida kuzviona. Ndainge ndave kutoda kumuuraya Chengeto kana akaramba kunditeerera. Inga zvinonzi pfuma yenhaka inoparadza hukama. Ndizvo zvaaida nhai. Chaiva chokwadi. Pane aifa chte mambo vachiri vapenyu kudaro. Endewo pfuma yenhaka inofanirwa kudyiwa negotwe. Hongu aiva mukuru , asi sei mambo vakamusarudza? Zvino zvaiva mumwechete naChitope aisadawo kutonga here? Ndakaramba ndakatarisa nzira machinda achienda namambo pamwe nemakutukota avo aizonovachengeta kusvika hurwere uhu hwapera----

Ndainzwa kudedera kwemakumbo angu uku hana yangu ichirova.

"Iwe Chengeto uri kutonzwa kufara nhai? Ibva waziva kuti ini newe tatorimirana kumuganu. Dai pfungwa dzako dzichitora mushe , ungadai wairega kuitambira tsvimbo iyoyo." Ndakadaro ndakamutarisa akagara pachigaro chaaige agadzikwa nesvikiro. Ndakanzwa Chitope ave kuti---

"Zvidzai ndinofanirwa kufambidzana newe----" vanhu vese vakashamisika iye kwave kuti---

"Ndapihwa zvangu hukuru hongu , asi iwo hukuru ahusi mandiri. Chete azvisati zvabuda pachena kubva kuvakuru. Iwe Zvidzai dai wanzwa kutya , uye wazvibvunza kuti sei baba vakusiya vachisarudza inini? Uye zvine svikiro mukati izvi zvawaona wega-----?" mashoko ake akandipusisa. Ndakashaya kuti airevei ndichibva ndati---

"Uri kutii iwe Chengeto? Hukuru hunogova mauri sei iwe mwana akarerwa naamai voga pasina baba?"

"Rangarira kuti ndakutaurira kuti hari yeropa yaputswa. Aputsa hari yeropa iyeye ane masimba anopfuura angu. Zvekuti ndiani achava mambo zvole ndiye achazokutaurira. Pandaenda pasi pemvura ndaratidzwa jaya ringangova nezera newe Zvidza riri musango. Jaya racho rine masimba anopfuura angu kunyange zvazvo ndiri ini ndapihwa masimba pari zvino-----" ndakabva ndafunga Kundai. Nguva iyoyo ndakaona VaChikoto vachisvika. Asi mupfungwa dzangu ndainge ndisisina kugadzikana ini. Ndakada kubvunza machinda kana akange auraya Kundai zvechokwadi. Ndakabva ndaona Chisungo akanditarisa kwave kutonyarara. Saka zvaireva kuti Kundai aiva mupenyu here? Kana ari mupenyu akanga azonosvika kuninga here? Sei , iko kwaingosvikwa namambo chete nemakurukota avo dzimwe nguva nemudzimai wavo. Inini chaiye ndakanga ndisati ndapasvika ini paigara zvikoshwa zvevakuru ava. Ndakabva ndatarisa Chikoto kuti aida kudii?

"Varipo here mambo?" Akadaro Chikoto

"Mambo varwara vakuru vangu. Asi kana muine zvamunoda kutura turai tinzwe ndini ndakabata

chigaro—" ndakatarisa Chitope ndikaona oita chiratidzo chekuti Chengeto aifanirwa kugurwa musoro.

"Zvakanaka mambo. Ndanga ndadzoka zvekare nenyaya imwe chete. Ndakambotaura navo , asi vakaramba kundinzwa. Mweya wava Zvarehwa ahusi kufara nezviri kuitika mudunhu muno."

"Mweya waani?" Akadaro Chengeto

"Wava Zvarehwa"

"Hooo , zita ndakamborinzwa. Amai vangu vanomuziva munhu anonzi Zvarehwa" ndakabva ndashaya kuti zviri kufamba sei? Inini ndaisatombomuziva munhu iyeye.

"Hongu , aiva mambo mudunhu rino kare kare pasati pave naMambo Zvanyadza." Hana yangu yakabva yawedzera kurova. \*Aiva mambo kare kare pasati pava naVaZvanyadza.\* mashoko iwayo chete chete akandipa kufunga zvakanwanda munjere dzangu.

"Hooo , imi manzwa nani?"

"Mweya wavo uri kundinetsa zuva nezuva. Kuhope dzangu kunyanya nemuzviratidzo kunyanya---" vakabva vatotanga kufava kuenda. Nguva iyoyo amai vangu ndakavaona vakabata muromo zviye zvekuratidza kuvhunduka.

"VaZvauya , Zvauya , VaZvauya , VaZvauyaaaaa-----" vakadaro amai vangu vachibva vati kwanyanu. Vakaroa bara kutevera VaChikoto. Nguva iyoyo VaChikoto vakabva vamira kwave kucheuka. Nguva yakasvika amai vangu ipapo vakabva vamirawo , asi vainge voita semumhu uya asiri kuona.

"Zvidzai hona zviri kuita amai---" akadaro Chenai. Ndakasimuka ndomhanya ikoko.

"Amai maitasei?"

"Andichaoni kani. Ndadzingwa padare apo naVa-----"

"Mati kudiiii?" Misodzi yangu yakatanga kubuda. Uku ndakaona svikiro rauya zvekare. Ndakange ndisisazive zvekuita ini.

"Musambofa makaedza kuda kubvunza amai ava zvakawanda. Mirirai mambo kuuya kwavo---" rakabva ratendeuka kudzokera. Vanhukadzi vakatora amai vangu vopinda navo mumba. Iniwo ndakabva ndatanga kufamba kuenda kuimba yangu yekurara. Ndainge ndisisazive zvekuita ini. Ndaifanirwa kurwisa zvakasimba apa. Ndakaona Chitope anditevera kwave kusvikomira pamberi pangu.

"Zvidzai , ndiri kuda kuti utore tsvimbo yapihwa Chengeto" akadaro akanditarisa pahana yangu yairova kunge ichatsemuka-----

"Kana ndaitora ndodii nayo?"

"Ndiri kuida inini , asi tinozoidzosera kana ndapedza zvandinoda kuita.---"

"Uuummm iweka , uri kuda kudii? Zviva kuti muri mapatya iwewe naChengeto."

"Kunyangwe tiri mapatya , asi kutonga ave kutonga egaka."

"Inini ndini ndagara ndichatonga. Imimi muri vaenzi mudunhu muno regai kuda kukambira zvisina basa."



"Kkkk Zvidzai waudzwa kare kuti haukodzeri. Ndiri kungoda kukushandisa chete apa. Ukada kuita nharo ndinokuuraya. Wati kune dunhu rinotongwa nemadzimambo maviri here? Ubva wadzikama zvako Zvidzai----." Akabva atobuda kuenda kunze. Ndakasara ndakagara uku ziya richiita kudeuka muviri wese. Ende ndipo pandakafunga kuti ainge azokwana mazuva mashanu kubva zvaenda Kundai kunouraiwa. Cheneso aiti kudii zvaaiti mushure memazuva mashanu? Ukuwo ndakacheuka kwave kusanganidzana maziso nababa vaTsitsi. Ndakashaya kuti vaidei----?-----?

## KUNDAI

Pandakabuda muninga ndakabva ndatanga kufambisa kudzokera kwaiva naTsitsi. Zuva rainge rave kutonyura. Ndainzwa kuti ndave nesimba mandiri. Kana kutya ndainge ndisingachatye. Ndakasvika Tsitsi achitosvikawo akatsiga tswanda yainge izere michero-----

"Tsitsi wanga waenda kupi?"

"Kunoshava mudiwa. Ndaziva kuti nzara inokuruma chete."

"Inga wagona. Uri mukadzi chaiye akarongeka iwewe. Gara zvako pasi apa ndikutaurire zvandasangana nazvo zvandaenda---"

"Rega hako kuzvinetsa Kundai. Chandinoda chete ndechekuti uzive kuti mangwana wave kudzokera kumuzinda. Pauchasvika ikoko vanhu vachada kuona kuti sei wadzoka uri mupenyu? Imwe nyaya apa ndeye kudzikama nekuti basa rauri kupihwa iri rakaoma. Rine rufu rwevanhu vakawanda----" ndakanzwa achidaro Tsitsi. Airatidza kuti anoziva zvainge zvaitika kwandabva.

"Sei waramba kuudzwa? Ari kuziva here?"

"Hongu. Rangarira kuti takabatana panyama , zvose nepamweya. Kumuzinda kune zvatoitika. Hari yawaputsa yanga yakatakura hupenyu hwamambo. Chiumbwa chawaputsa zvekare ndimambo ivavo. Haungazvinzwisise. Mapfupa awaona ayo uuumm ndiwe wega Kundai."

"Tsitsi nditaurire kuti uri munhu akaitasei iwe?"

"Chirega zvakadaro mudiwa. Idya michero iyi----" akabva atanga kundidyisa. Ndakabva ndapera simba zvekuti nyaya dzose dzataitaura ipapo takabva tanyarara. Ndainge ndave kumutarisisa. Ende nguva yandaimutarisa andizive kuti sei? Ndainge ndonzwa mamwe manzwiro andisina kumbobvira ndakanzwa.

Nguva dzakafamba kusvika tarara hedu. Mangwana achona ndaifanirwa kudzokera kumuzinda. Saka ndakati kwayedza , kwave kuisa zvombo zvangu munhava ndiye kumusana kachata , munzira nyengu ndonanga kumuzinda. Tsitsi ainge atsiga tswanda yake mumusoro.

"Kundai ndiri kunzwa vanhu kutaura muno musango"

"Kana neni. Handei uku ndiko kwandiri kuvanzwa."

"Handei ndikoko kwavari" takatanga kufamba kuenda ikoko. Nguva diki diki takange taona varume vakabata miseve zvekuda kugadzirira hondo chaiko. Patakasvika ndakatanga kunyemwerera. Ndakabva ndaona munhu aiita seakafugidzwa zidehwe pamwechete nemashizha-----

"Muri kuitei musango muno?"

"Kundai wainzi wakafa. Uri munhu here?"

"Ndinogofa sei? Ini ndiri kufanirwa kuzova mambo wenyu----" ndakangodaro kuda kuvhundutsira. Ndainge ndisina chokwadi nezvandaitaura. Umwe muchinda aivepo pane vakange vambozedza kundiuraya ndakaona ave kuratidza kunyara zvakanyanya.

"Ndine hurombo Kundai----"

"Zvakatopera zviya. Sununguka hako. Ko , uyu arere apa ndiani?"

"Ndimambo Zvanyadza" ndakabva ndatarisa mudenga. Nguva iyoyo ndaiona kuvaima vaima mudenga. Ndakaramba ndakadaro kwechinguva---

"Saka makauya riini navo musango muno?"

"Nezuro"

"Hooo , vhurai tione" ndainge ndave kufunga izwi randakanzwa kuchema nguva yandaiva muninga ndave kubuda. Saka zvaireva here kuti mambo Zvanyadza vaiva nezvakavanzika zvaiita kuti vatonge vachitidzvanyirira mumuzinda wavo-----

"Kundai ndave kufa" vakadaro mambo

"Hamhungafi zvinhu zvakamira mamiro azvakaita aya mumuzinda. Mukafa ndiani anozobuditsa chokwadi?"

"Chokwadi chekuti kudii?"

"Hooo muchiri kuda kuramba munyerere? Ini ndave kuenda kumuzinda. Kana mave kundida muchazonditsvaga henyu"

"Zvakanaka Kundai" ndakabva ndatanga kutevera Tsitsi uyo aifamba ari mberi kwangu. Mambo vaidanda kundibvunza kuti sei ndaiva mupenyu, asi ndakaona kuti vaitya uye vakashaya simba. Manje ndakange ndamirira nguva yangu kuti ichikwana. Ndakange ndoda kuziva kuti baba vangu varipi? Baba vangu ndiani? Chakaita amai vangu vasataure chii? Ndaida mhinduro kubudikidza nehondo mumuzinda. Mambo kurwara ikoko zvaisaita. Ndaida kupedzerana navo vari vatano. Ndaizotsvaga chete kuti ndeupi mushonga wandingasevenzesa kuti vadzoke mumuzinda.

"Kundai inzwa izwi riri kuchema kumuzinda" ndakabva ndamira kwave kuteerera. Tainge tave pedyo kusvika.

"Ndarinzwa. Zvaanenge Runako nhai?"

"Ndanzwawo kudaro. Ngatiitei zvekumhanya chaiko."

"Chokwadi."

"Asi kuti chii chaangaona iye Chisungo ariko?"

"Andina zvandiri kufungira ini-----"

\*PLEASE TAKE NOTE\*

THIS BOOK WILL BE ON SALE STARTING FROM CHAPTER 20. KUNE VACHADA HAVO

KUENDERERA MBERI NARO KUSVIKA KUMAGUMO. HUYAI HUYAI MUSANOBATA NZVIMBO.

ECOCASH \$300 PA 0772578111 (TINOH MUTSINZE)

ONEMONEY \$300 PA 0712786647 (TINOH MUTSINZE)

VASINA ECOCASH MUNOISA ETYM YE NETONE YE \$300 PANUNBER IDZOO DZE NETONE.  
VANE YE BUDDIE MOUYA KUAPP.

VARI KU SA SEND ETYM YE R35 ECONET FROM SHOPRIGHT. OR VIA MUKURU PA 0772578111.  
VANODA KUTENGA NEYE KU SA MOUYA INBOX KWANGU.

WE NEED SCREENSHORTS AS A PROOF OF PAYMENT. AFTER ALL YOU WILL BE ADDED KUMA  
GRP ACHAPINDIRA BOOK KUSVIKA KU FINAL CHAPTER.

\*LASTLY , HUYAI EZVINO TISATI TASVIKA PALAST FREE CHAPTER. PAMWE RICHAZOKWIRA  
SAKA GARAI MAPINDA. SPACE IS LIMITED. UYE ZVICHEMO HUYAI NAZVO KUMUNYORI  
WENYU ANONZWISISA UYU\*

End of chapter 17

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

CHAPTER 19

ZVIDZAI

Ndakanyatsonzwa kuti azvina kundimirira zvakanaka apa. Chitope aida kundishandisa chete kuti awane kutora chigaro inini ndozodii? Manje ndaida kuzviona. Nguva iyoyo yaakabuda ndakaona amira naCheneso pamwechete naRunako. Andina kuziva kuti vaitaura nezvei? Ndakabva ndadzokera kubare uko kwainge kwasara Chengeto naChisungo. Ndakasvikogara ndichinyatsoona kuti vanhu ava vainge vanzwana ndokupindirana pahuviri hwavo vakadaro----

"Zvidzai teerera ndikutaurire mwana wababa vangu. Pakurarama kana uchida kuteverwa nevanhu vazhinjika, chekutanga zvinipise. Uve zvekare nerukudzo kuti kunyange vabereki vako vagokuda zvakananyanya. Uve munyoro kuti vanhu vagokuda uye varege kukupomera zvakaipa. Wanzwa here Zvidzai? Ini ndakakura naamai chete pasina baba, asi ndakakura ndichiziva mutemo yose. Kunyange iye Chitope angapanduka zvake, asi kwatakabva ndokumwe chete----" akadaro Chengeto akanditarisa kumeso kwangu. Ndakabva ndati----

"Azvisizvo zvandafambira pano. Ndauya kuzonzwa kuti saka iwewe zvawapihwa humambo nababa, wave kutora imba yavo yavairara here? Wave kutoita baba vangu here nokutora mudzimai wavo?"

"Zvidzai njere dzako adzina kukwana. Ndave mambo here inini kana kuti ndangosiirwa chigaro chete kusvikira mambo vave kunzwa zvakanaka? Kana vapore havo vanodzoka vozotonga"

"Hoooo, ndave kuenda" ndakabva ndasimuka. Chisungo haana kana kutaura neni. Akaramba akanyarara seasipo hake. Ndakaona Chitope ave kubvawo paiva naana Runako. Ndakaona sekuti Runako aitochema hake saka ndakaendapo kwave kunobvunza. Ndipo pandakanzwa kuti Chitope ainge ataura zvekuda kuroora Runako. Ndakanyatsoona kuti ndikada kuita zvekutamba apa ndaigona kuruza kwese. Ndakabva ndatanga kufamba ndave kupinda musango. Ndaida kuziva musiyano waivapo pakati pangu naye isu tainzi tese tiri vana vaVaZvanyadza. Kana inini ndatadza kuroora Runako, iye aizozvikwanisa sei? Ndaibva ndaziva kuti vaisava vana vababa vangu. Ndisina kure kure kwandamboenda ndakabva ndadzoka zvekare. Ndakasvika nekupinda muimba makange muina amai vangu----

"Amai ndini Zvidzai. Mave kuona here?"

"Kwete mwanangu , ndinogoona sei kana muroi uyu achiri mupenyu? Mwanangu ndiri kukumbirawo kuti undibatsirewo apa"

"Munoda ndikubatsirei seiko nhai amai?"

"Uraya VaMagumbo kuti zvinhu zvindinakire. Maziso angu anosvinura aya"

"Hoooo , saka ndichaita sekudaro. Mangwana kunozoedza ndapedza basa iri. Regai ndiende amai" ndakabva ndabuda muimba yavaive vari vega. Ndakange ndaita kubata miseve nebakatwa mumaoko angu ndave kufunga kuti ndoita ripi zano? Mai ivavo ndaitofanirwa kuti ndivauraye sekutaura kwainge kwaita amai vangu. Ndakabva ndashevedza Sarudzai ndikamutuma kwandaiziva kuti aizoonoka kudzoka. Ndakabva ndaenda muimba yaiva naamai ava vasara vega. Ukuwo zuva rainge ranyura kunze kwave kutosviba. Nguva iyoyo ndakatsvaga Chitope ndikaona atorara zvake mumba mangu. Uyuwo Chengeto aiva kudare. Ndakatora miseve ndoenda nayo muimba yavainge vagere VaMagumbo.

"Ndianiko anongopinda asina kugogodza.?" Vakadaro tichibva tatarisana.

"Ndini. Mange mati kudii?"

"Aaah , Zvidzai mwanangu waswerasei? Ko , unongopinda sei mumba mune munhukadzi? Ukawana tisina kupfeka zvakanaka unoitasei nhai?"

"Andisiri mwana wenyu ini. Ana Chengeto avasi kukukwanirai nhaika. Kuuya mumuzinda wababa vangu kuda kuzoparadza zvamakawana zvakanaka. Manje nhasi ndiro zuva rekugumisira ndoda kukuurayai---"

"Zvidzai----!" Andina kuzodavira. Apa vaiita kuvhunduka vakanditarisa. Ndakaukoka museve



ndoda kuvaregedzera. Ndakanyatsonzwa kuti ndabatwa maoko angu nguva iyoyo. Asi ainge andibata wachona ndiye wandisina kana kuona. Ndakaedza zvekare kuda kuvaregedzera ndichibva ndaona mufananidzo wandisina kunzwisisa. Ndakabuda imomo ndichimhanya. Ndakabva ndaenda kunorara apa hana yangu yave kurova. Ndaiita kutya zvisingamboite. Ndiani airwira VaMagumbo kuti vasafe iyeye. Huroi hwavo here kana kuti?

Kuzoedza kwakaita kunze ndaingova naChitope tiri vaviri mumba imomo. Chengeto uumm amhenzo kuti ainyatsorara kupi chaiko----?

"Inzwaka Zvidzai. Inini ndave kumbobuda kuenda kurwizi. Nhasi ndiri kuda tsvimbo iya sekutaura kwandakaita nezuro. Ukatadza kuitora chete ndoda kukuuraya wanzwa?" Akadaro Chitope----

"Hongu. Saka apa wave kuenda kunodii kurwizi?" Ndakadaro ndiine pfungwa dzezvainge zvaitika kudziva riya.

"Kunogeza hangu mabori pamwe nekumboona nzvimbo." Akabva atobuda kuenda. Ndakambosara ndakazvivharira mumba imomo kwekanguva. Ndakazongozviudza kuti ndaiedza nepose pandaigona kuti ndiitore chete tsvimbo iyoyo. Ndakabuda muimba kwave kubata bakatwa ndodzika neimwe nzira yainangawo kurwizi ikoko. Ndisati ndamboenda kure , ndakanzwa kudaidzwa kumashure kwangu ndichibva ndacheuka. Ndakaona ari Chengeto ainge ari kundidaidza akamira kumashure kwangu. Ndakamboda kuramba ndichienda , asi ndakazongoti regai tinzwe zvacho zvaaida kutaura apa.

"Zvidzai munofanirwa kugara pasi mumuzinda. Murambe makabatana kuitira hondo yandaona yauya muno mumuzinda isina kumira zvakanaka----"

"Ndizvo zvawandimisira chete chete. Unopenga here iwewe Chengeto. Inini ndiri mwana wamambo ini andirwe hondo---"

"Hooo , une bapu chaizvo iwe Zvidzai. Manje rega ndikutaurire chinhu chimwe chete chausiri kuziva. Hondo iyi ndaona ndauraiwa kunyange ani zvake. Azvinei kuti uri mwana wamambo here kana kuti kwete? Saka chenjera. Akubaira zani ndewako uye anokuda. Ndamba kuudzwa

akaonekwa nembonje pahuma"

"Ndoda kuzvionera pamhino sefodya"

Ndakabva ndatotanga kufamba kuenda. Andina kana kumuteerera Chengeto wacho. Ndakati ndave chinhabwe ndakabva ndanzwa bhanan'ana kurira , mheni ndiye vai vai. Ndakatarisa denga ndikaona rakachena , iro zuva rainge rakati dhanan'ana kunyange zvazvo akanga achiri mangwanani , zvekuti kwaisamboda kunaya. Ndakabva ndaziva kuti pane zvainge zvatoitika chete mumuzinda zvaisafanirwa kuitika. Ndakafamba zvekare kudzika ndikazotanga kunzwa mazwi evanhu kutaura. Nguva iyoyo ndakanzwa izwi raRunako kuchema. Akachema katatu ndikanzwa anyarara. Ndakamhanya ikoko kunoona kuti chii? Nguva yandakasvika ndakaona paina Chitope-----

"Chitope zvaitasei? Ndanzwa kuchema kwaRunako-----"

"Andidi vanhu vanorwisa Runako. Ndaedza kumurwira nekuti ndaona aine muchinda uyu arere apa." Ndakabva ndati baaa , zvechokwadi parutivi paiva nemuchinda airatidza kuti abaiwa nemuseve. Ndakamupidigura ndikarohwa nehana kuona ari mwanakomana wamambo Chinhengo uko kwandaida kutora Tsitsi.

"Chitope waita manenji mudunhu rino!" Ndainge ndaita kuvhura ziso ndave kunzwa kutya ini.

"Nekuda kwei?"

"Wauraya mwana wamambo. Ndiko kusaka ndanzwa bhanan'ana rarira nhai. Manje uchaitasei?"

"Kuitasei kwei? Tairwisana ndikamukuriraka. Tose tiri vana wamambo apa saka apana anoshamisira. Anga achida kudii Runako?"

"Hoooo , manje uchazviona kuti pane musiyano hako-----"

"Ukangozviti bufu chete ndinokuonesa moto. Newe Runako. Chimhanya kumba ikozvino tisare tichironga zvatingaite naiye Zvidzai. Ukangotaurira munhu chete ndiri kukuuraya Runako-----"

"Zvakanaka Chitope" Runako akamhanya kumba. Chirongo ndakazongoona zvikweba zvainge zvaputsika. Ndakasara ndakatarisana naye Chitope ave kuti---

"Zvidzai saka todii nemutumbi uyu? Chengeto naChisungo avana zvavanofanirwa kuziva. Chero vakazooka mutumbi uyu , asi kuti vazive kti ndini ndauraya andidi. Unofanirwa kutonditeerera Zvidzai wanzwa here?"

"Hongu ndazvinzwa"

"Saka chinditaurira nzvimbo dziri kuno dzakavanzika dzatinganoisa mutumbi uyu----"

"Uuuuummmm kune dziva rinonyudza uye rinoyera"

"Hoooo saka handei ikoko" ndakaita kumanikidzwa nekuti ndaisatomboda. Ndakabata kumakumbo iye kumusoro toenda. Patakasvika padziva pachokutakasvikomukanda aine museve munyama kudaro. Mvura yose yakatsvuka kuti piriviri. Ndakashamirika zvisingaite-----

"Aaaaaah , Chitope rarisa zvaita mvura yose. Izvi zvine chirevo"

"Hongu , munhu wehumambo uye afa aine shungu saka ndizvo zvazvinoita hako usatye"

"Hooo" takabva tatanga kufamba kuenda kumuzinda. Ndaingonzwa kunge kuchaitika hondo chete. Vakomana ndainzwa kutya. Ukuwo ndainetseka kuti ndaizotii kunaamai vangu sezvo ndainge ndatadza kuuraya VaMagumbo. Saka chii chandaizogonawo panyika nhai? Endewo Chipote akanga oita hubhinya chaihwo. Ukuwo ndaingonzwa izwi raRunako kuchema

kumuzinda. Ndainyatsonzwa nekuona kuti Chitope haana kumbobvira afara nazvo. Ndainge ndongoti dai akasanobatwa akaitwa zvimwe ikoko-----

"Runako , iwe Runako chii chauri kutinyaudzira kudaro heeee?" Akadaro Chitope achiita kudedera nehasha. Nguva iyoyo ndakabva ndangocheuka kwave kutarisa kumadokero ndikaona Kundai naTsitai vachisvika.

"Chitope regera zvauri kuita-----" akabva anobata Runako ndikaona ave kutanga ku---- ukuwo Kundai akauya achiita kumhanya. Imiweeeee-----

HANDEI KU SUB GRP. GRP 1 RATOZARA TAVE MUGRP 2. WASARA WASARA

End of chapter 19

Stay tuned

\*WAKAIKANGIRA PAKATSVIRA DZIMWE\*



STORY WRITTEN BY

TINOH MUTSINZE

+263772578111

\*LAST FREE CHAPTER \*

## CHAPTER 20

### MUKUDZEI

Kubva kwakaita Mugove pamba ndakasara ndichinzwa hana yangu kurova. Andina kuziva kuti sei? Asi ndakatoshayawo kuti sei yainge yarova kudaro? Taingova vaviri chete vanakomana vamambo Chinhengo muvasikana vashanu. Tose taingodiwa naamai nababa pasina kuita rusaruga ganda. Tose takange takangokura tichidanana. Hapana kana zuva randakambonzwa mashoko akaipa kubva nene umwe wangu Mukove. Rukudzo aindipa samukoma vake.

Ainge achiri mangwanani , vakawanda vainge vasati vamuka havo vachakaroverta matama avo pasi. Mugove akaita kufumobata jongwe muromo kuenda kudunhu ramambo Zvanyadza uko kwaigara mhandara iyo yaaida. Kana nekwavakange vakaonana vakamuziva ndaitoshayawo kuti ndekupi chaiko? Takasara hedu mumuzinda ndikazoenda padare painge vaina baba vangu. Baba vangu munhu uya aifara nguva dzose. Taitotaura hedu nyaya dzakasiyanasiyana tichiseka pamwe nevakuru vataiva navo ipapo. Nguva diki diki kwakaitika chisionekwu mudze webwe. Bhanan'ana rakarira denga risina kana gore. Mheni kuvaima sezvinonzi kwaiva nehore yemvura--

Zvakashamisa vanhu vazhinji kwazvo kuti sei zvadaro? Ndakaona baba vangu vasimuka pachigaro chavo kwave kumira. Vainge vaita kumira vakatarisa mudenga. Ndakatoshaya kuti chii chainge chava kutora nzvimbo?

"Mukudzei mwanangu , zvaitika izvi zvine chirevo." Vakadaro baba vangu.

"Chirevo chekuti kudii nhai baba? Hongu azviitike posepose , asi ndinoda kuziva kuti zvingadaro zvichirevei?"

"Handizivewo ini , asi chandinoziva chete pane zvaitika. Mukaona zuva rorova nhongonya Mugove asati adzoka chete tevera ikoko nemachinda maviri kana matatu unoona kuti kwaitikei?"

"Aaah , nhai baba. Muchiti Mugove angaonei ikoko? Anditi anozivikanwa kuti mwana wamambo here? Kunyangwe vasingamuzive vakangomuona chete vanobva vaziva---" ndakadaro , kwete nekuti ndaipikisa , asi kuti ndaida kuti baba vajakese pfungwa yavo.

"Mashoko evakuru haawire pasi mwanangu. Uite sekutaura kwangu Mukudzei. Nemi machinda angu manzwa zvandareva nhaika" vakadavira vose vari vaviri. Nguva iyoyo ndakabva ndafamba kuenda kuimba yangu yandairara. Ndakabva ndatanga kufunga mashoko andakambotaurirwa naye Mugove rimwe zuva. Yaiita kunge nyaya , asi achiratidza kuti anoda kuziva. Ndakabva ndadzoserera ndangariro dzangu kumashure-----

"Nhai mukoma Mukudzei , toti imimi mune musikana wenyu. Kana kuti inini ndine musikana wangu wandinoda chero ndisati ndave kugarisana naye. Ndikafa ndisati ndamutora amhugoni here kumuroora imimi?"

"Uuummm zvinonetsa Mugove. Zvinoda kutanga zvabvunzirwa kuvakuru kuti mweya wemufi uri kutii zvaafa zvakamira kudai?"

"Hoooo , ini hangu ndikadanana nemusikana ndikafa mumutore henyu"

"Nekuda kwei wadaro Mugove? Wave kuda kufa here iwewe?" Haana kuzondipindura zuva iroro nekuti pane nyaya dzakazobva dzoitika mumuzinda. Saka pandakazvifunga uumm andina kuzombogadzikana mumoyo mangu. Ndakapinda muimba yangu yekurara kwave kugara pachigaro changu chaivemo.

"Ndini ndinogona kuzove mambo wemangwana. Zvimwe zvinhu zvakaita seizvi ndinofanirwa kuziva zvazvinoreva ini---" ndakadaro mumoyo mangu ndakanyarara kuti ziii. Ndakanzwa hope dzorema mumaziso angu. Ndakabva pachigaro paye ndokubva ndarara pasi. Hope dzakandirova zvandakashaya kuziva kuti sei? Mangwanani akadaro pwere dzichadziya mushana chokwadi. Ndakazomuka ave masikati ndichiita kuvhunduka nekuda kwekugogodzwa

kwaiitwa gonhi rangu.

"Ndiani?"

"Ndini mambo wangu. Zvanzi nditevere Mugove nokuti nazvino haasati adzoka"

"Ooooh , ndiregerere ndazokanganiswa nehope. Ndimirirei ndiri kuuya tiende tose."

"Zvakanaka mambo" ndakamboti ziii ndakadaro. Ndainge ndofunga kuti ndine hope dzandarota nguva yandainge ndakarara kudaro. Ndairota Mugove achituhwinha murwizi. Asiwo ndakazonzwa odaidzira zita rangu kuti anoda rubatsiro rwangu sezvo akange ave kunyura mumvura. Ndakabva ndapepuka ndisinga kuziva kuti ndazomubatsira here kana kuti kwete? Pandakabuda imomo ndakaenda kudare. Ndisati ndapinda munzira nevakomana ava ndakabva ndataurira baba nezve hope dzandainge ndarota idzi.

"Ndakutaurira Mukudzei kuti kwaitika chishamiso. Endai munonzwa mozouya motiudzawo. Zvino kana rwuri rufu rwemwana wangu Mugove , kekekeeeeeeeke , Zvanyadza anofa akanyenama sembwa. Ende ndinotanga nekuparadza mhuri yake yoose kusara asisina kana mubatsiri zvake." Andina kudavira. Ndaisada kunzwa zvehondo munzeve dzangu nekuti pakurwa apa ndaibva ndamera zenze kunyangwe hazvo ndaiva mwana wamambo. Ndakati regai ndiende ndinozvionera pamhino sefodya ikoko. Munzira mese taitaura hedu nyaya tichiseka nemachinja aya andakanga ndiinawo. Takati tave kusvika mumuzinda wamambo Zvanyadza. Pane munhu wandakaona achifamba ari kumberi kwedu. Paakationa akabva amira. Takatanga kumhanya kwave kusvika paari. Aiva musikana , asi ati kurei---

"Hes zimhandara. Ini ndinonzi Mukudzei ndiri mwana wamambo Chinhengo."

"Ndinofara zvangu. Kwakadiiwo kwamabva?"

"Kuri nani. Zita unoitwa ani?"



"Ndinonzi Cheneso. Mwanasikana wamambo Zvanyadza."

"Hooo ndafara kukuziva. Ko , wamboonawo here mumwe wangu kuno?"

"Uuumm andina munhu wandamboona asiri wemuno mumuzinda. Ipapa ndaswera ndichimberereka nesango iri zvino ndaneta. Uum pane chiitiko chaitika mangwanani—"

"Chiii chaitika nhai hanzvadzi?"

"Runako anova munin'ina wangu abuda kuenda kurwizi kuseniseni. Zvino nguva dzaadzoka adzoka achingochema , chirongo chemvura asisina. Zvaratidza kuti kune amuvhundutsira kana kuti kune zvaitika kuzasi kuno. Saka tamboedza kutsvaga vanhu tashaya"

"Hooo" ndakadaro ndichiedza kubatanidza mashoko ake aainge ataura , asi ndakatadza kumabatanidza ose ini. Kana dai Runako ainge asangana naMugove aigochemei? Kuudzwa mashoko erudo kungabva kwaita kuti munhu acheme here?

"Ko , mheni yavaima Runako ari kupi?"

"Anga ari musango. Azosvika kumba papera chinguva zvishoma."

"Hooo , ndinokumbirawo kumuona Runako wacho"

"Handei hedu munomuona ariko kumuzinda." Takabva tatanga kufamba kuenda. Cheneso ndiye aiva pamberi isu tichitevera kumashure. Nguva yatakasvika ndakaona hezvo-----

## KUNDAI

Kuchema kwaiita Runako kwakandipa kutya. Ndaisada kunzwa kuti pane chakaipa chaasangana nacho mwana waamai vangu. Ndakaudza Tsitsi kuti aite kumhanya. Ndaida kukurumbidza kusvika. Nguva diki diki ndainge ndasvika. Ndine murume wandakaona achiita kubata Runako pahuro. Ndakabva ndaita kumhanya ikoko ndichinzwa hasha-----

"Iwe ndiwe ani?" Ndakadaro vanhu vakanditarisa. Vaivhunduka kuona ndadzoka mumuzinda. Vamwewo vaifara. Iye murume iyeye akabva anditarisa kwave kuseka hake-----

"Kkkkk iwewe uri kuda kundityisa here? Uri mwana mudiki nyarara wanzwa here? Muzinda wababa vangu unoyu." Ndakabva ndapusa. Kana achiti muzinda wababa vake aiedza kutii? Munhu wandaisatomboziva kana mbichana hangu.

"Runako ihanzvadzi yangu"

"Saka zvine basa rei?" Ndakabva ndamupa chibhakera pahuma achiwira pasi. Nguva yaakada kundidzoserera , ndakamutambira nebvutsi mumbabvu achiyuwisa. Nguva iyoyo ndakamugara yetatu pagotsi apa achibva ati rabada. Ndakazoita kubatwa nevanhu. Ndaitoda kusiya afa chaiko. Muviri wangu waiva muduku pane wake , asi ndakamuratidza kuti andikori zvangu asi ndinodya ndichiguta.

"Kundai chirega kudaro. Mwana wamambo uyu." Pandakanzwa izwi raChisungo ndipo pandakabva ndaita kudzikama ipapo. Akandibata oyenda neni kudare. Zirume iroro rakasimudzwawo rouiwa maro kudare. Zvidzai ndaimuona achishaya zvekuita pandakapinda mumuzinda. Tagara pagare ndakanzwa Chisungo ave kutsanangura mamiro akange akaita zvinhu. Ndipo pandakachitanga kuzviisa pasi---

"Ndine hurombo mukoma. Paita kusanzwisana ndakanganisa"

"Ndakuvenga Kundai." Akadaro Chitope

"Hooo , zvakanaka fut. Kana inini ndakararama mumuzinda muno ndakangovengwa kudero saka andichina basa nekudiwa zvangu" ndakabva ndatobva padare racho. Ndaida nguva ndiina Runako , uye kukwazisana naVaMagumbo. Ndakanzwa kufara nekuti vakanditambira zvakanaka. Ndakavatsanangurirawo hupenyu hwangu nezvandaiitwa mumuzinda umu vakaratidza kurwadziwa----

"Zvakanaka Kundai. Chandinoziva chete muranda anozova mambo. Kureva kuti pakashoreka nhasi , mangwana panova yekuyemurika. Fara ufarisise mwanangu"

"Maita henyu mufunge"

"Ndine hurombo zvekare nekugara muimba yaamai vako. Ndinofunga kuti Chengeto ave kupedzisa kugadzira dzedu dzimba"

"Aiwa azvina kuipa amai" ndakabva ndabuda hangu mumba umu. Ndainzwa kuda kuziva chakanga chachemedza Runako kudaro. Ndakabva ndaenda paaive akagara ini kwave kugarawo parutivi rwave. Ini uku , iye pakati uyuwo Tsitsi ari kune rimwe divi. Ndainge ndaita kumubata mapendekete ake.

"Runako zvaitasei?"

"Kundai tinofanirwa kumbobva mumuzinda tozodzoka hedu"

"Kwete hazvigoni. Ini ndave nemasimba ekurwisa mhandu dzose. Ndiri kutoda kuziva zvakananzika zvose--"

"Hongu , rangarirai vatete kuti ndakakuudzai kuti Kundai achagara muzango kwemazuva mashanu. Asimba zvekuti apana angarwa naye akamukurira" akadarowo Tsitsi achisimbisa Runako.

"Hoo kubva ngatigarei hedu kana zvakadaro. Asi ndinokumbira kuti usarwise mhuri iyi yakauya manje manje"

"Ava andinei navo ini. Ndoda kupedzerana naVaZvanyadza nemudzimai wavo"

"Zvino zvavave kurwara"

"Ndinoda kuti vatopora vadzoke mumuzinda. Mira uone kuti vanodzoka ava."

"Zvakanaka mukoma wangu"

"Iwe chinditaurira kuti mhere yawaridza kudaro chii chaitika?"

"Unoziva hako Kundai. Ndati ndaa-----"

THIS BOOK IS NOW ON SALE STRARTING FROM CHAPTER 21. KUNE VACHADA HAVO KUENDERERA MBERI NARO KUSVIKA KUMAGUMO. HUYAI HUYAI TINAKIRWE. NYAYA YACHO MA1 KANI.

ECOCASH \$300 PA 0772578111 (TINOH MUTSINZE)

ONEMONEY \$300 PA 0712786647 (TINOH MUTSINZE)

VASINA ECOCASH MUNOISA ETYM YE NETONE YE \$300 PANUNBER IDZOO DZE NETONE.  
VANE YE BUDDIE MOUYA KUAPP.

VARI KU SA SEND ETYM YE R30 ECONET FROM SHOPRIGHT. OR 300 VIA MUKURU PA  
0772578111. VANODA KUTENGA NEYE KU SA MOUYA INBOX KWANGU TOTAUURIRANA.

WE NEED SCREENSHORTS AS A PROOF OF PAYMENT. AFTER ALL YOU WILL BE ADDED KUMA  
GRP ACHAPINDIRA BOOK KUSVIKA KU FINAL CHAPTER.

\*ZVICHEMO KUINBOX \*

THANK YOU MAFANS NEKUTSIGIRA.